



隆慶壬申中秋錢穀寫



釋迦文佛頌

我願世尊足指按地三千大千淨琉璃色
其中衆生靡不解脫如日出時眠者皆作
如雷震時蟄者皆動同證無上永不退轉

眉山蘇軾頌



揚貞復評釋楞嚴經



自像教東流一時旁行之書幾徧海內教傳後
燈分派別若不可詰而理絕根尋本來無二蓋
人人知有楞嚴矣第以河漢之言契妙明之旨
往往難得而詳貞復先生以再來人衍出世諦
其於楞嚴圓覺等經悉受諸家詮釋而畧為刪
潤字規句範文理曉然所謂以眼施人此其一
班也夫禪悅之味余何敢深言而壹稟之先生

以庶幾不謬則余所多幸也若夫見性者共其
高深棲情者獵其藻蔚政如跡有短長隨人心
念觀者當自得之耳

西吳凌毓相薰沐識



大佛頂如來密因修證了義諸菩薩萬行首楞嚴經

通釋經題

夫如來果體其體本然何假密因菩薩道用其用無作孰資萬行無因無作無修無證無了不了大小名相一切不立此真首楞嚴究竟堅固者也特以衆生如來隱於藏心非密因不顯衆生菩薩淪於七趣非萬行不修覺皇於是示之

以大法使不迷於小道而默得乎無外之體喻
之以佛頂使不滯於相見而妙極乎無上之致
指如來密因使明本妙之心知三世諸佛皆依
此爲初因明修證了義使悟究竟之法知一切
聖人皆依此而證果乃至具足菩薩清淨萬行
一切事法無不究竟至於實相堅固不壞故名
大佛頂如來密因修證了義諸菩薩萬行首楞
嚴經始於徵心辯見終於破陰褫魔無非健相

分別事也

正宗五分

此經正宗文五一見道分初由七徵以顯常住

真心性淨明體即第一卷次由八還以辯妙淨見精

顯如來藏即第二卷復即山河萬象宣勝義中真

勝義性四卷初中皆使行人明心見性爲修證密

因故名見道分二修道分首示初心二決定義

令審因心果覺又審煩惱根本爲修行真基中四

至未決示六根舒結倫次令解結心而得妙圓通

爲修行真要

五至六中

此利根進修之一終也故阿

難至此明了菩提所歸道路自謂已悟成佛法

門而願度末世復請安立道場攝心軌則遂聞

三無漏學四種律儀及大神呪

六

到杓總爲修行

方便故名修道分三證果分始從凡夫終大涅

槃歷示增進五十五位至盡妙覺成無上道故

名證果分四結經分列示五門結顯大旨

八中五

助道分初明天獄七趣一惟心造次明奢摩他
中微細魔事恐諸行人洗心非正失錯墮落故
名助道八中未夫見道然後修道修道然後證果
修證事畢於是結經楞嚴止此而已而世尊大
慈復欲持戒衆生謹潔無犯真修行者不遭岐
枝故說助道之法最後垂範遂入流通而終會
焉此乃一經綸貫連環不斷其大略如此

楞嚴華言究竟堅固乃大定之德名

室羅筏城名

漏不滲者乃受不受之別謂取相不取相也

大佛頂如來密因修證了義諸菩薩萬行首楞

嚴經卷第一

唐天竺沙門般刺密帝譯

烏菴國沙門彌伽釋迦譯語

清河房融筆授

明東粵比丘楊起元泐

如是。我聞。一時佛在室羅筏城。祇桓精舍。與大
比丘衆千二百五十人俱。皆是無漏大阿羅漢。
佛子。住持善超。諸有能於國土成就威儀。從佛
轉輪。妙堪遺囑。嚴淨毗尼。弘範三界。應身無量。



度脫衆生。拔濟未來。越諸塵累。其名曰大智舍
利弗。摩訶目犍連。摩訶拘絺羅。富樓那。彌多羅
尼子。須菩提。優波尼沙陀等。而爲上首。復有無
量辟支無學。并其初心。同來佛所。屬諸比丘。休
夏自恣。十方菩薩。咨決心疑。欽奉慈嚴。將求密
義。卽時如來。敷坐宴安。爲諸會中。宣示深奧。法
筵清衆。得未曾有。迦陵仙音。徧十方界。恒沙菩
薩。來聚道場。文殊師利。而爲上首。時波斯匿王。

迦陵寫如鳳鳴清
猶如星蕭妙台原
萬眾爲百衆之尊
故取此比佛音

教阿羅漢無供儀
已起後回之由

阿闍黎執儀師應
器鉢也

爲其父王諱日營齋。請佛宮掖。自迎如來。廣設
珍羞。無上妙味。兼復親延諸大菩薩。城中復有
長者居士。同時飯僧。佇佛來應。佛勅文殊分領
菩薩及阿羅漢。應諸齋主。唯有阿難先受別請。
遠遊未還。不遑僧次。旣無上座及阿闍黎。塗中
獨歸。其實無供。卽時阿難執持應器。於所遊城
次第循乞。心中初求最後檀越。以爲齋主。無問
淨穢刹利尊姓。及旃陀羅。方行等慈。不擇微賤。

發意圓成一切衆生無量功德。阿難已知如來
世尊。訶須菩提及大迦葉爲阿羅漢。心不均平。
欽仰如來。開闡無遮。度諸疑謗。經彼城隍。徐步
郭門。嚴整威儀。肅恭齋法。爾時阿難因乞食次。
經歷姪室。遭大幻術。摩登伽女以娑毗迦羅先
梵天呪。攝入姪席。姪躬撫摩。將毀戒體。如來知
彼姪術所加。齋畢旋歸。王及大臣長者居士俱
來隨佛。願聞法要。於時世尊頂放百寶無畏光。

正宗分五
究竟愛之因以起
下女

最初方便即後棟
者 擇圓通一門超入

明光中出生千葉寶蓮有佛化身結跏趺坐宣
說神呪勅文殊師利將呪往護惡呪銷滅提獎
阿難及摩登伽歸來佛所。

阿難見佛頂禮悲泣恨無始來一向多聞未全

道力殷勤啓請十方如來得成菩提妙奢摩宅

三摩禪那最初方便於時復有恒沙菩薩及諸

十方大阿羅漢辟支佛等俱願樂聞退坐默然

承受聖旨佛告阿難汝我同氣情均天倫當初

漢無始來數句乃
一經之肯綮

發心於我法中見何勝相頓捨世間深重恩愛
阿難白佛我見如來三十二相勝妙殊絕形體
映徹猶如瑠璃常自思惟此相非是欲愛所生
何以故欲氣麤濁腥臊交遘膿血雜亂不能發
生勝淨妙明紫金光聚是以渴仰從佛剝落佛
言善哉阿難汝等當知一切衆生從無始來生
死相續皆由不知常住真心性淨明體用諸妄
想此想不真故有輪轉汝今欲研無上菩提真

真則直安則曲
諸委曲即直心
心直則無上菩提
地位可到矣

心目二字是通部
血脉

發明性。應當直心。訓我所問。十方如來。同一道
故。出離生死。皆以直心。心言直故。如是乃至終
始地位。中間未無諸委曲相。阿難。我今問汝。當
汝發心。緣於如來三十二相。將何所見。誰爲愛
樂。阿難白佛言。世尊。如是愛樂。用我心目。由目
觀見如來勝相。心生愛樂。故我發心。願捨生死。
佛告阿難。如汝所說。真所愛樂。因於心目。若不
識知心目所在。則不能得降伏塵勞。譬如國王

一微心不在身內

阿難認識為心不
知離識為心所以
有許多商量擬議

在內之心必應見
內故以堂中先何

所見為問

為賊所侵。發兵討除。是兵要當知賊所在。使汝
流轉。心目為咎。吾今問汝。唯心與目。今何所在。
阿難白佛言。世尊。一切世間十種異生。同將識
心。居在身內。縱觀如來青蓮華眼。亦在佛面。我
今觀此浮根四塵。祇在我面。如是識心。實居身
內。佛告阿難。汝今現坐如來講堂。觀祇陀林。今
何所在。世尊。此大重閣。清淨講堂。在給孤園。今
祇陀林。實在堂外。阿難。汝今堂中。先何所見。世

三摩提乃正定也
手聖共由故曰一
門

前文雙呈心目今
乃先破妄心後破
妄見然雖破妄心
都不顯言此心是

尊我在堂中。先見如來。次觀大衆。如是外望。方
矚林園。阿難。汝矚林園。因何有見。世尊。此大講
堂。戶牖開豁。故我在堂。得遠瞻見。爾時世尊在
大衆中。舒金色臂。摩阿難頂。告示阿難。及諸大
衆。有三摩提名。大佛頂首楞嚴王。具足萬行。十
方如來。一門超出。妙莊嚴路。汝今諦聽。阿難頂
禮。伏受慈旨。佛告阿難。如汝所言。身在講堂。戶
牖開豁。遠矚林園。亦有衆生。在此堂中。不見如

身直至七微之後
始告之曰此非汝
心者要引阿難處
處推呈令其情盡
理窮而後曉也

二微心不在身外

來見堂外者。阿難答言。世尊。在堂不見如來。能
見林泉。無有是處。阿難。汝亦如是。汝之心靈。一
切明了。若汝現前所明了心。實在身內。爾時先
合了知內身。頗有衆生。先見身中。後觀外物。縱
不能見心肝脾胃爪生髮長筋轉脉搖。誠合明
了。如何不知。必不內知。云何知外。是故應知。汝
言覺了能知之心。住在身內。無有是處。

阿難稽首而白佛言。我聞如來如是法音。悟知

前既發心目所在
此指先破妄心為
言

一人不能飽諸人
者喻外心不能知
身也

我心實居身外。所以者何。譬如燈光然於室中。
是燈必能先照室內。從其室門後及庭際。一切
衆生不見身中。獨見身外。亦如燈光居在室外。
不能照室。是義必明。將無所惑。同佛了義。得無
妄耶。佛告阿難。是諸比丘。適來從我室羅筏城。
循乞搏食。歸祇陀林。我已宿齋。汝觀比丘一人
食時。諸人飽不。阿難答言。不也。世尊何以故。是
諸比丘。雖阿羅漢。軀命不同。云何一人能令衆

見手在目分別在
心則心非外明矣

三徵心不在眼根

飽佛告阿難。若汝覺了知見之心。實在身外。身
心相外。自不相干。則心所知。身不能覺。覺在身
際。心不能知。我今示汝。梵羅綿手。汝眼見時。心
分別不。阿難答言。如是。世尊。佛告阿難。若相知
者。云何在外。是故應知。汝言覺了能知之心。住
在身外。無有是處。

阿難白佛言。世尊。如佛所言。不見內故。不居身
內。身心相知。不相離故。不在身外。我今思惟。知

眼見琉璃心不見
眼雖能見眼之即
成境眼既成境豈
能隨即分別

在一處佛言處今何在阿難言此了知心既不
知內而能見外如我思忖潛伏根裏猶如有人
取琉璃椀合其兩眼雖有物合而不畱礙彼根
隨見隨卽分別然我覺了能知之心不見內者
爲在根故分明矚外無障礙者潛根內故佛告
阿難如汝所言潛根內者猶如琉璃彼人當以
琉璃籠眼當見山河見琉璃不如是世尊是人
當以琉璃籠眼實見琉璃佛告阿難汝心若同

琉璃合者。當見山河。何不見眼。若見眼者。眼卽同境。不得成隨。若不能見。云何說言。此了知心。潛在根內。如琉璃合。是故應知。汝言覺了。能知之心。潛伏根裏。如琉璃合。無有是處。

阿難白佛言。世尊。我今又作如是思惟。是衆生身。腑藏在中。竅穴居外。有藏則暗。有竅則明。今我對佛。開眼見明。名爲見外。閉眼見暗。名爲見內。是義云何。佛告阿難。汝當閉眼見暗之時。此

此謂眼但外見無
容內對若可內對
開眼時何不見汝
之面乎

暗境界爲與眼對爲不對眼若與眼對暗在眼前云何成內若成內者居暗室中無日月燈此室暗中皆汝焦腑若不對者云何成見若離外見內對所成合眼見暗名爲身中開眼見明何不見面若不見面內對不成見面若成此了知心及與眼根乃在虛空何成在內若在虛空自非汝體卽應如來今見汝面亦是汝身汝眼已知身合非覺必汝執言身眼兩覺應有二知卽

汝一身應成兩佛。是故應知汝言見暗。名見內者。無有是處。

五徵心非隨合
境。是心起。心逐境。
是心。是境。即境。

阿難言。我常聞佛開示四衆。由心生故。種種法生。由法生故。種種心生。我今思惟。卽思惟體。實我心性。隨所合處。心則隨有。亦非內外中間三處。佛告阿難。汝今說言。由法生故。種種心生。隨所合處。心隨有者。是心無體。則無所合。若無有體。而能合者。則十九界。因七塵合。是義不然。若

阿難分心眼為二
佛約眼是歸心微
露其端後方點明

有體者。如汝以手自捏其體。汝所知心。為復內
出。為從外入。若復內出。還見身中。若從外來。先
合見面。阿難言見是其眼。心知非眼。為見非義。
佛言若眼能見。汝在室中。門能見不。則諸已死。
尚有眼存。應皆見物。若見物者。云何名死。阿難。
又汝覺了能知之心。若必有體。為復一體。為有
多體。今在汝身。為復徧體。為不徧體。若一體者。
則汝以手捏一支時。四支應覺。若咸覺者。捏應

無在若捏有所則汝一體自不能成若多觸者
則成多人何體爲汝若徧體者同前所捏若不
徧者當汝觸頭亦觸其足頭有所覺足應無知
今汝不然是故應知隨所合處心則隨有無有
是處

阿難白佛言世尊我亦聞佛與文殊等諸法王
子談實相時世尊亦言心不在內亦不在外如
我思惟內無所見外不相知內無知故在內不

成身心相知。在外非義。今相知故。復內無見。當
在中間。佛言。汝言中間。中必不迷。非無所在。今
汝推中。中何爲在。爲復在處。爲當在身。若在身
者。在邊非中。在中同內。若在處者。爲有所表。爲
無所表。無表同無表。則無定。何以故。如人以表
表爲中時。東看則西。南觀成北。表體旣混。心應
雜亂。阿難言。我所說中。非此二種。如世尊言。眼
色爲緣。生於眼識。眼有分別。色塵無知識。生其

維摩謂心不在內
亦不在外不在中
間如其心感罪垢
左眼

七徵心非無著

破此皆照雅下乃結

中則爲心在佛言汝心若在根塵之中此之心
體爲復兼二爲不兼二若兼二者物體雜亂物
非體知成敵兩立云何爲中兼二不成非知不
知卽無體性中何爲相是故應知當在中間無
有是處

阿難白佛言世尊我昔見佛與大目連須菩提
富樓那舍利弗四大弟子共轉法輪常言覺知
分別心性既不在內亦不在外不在中間俱無

三際求心心不著
故安原無妄心無
處即善提生死理
標本平等

所著是境能著是
心即心境二門以
窮其妄猶未顯其
真也

所在一切無著名之爲心則我無著名爲心不
佛告阿難汝言覺知分別心性俱無在者世間
虛空水陸飛行諸所物象名爲一切汝不著者
爲在爲無無則同於龜毛兔角云何不著有不
著者不可名無無相則無非無則相相有則在
云何無著是故應知一切無著名覺知心無有
是處。

爾時阿難在大衆中卽從座起偏袒右肩右膝

奢摩他路者入實
際之門也

著地合掌恭敬而白佛言。我是如來最小之弟。蒙佛慈愛。雖今出家。猶恃嬌憐。所以多聞未得。無漏。不能折伏娑毗羅呪。爲彼所轉。溺於婬舍。當由不知真際所詣。惟願世尊大悲哀愍。開示我等奢摩他路。令諸闍提墮彌戾車。作是語已。五體投地。及諸大衆。傾渴翹佇。欽聞示誨。爾時世尊從其面門。放種種光。其光晃曜。如百千日。普佛世界。六種震動。如是十方微塵國土。一時

因阿難未得無漏
不知真際之請故
詔之

開現佛之威神。令諸世界合成一界。其世界中
所有一切諸大菩薩。皆住本國。合掌承聽。佛告
阿難。一切衆生。從無始來。種種顛倒。業種自然
如惡叉聚。諸修行人。不能得成。無上菩提。乃至
別成聲聞緣覺。及成外道。諸天魔王。及魔眷屬。
皆由不知二種根本。錯亂修習。猶如煮沙欲成
嘉饌。縱經塵劫。終不能得。云何二種。阿難。一者
無始生死根本。則汝今者。與諸衆生。用攀緣心。

阿難有開示奉
摩它路之請故此
顯離常性以詔之
摩謂隨緣分別之
見常謂本然自性
之體真心絕妄故
說離塵

喚起心目二字

爲自性者。二者無始菩提涅槃元清淨體。則汝
今者識精元明。能生諸緣。緣所遺者。由諸衆生。
遺此本明。雖終日行而不自覺。枉入諸趣。阿難。
汝今欲知奢摩它路。願出生死。今復問汝。卽時
如來舉金色臂。屈五輪指。語阿難言。汝今見不
阿難言。見佛言。汝何所見。阿難言。我見如來舉
臂屈指爲光明拳。耀我心目。佛言。汝將誰見。阿
難言。我與大衆。同將眼見。佛告阿難。汝今答我。

嗚者嗟其迷重疊
驚愕歎

如來屈指爲光明拳。曜汝心目。汝目可見。以何
爲心。當我拳曜。阿難言。如來現今徵心所在。而
我以心推窮尋逐。卽能推者。我將爲心。佛言。咄
阿難。此非汝心。阿難矍然避座。合掌起立。白佛。
此非我心。當名何等。佛告阿難。此是前塵虛妄
相想。惑汝真性。由汝無始。至於今生。認賊爲子。
失汝元常。故受輪轉。

阿難白佛言。世尊。我佛寵弟。心愛佛故。令我出

家。我心何獨供養如來。乃至徧歷恒沙國土。承
事諸佛。及善知識。發大勇猛。行諸一切難行法
事。皆用此心。縱令謗法。求退善根。亦因此心。若
此發明。不是心者。我乃無心。同諸土木。離此覺
知。更無所有。云何如來說此非心。我實驚怖。兼
此大衆。無不疑惑。惟垂大悲。開示未悟。爾時世
尊。開示阿難。及諸大衆。欲令心入無生法。忍於
師子座。摩阿難頂。而告之言。如來常說諸法所

水具波性方能造
波全研造波即能
造水

離塵是無體之心
不應取著

生唯心所現。一切因果世界微塵。因心成體。阿
難。若諸世界一切所有。其中乃至草葉縷結。詰
其根元。咸有體性。縱令虛空。亦有名貌。何況清
淨妙淨明心性。一切心而自無體。若汝執恠分
別覺觀。所了知性。必爲心者。此心卽應離諸一
切色香味觸諸塵事業。別有全性。如汝今者承
聽我法。此則因聲而有分別。縱滅一切見聞覺
知。內守幽閒。猶爲法塵分別影事。我非勅汝執

爲非心。但汝於心微細揣摩。若離前塵。有分別性。卽真汝心。若分別性離塵無體。斯則前塵分別影事。塵非常住。若變滅時。此心則同龜毛兔角。則汝法身同於斷滅。其誰修證。無生法忍。卽時阿難與諸大眾默然自失。佛告阿難。世間一切諸修學人。現前雖成九次第定。不得漏盡。成阿羅漢。皆由執此生死妄想。誤爲真實。是故汝今雖得多聞。不成聖果。

上文破妄心。此下
破妄見。以至會見
歸心。漸顯真性。

阿難求認真心。故
以見屬眼。心屬分
別。若此一疑。問在
故如來先破之。

二障請頌。勝母知

心為法源。見為道
眼。真見顯則妄見
破。故以道眼為請。

阿難聞已。重複悲淚。五體投地。長跪合掌而白。
佛言。自我從佛發心出家。恃佛威神。常自思惟。
無勞我修。將謂如來惠我三昧。不知身心本不
相代。失我本心。雖身出家。心不入道。譬如窮子
捨父逃逝。今日乃知。雖有多聞。若不修行。與不
聞等。如人說食。終不能飽。世尊。我等今者。二障
所纏。良由不知寂常心性。惟願如來哀愍窮露。
發妙明心。開我道眼。即時如來從曾卍字涌出。

問相類者以明不
類無手則無拳無
眼踪無見而心不
類

寶光其光晃昱有百千色十方微塵普佛世界
一時周徧徧灌十方所有寶刹諸如來頂旋至
阿難及諸大衆告阿難言吾今爲汝建大法幢
亦令十方一切衆生獲妙微密性淨明心得清
淨眼阿難汝先答我見光明拳此拳光明因何
所有云何成拳汝將誰見阿難言由佛全體閻
浮檀金赭如寶山清淨所生故有光明我實眼
觀五輪指端屈握示人故有拳相佛告阿難如

奉有生滅見非有
無故雖群育不能
觀暗常性之實也

來今日實言告汝。諸有智者。要以譬喻而得開
悟。阿難。譬如我拳。若無我手。不成我拳。若無汝
眼。不成汝見。以汝眼根。例我拳理。其義均不阿
難言。唯然。世尊。既無我眼。不成我見。以我眼根。
例如來拳。事義相類。佛告阿難。汝言相類。是義
不然。何以故。如無手人。拳畢竟滅。彼無眼者。非
見。全無所以者。何汝試於塗。詢問盲人。汝何所
見。彼諸盲人。必來答汝。我今眼前。唯見黑暗。更

無他矚。以是義觀前塵。自暗見何虧損。阿難言。諸盲眼前。唯覩黑暗。云何成見。佛告阿難。諸盲無眼。唯觀黑暗。與有眼人。處於暗室。二黑有別。爲無有別。如是世尊。此暗中人。與彼羣盲。二黑校量。曾無有異。阿難。若無眼人。全見前黑。忽得眼光。還於前塵。見種種色。名眼見者。彼暗中人。全見前黑。忽獲燈光。亦於前塵。見種種色。應名燈見。若燈見者。燈能有見。自不名燈。又則燈觀。

以彼淺中于無色
處則見有色于有
色處不見色故蓋
眼雖見色之謂也

此以緣塵分別之
心為客塵之義

客塵二字提得甚
好亦可合喻

何○關○汝○事○是○故○當○知○燈○能○顯○色○如○是○見○者○是○眼○
非○燈○眼○能○顯○色○如○是○見○性○是○心○非○眼○

阿○難○雖○復○得○聞○是○言○與○諸○大○眾○口○已○默○然○心○未○
開○悟○猶○冀○如○來○慈○音○宣○示○合○掌○清○心○佇○佛○悲○誨○
爾○時○世○尊○舒○兜○羅○綿○網○相○光○手○開○五○輪○指○誨○敕○
阿○難○及○諸○大○眾○我○初○成○道○於○鹿○園○中○為○阿○若○多○
五○比○丘○等○及○汝○四○眾○言○一○切○眾○生○不○成○菩○提○及○
阿○羅○漢○皆○由○客○塵○煩○惱○所○誤○汝○等○當○時○因○何○開○

客塵煩惱有九一貪
二嗔三痴四上心
惑五無明六見所
斷七修所斷八不
淨地惑九淨地惑
此二惑在第七地
至究竟位中

悟今成聖果。時憍陳那起立白佛。我今長老。於
大衆中獨得解名。因悟客塵二字成果。世尊。譬
如行客投寄旅亭。或宿或食。宿食事畢。俶裝前
塗。不遑安住。若實主人自無攸往。如是思惟。不
住名客。住名主人。以不住者名爲客義。又如新
霽清暘。升天光入隙中。發明空中。諸有塵相。塵
質搖動。虛空寂然。如是思惟。澄寂名空。搖動名
塵。以搖動者名爲塵義。佛言。如是。卽時如來於

手有開合見無動
靜對外境辨

大衆中。屈五輪指。屈已復開。開已又屈。謂阿難
言。汝今何見。阿難言。我見如來百寶輪掌。衆中
開合。佛告阿難。汝見我手。衆中開合。爲是我手。
有開有合。爲復汝見。有開有合。阿難言。世尊寶
手衆中開合。我見如來手自開合。非我見性。有
開有合。佛言。誰動誰靜。阿難言。佛手不住。而我
見性尚無有靜。誰爲無住。佛言。如是。如來於是
從輪掌中。飛一寶光。在阿難右。卽時阿難迴首。

右盼。又放一光在阿難左。阿難又則迴首左盼。佛告阿難。汝頭今日因何搖動。阿難言。我見如來出妙寶光。來我左右。故左右觀。頭自搖動。阿難。汝盼佛光。左右動頭。爲汝頭動。爲復見動。世尊。我頭自動。而我見性尚無有止。誰爲搖動。佛言。如是。於是如來普告大衆。若復衆生以搖動者。名之爲塵。以不住者。名之爲客。汝觀阿難頭自動。搖見無所動。又汝觀我手自開合。見無舒

新撰俗之妄法
界之真此如來所
以開奢摩他路也

卷云何汝今以動爲身以動爲境從始洎終念
念生滅遺失真性顛倒行事性心失真認物爲
已輪迴是中自取流轉

大佛頂如來密因修證了義諸菩薩萬行首楞

嚴經卷第一

終

國家圖書館, NATIONAL CENTRAL LIBRARY, TAIWAN, R.O.C

第一卷音義

笈音

毗音

訶音

捷音

締音

迦音

掖音

勅音

闍音

矚音

刹音

旃音

陀音

闌音

幻音

伽音

姿音

梵音

跏音

跌音

牖音

兜音

椀音

邁音

搏音

桎音

愍音

隳音

翹音

晃音

涅音

槃音

拳音

矍音

恂音

卮音

昱音

絕音

詢音

俶音

霽音

暘音

芳嚴經 卷一

音義

十一

隱
穩音

盼
戲音

泊
淚音

盲
蒙音

珈
茄音



國家圖書館, NATIONAL CENTRAL LIBRARY, TAIWAN, R.O.C.

動為境則身心真
妄未辨虛實又責
以念之生滅遺失
其性則不生滅者
之未辨故兩問

大佛頂如來密因修證了義諸菩薩萬行首楞嚴經卷第二



爾時阿難及諸大衆聞佛示誨身心泰然念無
始來失却本心妄認緣塵分別影事今日開悟
如失乳兒忽遇慈母合掌禮佛願聞如來顯出
身心真妄虛實現前生滅與不生滅二發明性
時波斯匿王起立白佛我昔未承諸佛誨勅見
迦旃延毗羅胝子咸言此身死後斷滅名為涅

外道名

此以心念身念法
念處觀無常

槃我雖值佛。今猶狐疑。云何發揮。證知此心不
生滅地。今此大衆諸有漏者。咸皆願聞。佛告大
王。汝身現在。今復問汝。汝此肉身。爲同金剛常
住不朽。爲復變壞。世尊。我今此身。終從變滅。佛
言。大王。汝未曾滅。云何知滅。世尊。我此無常變
壞之身。雖未曾滅。我觀現前。念念遷謝。新新不
住。如火成灰。漸漸銷殞。殞亡不息。決知此身當
從滅盡。佛言。如是大王。汝今生齡。已從衰老。顏

貌何如童子之時。世尊。我昔孩孺。膚腠潤澤。年
至長成。血氣充滿。而今頹齡。迫於衰老。形色枯
悴。精神昏昧。髮白面皺。逮將不久。如何見比。充
盛之時。佛言。大王。汝之形容。應不頓朽。王言。世
尊。變化密移。我誠不覺。寒暑遷流。漸至於此。何
以故。我年二十。雖號年少。顏貌已老。初十歲時。
三十之年。又衰二十。於今六十。又過於二。觀五
十時。宛然強壯。世尊。我見密移。雖此殂落。其間

流易。且限十年。若復令我微細思惟。其變寧唯
一紀二紀。實爲年變。豈唯年變。亦兼月化。何直
月化。兼又日遷。沈思諦觀。剎那剎那。念念之間。
不得停住。故知我身。終從變滅。佛告大王。汝見
變化。遷改不停。悟知汝滅。亦於滅時。汝知身中
有不滅耶。波斯匿王合掌白佛。我實不知。佛言。
我今示汝不生滅性。大王。汝年幾時。見恒河水。
王言。我生三歲。慈母攜我謁耆婆天。經過此流。

即無常生滅之身
顯常在無滅之性
故指觀河為前以
明流而不易之勢

此言不遷之性見
生之者不生也

爾時卽知是恒河水。佛言。大王。如汝所說二十
之時。衰於十歲。乃至六十。日月歲時。念念遷變。
則汝三歲見此河時。至年十三。其水云何。王言
如三歲時。宛然無異。乃至於今年六十二。亦無
有異。佛言。汝今自傷髮白面皺。其面必定皺於
童年。則汝今時觀此恒河。與昔童時觀河之見
有童。毫不王言不也。世尊。佛言。大王。汝面雖皺。
而此見精性。未曾皺。皺者爲變。不皺非變。變者

者不化此觀河之
見與童髦也

末伽梨昇外道

受滅彼不變者。元無生滅。云何於中受汝生死。
而猶引彼末伽梨等。都言此身死後全滅。王聞
是言。信知身後捨生趣生。與諸大眾。踊躍歡喜。
得未曾有。

阿難卽從座起。禮佛。合掌長跪白佛。世尊。若此
見聞。必不生滅。云何世尊。名我等輩。遺失真性。
顛倒行事。願興慈悲。洗我塵垢。卽時如來垂金
色臂。輪手下指。示阿難言。汝今見我母陀羅手。

爲正爲倒。阿難言。世間衆生以此爲倒。而我不
知誰正誰倒。佛告阿難。若世間人以此爲倒。卽
世間人將何爲正。阿難言。如來豎臂。兜羅綿手。
上指於空。則名爲正。佛卽豎臂。告阿難言。若此
顛倒。首尾相換。諸世間人一倍瞻視。則知汝身
與諸如來清淨法身。比類發明。如來之身。名正
徧知。汝等之身。號性顛倒。隨汝諦觀。汝身佛身。
稱顛倒者。名字何處。號爲顛倒。於時阿難與諸

應不失期名海潮

此方揭出妙明真心
真心性以解阿難
等顛倒果也

大衆瞪瞞瞻佛。目睛不瞬。不知身心顛倒所在。
佛興慈悲。哀愍阿難。及諸大衆。發海潮音。徧告
同會諸善男子。我常說言。色心諸緣。及心所使。
諸所緣法。唯心所現。汝身汝心。皆是妙明真精
妙心中所現物。云何汝等遺失本妙圓妙明心。
寶明妙性。認悟中迷。晦昧爲空。空晦暗中。結暗
爲色。色雜妄想。想相爲身。聚緣內搖。趣外奔逸。
昏擾擾相。以爲心性。一迷爲心。決定惑爲色身。

是法住法住世間
常相住由其取小
遺大如棄誨認
故為迷中倍人

之內。不知色身。外洎山河。虛空大地。咸是妙明
真心中物。譬如澄清百千大海。棄之惟認一浮
漚。體目為全潮。窮盡瀛渤。汝等卽是迷中倍人。
如我垂手。等無差別。如來說為可憐愍者。

阿難承佛悲救深誨。垂泣叉手。而白佛言。我雖
承佛如是妙音。悟妙明心。元所圓滿。常住心地。
而我悟佛現說法音。現以緣心。允所瞻仰。徒獲
此心。未敢認為本元心地。願佛哀愍。宣示圓音。

阿難雖悟妙明本
來有遍了無遺失
而以緣心聽法即
前緣塵分別故示
以無還常性

拔我疑根歸無上道佛告阿難汝等尚以緣心
聽法此法亦緣非得法性如人以手指月示人
彼人因指當應看月若復觀指以爲月體此人
豈唯亡失月輪亦亡其指何以故以所標指爲
明月故豈唯亡指亦復不識明之與暗何以故
卽以指體爲月明性明暗二性無所了故汝亦
如是若以分別我說法音爲汝心者此心自應
離分別音有分別性譬如客寄宿旅亭暫止

緣塵之心離塵無
緣故謂冥諦

便去終不常住而掌亭人都無所去名爲亭主
此亦如是若真汝心則無所去云何離心無分
別性斯則豈唯聲分別心分別我容離諸色相
無分別性如是乃至分別都無非色非空拘舍
離等昧爲冥諦離諸法緣無分別性則汝心性
各有所還云何爲主阿難言若我心性各有所
還則如來說妙明元心云何無還惟垂哀愍爲
我宣說佛告阿難且汝見我見精明元此見雖

二月者如以指按
目則見二月之謂

欲示無還之性先
指可還之相

本因者日為明因
黑為暗因隙為通
因霧為清淨因

楞嚴經

非妙精明心。如第二月。非是月影。汝應諦聽。今
當示汝無所還地。阿難。此大講堂洞開。東方日
輪升天。則有明曜。中夜黑月。雲霧晦冥。則復昏
暗。戶牖之隙。則復見通。牆宇之間。則復觀壅。分
別之處。則復見緣。頑虛之中。徧是空性。鬱埒之
象。則紆昏塵。澄霽歛氛。又觀清淨阿難。汝咸看
此諸變化相。吾今各還本所因處。云何本因。阿
難。此諸變化。明還日輪。何以故無日不明。明因

一室千燈光豈有
別而被此自照各
不相礙

屬日。是故還日。暗還黑月。通還戶牖。壅還牆宇。
緣還分別。頑虛還空。鬱埽還塵。清明還霽。則諸
世間一切所有。不出斯類。汝見八種見精明性。
當欲誰還。何以故。若還於明。則不明時。無復見
暗。雖明暗等種種差別。見無差別。諸可還者。自
然非汝。不汝還者。非汝而誰。則知汝心本妙明。
淨。汝自迷悶。喪本受輪於生死中。常被漂溺。是
故如來名可憐愍。

如云雜識二月何
為真月

菴摩羅果言類分
別其果似挑非挑
似奈非奈

阿難言。我雖識此見性無還。云何得知是我真
性。佛告阿難。吾今問汝。今汝未得無漏清淨。承
佛神力。見於初禪。得無障礙。而阿那律見閻浮
提。如觀掌中菴摩羅果。諸菩薩等。見百千界。十
方如來。窮盡微塵清淨國土。無所不矚。衆生洞
視。不過分寸。阿難。且吾與汝觀四天王所住宮
殿。中間徧覽水陸空行。雖有昏明種種形像。無
非前塵。分別留礙。汝應於此分別自他。今吾將

阿難雖識見性而未知真性。然見性之微也。猶恐阿難認此見性。既周外物。仍謂外物同我。能見。故下文破之。

汝擇於見中。誰是我體。誰爲物象。阿難極汝見源。從日月宮。是物非汝。至七金山。周徧諦觀。雖種種光。亦物非汝。漸漸更觀。雲騰鳥飛。風動塵起。樹木山川。草芥人畜。咸物非汝。阿難。是諸近遠。諸有物性。雖復差殊。同汝見精。清淨所矚。則諸物類。自有差別。見性無殊。此精妙明。誠汝見性。若見是物。則汝亦可見。吾之見。若同見者。名爲見。吾。吾不見時。何不見。吾不見之處。若見不

見自然非彼不見之相。若不見吾不見之地。自然非物。云何非汝。又則汝今見物之時。汝既見物。物亦見汝。體性紛雜。則汝與我并。諸世間不成安立。阿難。若汝見時。是汝非我。見性周徧。非汝而誰。云何自疑。汝之真性。性汝不真。取我求實。

阿難白佛言。世尊。若此見性。必我非餘。我與如來觀四天王。勝藏寶殿。居日月宮。此見周圓徧

此為盡蛇添足阿
羅之妄計也

編法婆國共相由
瞻蒼塵自相也縮
大小小間疑也

娑婆國。退歸精舍。祇見伽藍。清心戶堂。但瞻簷
廡。世尊。此見如是。其體本來周徧一界。今在室
中。唯滿一室。爲復此見。縮大爲小。爲當墻宇。夾
令斷絕。我今不知斯義所在。願垂弘慈。爲我敷
演。佛告阿難。一切世間大小內外諸所事業。各
屬前塵。不應說言見有舒縮。譬如方器中見方
空。吾復問汝。此方器中所見方空。爲復定方。爲
不定方。若定方者。別安圓器。空應不圓。若不定

方員因器不在虛
空大小由塵何關
見此

者在方器中。應無方空。汝言不知斯義所在。義性如是。云何爲在阿難。若復欲令人無方圓。但除器方。空體無方。不應說言更除虛空。方相所在。若如汝問入室之時。縮見令小。仰觀日時。汝豈挽見齊於日面。若築牆宇。能夾見斷。穿爲小竇。寧無續跡。是義不然。一切衆生。從無始來。迷已爲物。失於本心。爲物所轉。故於是中觀大觀小。若能轉物。則同如來。身心圓明。不動道場。於

未達境。起心起種。分別達境。惟心已分別。即不生上。二句爲物所轉也。下二句若能轉物也。

欲上若能轉物則
同如來是則所見
山河皆我妙性

一毛端徧能含受十方國土。

阿難白佛言。世尊。若此見精。必我妙性。今此妙性。現在我前。見必我真。我今身心。復是何物。而今身心。分別有實。彼見無別。分辨我身。若實我心。令我今見。見性實我。而身非我。何殊如來先所難言。物能見我。惟垂大慈。開發未悟。佛告阿難。今汝所言。見在汝前。是義非實。若實汝前。汝實見者。則此見精。既有方所。非無指示。且今與

收若見見別無物
蘇若見見物無見
可剖

汝坐祇陀林。徧觀林渠。及與殿堂。上至日月。前
對恒河。汝今於我師子座前。舉手指陳。是種種
相。陰者是林。明者是日。礙者是壁。通者是空。如
是乃至草樹纖毫。大小雖殊。但可有形。無不指
著。若必其見。現在汝前。汝應以手確實指陳。何
者是見。阿難。當知若空。是見。既已成見。何者是
空。若物。是見。既已。是見。何者。為物。汝可微細披
剝。萬象析出。精明淨妙。見元指陳。示我同彼諸

此結無是見者

物。分明無惑。阿難言。我今於此重閣講堂。遠洎
恒河。上觀日月。舉手所指。縱目所觀。指皆是物。
無是見者。世尊。如佛所說。況我有漏。初學聲聞。
乃至菩薩。亦不能於萬物象前。剖出精見。離一
切物。別有自性。佛言。如是如是。佛復告阿難。如
汝所言。無有見精。離一切物。別有自性。則汝所
指。是物之中。無是見者。今復告汝。汝與如來坐
祇陀林。更觀林苑。乃至日月種種象殊。必無見

見非是物才有
見物若即見則無
兩見是萬象中無
也 惟現者可割而出

精受汝所指汝又發明此諸物中何者非見阿
難言我實徧見此祇陀林不知是中何者非見
何以故若樹非見云何見樹若樹即見復云何
樹如是乃至若空非見云何見空若空即見復
云何空我又思惟是萬象中微細發明無非見
者佛言如是如是於是大衆非無學者聞佛此
言茫然不知是義終始一時惶悚失其所守如
來知其覓慮變懼心生憐愍安慰阿難及諸大

衆諸善男子。無上法王。是真實語。如所如說。不
誑不妄。非末伽梨四種不死矯亂論議。汝諦思
惟。無忝哀慕。

是時文殊師利法王子。愍諸四衆。在大衆中。卽
從座起。頂禮佛足。合掌恭敬。而白佛言。世尊。此
諸大衆。不悟如來發明二種精見。色空。是非。是
義世尊。若此前緣。色空等象。若是見者。應有所
指。若非見者。應無所矚。而今不知。是義所歸。故

三摩地名妙生菩薩
得此定故立妙生號而妙生者即文殊也

有驚怖。非是疇昔善根輕鮮。惟願如來大慈。發
明此諸物象。與此見精。元是何物。於其中間。無
是非。是佛告文殊及諸大眾。十方如來及大菩
薩。於其自住三摩地中。見與見緣。并所想相。如
虛空華。本無所有。此見及緣。元是菩提妙淨明
體。云何於中有是非。文殊吾今問汝。如汝文
殊。更有文殊。是文殊者。爲無文殊。如是世尊。我
真文殊。無是文殊。何以故。若有是者。則二文殊。

有二文殊則有第
二月即起是非之
情矣

是空是見名為可
指非空非見名不
可指妙覺真精此
相離故曰自住三
摩地中

然我今日非無文殊於中實無是非二相佛言
此見妙明與諸空塵亦復如是本是妙明無上
菩提淨圓真心妄爲色空及與聞見如第二月
誰爲是月又誰非月文殊但一月真中間自無
是月非月是以汝今觀見與塵種種發明名爲
妄想不能於中出是非是由是真精妙覺明性
故能令汝出指非指

阿難白佛言世尊誠如法王所說覺緣徧十方

界湛然常住。性非生滅。與先梵志娑毗迦羅所
談冥諦。及投灰等諸外道種。說有真我。徧滿十
方。有何差別。世尊亦曾於楞伽山。爲大慧等敷
演斯義。彼外道等常說自然。我說因緣。非彼境
界。我今觀此覺性自然。非生非滅。遠離一切虛
妄顛倒。似非因緣。與彼自然云何開示。不入羣
邪。獲真實心。妙覺明性。佛告阿難。我今如是開
示方便。真實告汝。汝猶未悟。惑爲自然。阿難。若

約明暗色空推自
然之性謂以明為
自。然則性一于明
應無見暗謂性非
自然之。然則因緣
之性俱為情計可
知。

必自然。自須甄明。有自然體。汝且觀此妙明見
中。以何為自。此見為復。以明為自。以暗為自。以
空為自。以塞為自。阿難。若明為自。應不見暗。若
復以空為自體者。應不見塞。如是乃至諸暗等
相。以為自者。則於明時。見性斷滅。云何見明。阿
難言。必此妙見。性非自然。我今發明。是因緣生。
心猶未明。咨詢如來。是義云何。合因緣性。佛言。
汝言因緣。吾復問汝。汝今因見。見性現前。此見

法不屬因不在緣
故

楞嚴經

爲復因明有見因暗有見因空有見因塞有見
阿難若因明有應不見暗如因暗有應不見明
如是乃至因空因塞同於明暗復次阿難此見
又復緣明有見緣暗有見緣空有見緣塞有見
阿難若緣空有應不見塞若緣塞有應不見空
如是乃至緣明緣暗同於空塞當知如是精覺
妙明非因非緣亦非自然非不自然無非不非
無是非是離一切相卽一切法汝今云何於中

假物為因猶物為
緣何難直窮到底
單竟惑于因緣之
說

措心。以諸世間戲論名相。而得分別。如以手掌
撮摩虛空。祇益自勞。虛空云何。隨汝執捉。
阿難白佛言。世尊。必妙覺性。非因非緣。世尊云
何。常與比丘宣說見性。具四種緣。所謂因空。因
明。因心。因眼。是義云何。佛言。阿難。我說世間諸
因緣相。非第一義。阿難。吾復問汝。諸世間人。說
我能見。云何名見。云何不見。阿難言。世人因於
日月燈光。見種種相。名之為見。若復無此三種

此與前有人觀暗
同

此明離緣之見

楞嚴經

光明則不能見阿難若無明時名不見者應不
見暗若必見暗此但無明云何無見阿難若在
暗時不見明故名爲不見今在明時不見暗相
還名不見如是二相俱名不見若復二相自相
陵奪非汝見性於中暫無如是則知二俱名見
云何不見是故阿難汝今當知見明之時見非
是明見暗之時見非是暗見空之時見非是空
見塞之時見非是塞四義成就汝復應知見見

此發明身心真妄
之旨

之時見非是見見猶離見見不能及云何復說
因緣自然及和合相汝等聲聞狹劣無識不能
通達清淨實相吾今誨汝當善思惟無得疲怠
妙菩提路

阿難白佛言世尊如佛世尊爲我等輩宣說因
緣及與自然諸和合相與不和合心猶未開而
今更聞見見非見重增迷悶伏願弘慈施大慧
目開示我等覺心明淨作是語已悲淚頂禮承

此因阿難問見
非見故發明三業
更疑

受聖旨。爾時世尊憐愍阿難。及諸大眾。將欲敷
演大陀羅尼。諸三摩提妙修行路。告阿難言。汝
雖強記。但益多聞。於奢摩他微密觀照。心猶未
了。汝今諦聽。吾當爲汝分別開示。亦令將來諸
有漏者。獲菩提果。阿難。一切衆生。輪迴世間。由
二顛倒。分別見妄。當處發生。當業輪轉。云何二
見。一者衆生別業妄見。二者衆生同分妄見。云
何名爲別業妄見。阿難。如世間人。目有赤眚。夜

目喻真智燈喻真
理亦青喻妄心員
影喻妄境、即五
陰也

燈中無暗故知妄
影本虛真智本明
雖有青色不為見

見燈光。別有圓影。五色重疊於意。云何。此夜燈
明所現圓光。爲是燈色。爲當見色。阿難。此若燈
色。則非青。人何不同見。而此圓影。唯青之觀。若
是見色。見已成色。則彼青。人見圓影者。名爲何
等。復次阿難。若此圓影。離燈別有。則合旁觀屏
帳。几筵。有圓影。出離見別有。應非眼矚。云何青
人目見圓影。是故當知色實在燈。見病爲影。影
見俱青。見青非病。終不應言是燈。是見於是中

有非燈非見如第二月非體非影何以故第二
之觀捏所成故諸有智者不應說言此捏根元
是形非形離見非見此亦如是目眚所成今欲
名誰是燈是見何況分別非燈非見云何名爲
同分妄見阿難此閻浮提除大海水中間平陸
有三千洲正中大洲東西括量大國凡有二千
三百其餘小洲在諸海中其間或有三兩百國
或一或二至於三十四十五十阿難若復此中

以道留火達守而
小是為省下以道
而去之而速來是
為者過此飛流之
象也久留而環或
雜或附是謂諒災
與其德也此負耳
之象也

有一小洲。祇有兩國。唯一國人。同感惡緣。則彼
小洲。當土衆生。覩諸一切不祥境界。或見二日。
或見兩月。其中乃至暈適珮玦。慧字飛流。負耳
虹蜺。種種惡相。但此國見彼國衆生。本所不見。
亦復不聞。阿難。吾今爲汝。以此二事。進退合明。
阿難。如彼衆生。別業妄見。矚燈光中。所現圓影。
雖現似境。終彼見者。目青所成。青卽見勞。非色
所造。然見青者。終無見咎。例汝今日。以目觀見。

本覺如慧眼覺明
如青病根如燈影

承上緣覺非青之
意釋見、非見之
疑

山河國土及諸衆生皆是無始見病所成見與
見緣似現前境元我覺明見所緣青覺見卽青
本覺明心覺緣非青覺所覺青覺非青中此實
見見云何復名覺聞知見是故汝今見我及汝
并諸世間十類衆生皆卽見青非見青者彼見
真精性非青者故不名見阿難如彼衆生同分
妄見例彼妄見別業一人一病目人同彼一國
彼見圓影青妄所生此衆同分所見不祥同見

此示以開慧同淨
覺心之要

業中瘴惡所起。俱是無始見妄所生。例閻浮提
三千洲中。兼四大海娑婆世界。并洎十方諸有
漏國。及諸衆生。同是覺明無漏妙心。見聞覺知
虛妄病緣。和合妄生。和合妄死。若能遠離諸和
合緣。及不和合。則復滅除諸生死因。圓滿菩提
不生滅性。清淨本心。本覺常住。
阿難。汝雖先悟本覺妙明性。非因緣非自然性。
而猶未明。如是覺元。非和合生。及不和合。阿難。

近是因遠是緣近
別和合遠則不和
合因親緣疎故分
二義

此明淨塵幻相一
無實無

上明和如水土相
和此明合如函蓋
相合

吾今復以前塵問汝。汝今猶以一切世間妄想。
和合諸因緣性。而自疑惑。證菩提心和合起者。
則汝今者。妙淨見精。爲與明和。爲與暗和。爲與
通和。爲與塞和。若明和者。且汝觀明。當明現前。
何處雜見。見相可辨。雜何形像。若非見者。云何
見明。若卽見者。云何見見。必見圓滿。何處和明。
若明圓滿。不合見和。見必異明。雜則失彼性明。
名字。雜失明性。和明非義。彼暗與通。及諸羣塞。

既不離明應無見
暗今既見暗則非
合明

亦復如是。復次阿難。又汝今者妙淨見精。爲與
明合。爲與暗合。爲與通合。爲與塞合。若明合者。
至於暗時。明相已滅。此見卽不與諸暗合。云何
見暗。若見暗時。不與暗合。與明合者。應非見明。
既不見明。云何明合。了明非暗。彼暗與通。及諸
羣塞。亦復如是。阿難白佛言。世尊。如我思惟。此
妙覺元。與諸緣塵。及心念慮。非和合耶。佛言。汝
今又言覺非和合。吾復問汝。此妙見精。非和合。

謂歟不相入故以
邊畔推之謂性自
差別以垂角破之

者爲非明和爲非暗和爲非通和爲非塞和若
非明和則見與明必有邊畔汝且諦觀何處是
明何處是見在見在明自何爲畔阿難若明際
中必無見者則不相及自不知其明相所在畔
云何成彼暗與通及諸羣塞亦復如是又妙見
精非和合者爲非明合爲非暗合爲非通合爲
非塞合若非明合則見與明性相垂角如耳與
明了不相觸見且不知明相所在云何甄明合

自微心辨見以來
廣破人執此下陰
入處界等文破法
執也
相即是生無相即
滅諸法本來常住
法界無壞真如無
動是則解了緣生
之法現證實際無
為真理也

非合理。彼暗與明。及諸羣塞。亦復如是。

阿難。汝猶未明。一切浮塵諸幻化相。當處出生。隨處滅盡。幻妄稱相。其性真爲妙覺明體。如是乃至五陰六入。從十二處。至十八界。因緣和合。

虛妄有生。因緣別離。虛妄名滅。殊不能知生滅去來。本如來藏常住妙明不動周圓妙真如性。性真常中。求於去來迷悟生死。了無所得。

阿難。云何五陰本如來藏妙真如性。阿難。譬如

有人以清淨目觀晴明空唯一晴虛迥無所有
其人無故不動目睛瞪以發勞則於虛空別見
狂華復有一切狂亂非相色陰當知亦復如是
阿難是諸狂華非從空來非從目出如是阿難
若空來者既從空來還從空入若有出入卽非
虛空空若非空自不容其華相起滅如阿難體
不容阿難若目出者既從目出還從目入卽此
華性從目出故當合有見若有見者去既華空

圓覺謂非性惑此
虛空寶性亦滅迷
彼寶華生壞是矣

旋○合○見○眼○若○無○見○者○出○既○翳○空○旋○當○翳○眼○又○見
華○時○目○應○無○翳○云○何○晴○空○號○清○明○眼○是○故○當○知
色○陰○虛○妄○本○非○因○緣○非○自○然○性○

阿○難○譬○如○有○人○手○足○晏○安○百○骸○調○適○忽○如○忘○生
性○無○違○順○其○人○無○故○以○二○手○掌○於○空○相○摩○於○二
手○中○妄○生○澀○滑○冷○熱○諸○相○受○陰○當○知○亦○復○如○是
阿○難○是○諸○幻○觸○不○從○空○來○不○從○掌○出○如○是○阿○難
若○空○來○者○既○能○觸○掌○何○不○觸○身○不○應○虛○空○選○擇

來觸若從掌出應非待合又掌出故合則掌知
離則觸入臂腕骨髓應亦覺知入時蹤跡必有
覺心知出知入自有一物身中往來何待合知
要名爲觸是故當知受陰虛妄本非因緣非自
然性。

阿難譬如有人談說酢梅口中水出思蹋懸崖
足心酸澀想陰當知亦復如是阿難如是酢說
不從梅生非從口入如是阿難若梅生者梅合

行因識生。淺妙湛
流出而明暗色空
皆入真融。故以空
水為喻。若行因空
生。則空當流。動若
因水有。則流與水
應二物矣。

自談何待人說。若從口入。自合口聞。何須待耳。
若獨耳聞。此水何不耳中而出。想蹋懸崖。與說
相類。是故當知。想陰虛妄。本非因緣。非自然性。
阿難。譬如暴流波浪。相續前際。後際。不相踰越。
行陰當知。亦復如是。阿難。如是流性。不因空生。
不因水有。亦非水性。非離空水。如是阿難。若因
空生。則諸十方。無盡虛空。成無盡流。世界自然
俱受淪溺。若因水有。則此暴流。性應非水有所。

有相。今應現在。若卽水性。則澄清時。應非水體。
若離空水。空非有外。水外無流。是故當知行陰。
虛妄。本非因緣。非自然性。

阿難。譬如有人。取頻伽瓶。塞其兩孔。滿中擎空。
千里遠行。用餉他國。識陰當知。亦復如是。阿難。

如是虛空。非彼方來。非此方入。如是阿難。若彼
方來。則本瓶中。旣貯空去。於本瓶地。應少虛空。

若此方入。開孔倒瓶。應見空出。是故當知識陰。


瓶喻妄業空喻妄
識

生滅去來為如來
藏此楞伽以藏識
為如來藏也

虛妄本非因緣非自然性。

大佛頂如來密因修證了義諸菩薩萬行首楞

嚴經卷第二終



國立中央圖書館, NATIONAL CENTRAL LIBRARY, TAIWAN, R.O.C.

第二卷音義

胝
支音

齡
陵音

腩
湊音

殞
允音

耄
冒音

皺
奏音

逮
代音

殂
徂音

携
余音

垢
苟音

頽
臺音

諦
弟音

瞪
振音

曹
蒙音

瀛
盈音

渤
不音

氛
焚音

孳
白音

紆
於音

築
竹音

悚
松音

甄
堅音

膏
生音

暈
運音

珮
佩音

澀
色音

虹
紅音

蜺
泥音

腕
緩音

酢
醋音

躅
踏音

嵯
牙音

木
是
系



國立中央圖書館, NATIONAL CENTRAL LIBRARY, TAIWAN, R.O.C.



此眼入者

大佛頂如來密因修證了義諸菩薩萬行首楞嚴經卷第三

復次阿難云何六入本如來藏妙真如性阿難
卽彼目睛瞪發勞者兼目與勞同是菩提瞪發
勞相因於明暗二種妄塵發見居中吸此塵象
名爲見性此見離彼明暗二塵畢竟無體如是
阿難當知是見非明暗來非於根出不於空生
何以故若從明來暗卽隨滅應非見暗若從暗



了無即真

此耳入者

色受想行識耳鼻
身心及地水火風
空皆無兩邊來無
解至去緣念則有
緣離則滅如幻如

來明即隨滅。應無見明。若從根生。必無明暗。如
是見精。本無自性。若於空出。前矚塵象。歸當見
根。又空自觀。何關汝入。是故當知。眼入虛妄。本
非因緣。非自然性。

阿難。譬如有人。以兩手指。急塞其耳。耳根勞故。
頭中作聲。兼耳與勞。同是菩提。瞪發勞相。因於
動靜二種妄塵。發聞居中。吸此塵象。名聽聞性。
此聞離彼動靜二塵。畢竟無體。如是阿難。當知

化故曰當處發生
隨處滅盡是也

此真入者

是聞非動靜來非於根出不於空生何以故若
從靜來動卽隨滅應非聞動若從動來靜卽隨
滅應無覺靜若從根生必無動靜如是聞體本
無自性若於空出有聞成性卽非虛空又空自
聞何關汝入是故當知耳入虛妄本非因緣非
自然性。

阿難譬如有人急畜其鼻畜久成勞則於鼻中
聞有冷觸因觸分別通塞虛實如是乃至諸香

時 發聞之義故取以
機動由旅有

臭氣兼鼻與勞。同是菩提瞪發勞相。因於通塞
二種妄塵發聞。居中吸此塵象。名喚聞性。此聞
離彼通塞二塵。畢竟無體。當知是聞。非通塞來。
非於根出。不於空生。何以故。若從通來。塞則聞
滅。云何知塞。如因塞有通。則無聞。云何發明香
臭等觸。若從根生。必無通塞。如是聞機。本無自
性。若從空出。是聞自當迴艱。汝鼻空自有聞。何
關汝入。是故當知鼻入虛妄。本非因緣。非自然

此舌入者
以舌取味也

人莫不飲食也
解知味也

性。

阿難。譬如有人以舌舐吻。熟舐令勞。其人若病。則有苦味。無病之人。微有甜觸。由甜與苦顯此舌根。不動之時。淡性常在。兼舌與勞。同是菩提。瞪發勞相。因甜苦淡二種妄塵。發知居中。吸此塵象。名知味性。此知味性。離彼甜苦。及淡二塵。畢竟無體。如是阿難。當知如是嘗苦淡。知非甜。苦來非因淡有。又非根出不於空生。何以故。若

甜苦來淡則知滅云何知淡若從淡出甜卽知
亡復云何知甜苦二相若從舌生必無甜淡及
與苦塵斯知味根本無自性若於空出虛空自
味非汝口知又空自知何關汝入是故當知舌
入虛妄本非因緣非自然性

阿難譬如有人以一冷手觸於熱手若冷勢多
熱者從冷若熱功勝冷者成熱如是以此合覺
之觸顯於離知涉勢若成因於勞觸兼身與勞

同是菩提。瞪發勞相。因於離合。二種妄塵。發覺
居中。吸此塵象。名知覺性。此知覺性。離彼離合。
違順二塵。畢竟無體。如是阿難。當知是覺。非離
合來。非違順有。不於根出。又非空生。何以故。若
合時來。離當已滅。云何覺離。違順二相。亦復如
是。若從根出。必無離合。違順四相。則汝身知元
無自性。若於空出。空自知覺。何關汝入。是故當
知身入虛妄。本非因緣。非自然性。

意以生滅為莊而
其寐不出憶忘眠
寤之境由四相妄
遷名曰顛倒

阿難譬如有人勞倦則眠睡熟便寤覽塵斯憶
失憶為忘是其顛倒生住異滅吸習中歸不相
踰越稱意知根兼意與勞同是菩提瞪發勞相
因於生滅二種妄塵集知居中吸撮內塵見聞
逆流流不及地名覺知性此覺知性離彼寤寐
生滅二塵畢竟無體如是阿難當知如是覺知
之根非寤寐來非生滅有不於根出亦非空生
何以故若從寤來寐即隨滅將何為寐必生時

竟知之性離斯二
者故如空華

一 眼色處

前六入難以塵對
破正意在根今于
二處雖根塵互破
正意在塵後十八
界雖根境識三對

有滅卽同無。令誰受滅。若從滅有生。卽滅無誰
知生者。若從根出。寤寐二相。隨身開合。離斯二
體。此覺知者。同於空華。畢竟無性。若從空生。自
是空知。何關汝入。是故當知。意入虛妄。本非因
緣。非自然性。

復次阿難云。何十二處。本如來藏妙真如性。阿
難。汝且觀此。祇陀樹林。及諸泉池。於意云何。此
等爲是色。生眼見。眼生色相。阿難。若復眼根生

破而正。意唯在六
識也。初五陰中而
喻用破執情。次六
入中。說事顯其妄
相。今十二處乃至
七大。即于現前見
聞之境。示其藏性。

二耳聲處

色相者見空非色。色性應銷。銷則顯發。一切都
無。色相既無。誰明空質。空亦如是。若復色塵生
眼見者。觀空非色。見即銷亡。亡則都無。誰明空
色。是故當知見與色空。俱無處所。即色與見二
處虛妄。本非因緣。非自然性。

阿難。汝更聽此祇陀園中。食辦擊鼓。衆集撞鐘。
鐘鼓音聲。前後相續。於意云何。此等爲是聲來
耳邊。耳往聲處。阿難。若復此聲來於耳邊。如我

聲不來耳耳不往
聲明聲處無生也

無聞者聞無聞性
也耳尚無聞安有
往來之事

乞食室羅筏城。在祇陀林。則無有我。此聲必來。
阿難耳處。目連迦葉。應不俱聞。何況其中一千
二百五十沙門。一聞鐘聲。同來食處。若復汝耳
往彼聲邊。如我歸住祇陀林中。在室羅城。則無
有我。汝聞鼓聲。其耳已往擊鼓之處。鐘聲齊出。
應不俱聞。何況其中象馬牛羊。種種音響。若無
來往。亦復無聞。是故當知聽與音聲。俱無處所。
卽聽與聲。二處虛妄。本非因緣。非自然性。

鼻根開香由曉者
勝劣故聞有遠近
所謂此香大殊價
值娑婆世界者非
此勝乎

阿難汝又覷此鑪中旃檀。此香若復然於一鉢
室羅筏城四十里內。同時聞氣。於意云何。此香
爲復生旃檀木。生於汝鼻。爲生於空。阿難若復
此香生於汝鼻。稱鼻所生。當從鼻出。鼻非旃檀。
云何鼻中有旃檀氣。稱汝聞香。當於鼻入。鼻中
出香。說聞非義。若生於空空性。常恒香。應常在
何藉鑪中。焚此枯木。若生於木。則此香質。因焚
成煙。若鼻得聞。合蒙煙氣。其煙騰空。未及遙遠。

四舌味虛

非生舌中

非生食中

四十里內云何已聞。是故當知香鼻與聞俱無處所。卽鼻與香二處虛妄。本非因緣。非自然性。阿難。汝常二時衆中持鉢。其間或遇酥酪醍醐。名爲上味。於意云何。此味爲復生於空中。生於舌中。爲生食中。阿難。若復此味生於汝舌。在汝口中。祇有一舌。其舌爾時已成酥味。遇黑石蜜。應不推移。若不變移。不名知味。若變移者。舌非多體。云何多味。一舌之知。若生於食。食非有識。

云何自知。又食自知。卽同他食。何預於汝。名味之知。若生於空。汝噉虛空。當作何味。必其虛空。若作鹹味。旣鹹。汝舌亦鹹。汝面則此界人同於海魚。旣常受鹹。了不知淡。若不識淡。亦不覺鹹。必無所知。云何名味。是故當知。味舌與嘗俱無處所。卽嘗與味二俱虛妄。本非因緣。非自然性。阿難。汝常晨朝。以手摩頭。於意云何。此摩所知。誰爲能觸。能爲在手。爲復在頭。若在於手。頭則

觸有能所方名為
融頭是一牀豈名
觸耶

大意法處

淺若林知則非色
聲若是色聲自應
可知今既無知豈

無知云何成觸。若在於頭手則無用云何名觸。
若各各有則汝阿難應有二身。若頭與手一觸
所生則手與頭當為一體。若一體者觸則無成。
若二體者觸誰為在在能非所在所非能不應。
虛空與汝成觸是故當知覺觸與身俱無處所。
卽身與觸二俱虛妄本非因緣非自然性。
阿難汝常意中所緣善惡無記三性生成法則。
此法為復卽心所生為當離心別有方所阿難。

此十二處是心能
根本諸緣此以生
故外論謂之空略
擊劫略擊者即根
本義中

若卽心者。法則非塵。非心所緣。云何成處。若離
於心。別有方所。則法自性爲知。非知。知則名心。
異汝。非塵。同他心量。卽汝卽心。云何汝心更二
於汝。若非知者。此塵旣非色聲香味。離合冷暖。
及虛空相。當於何在。今於色空。都無表示。不應
人間更有空外心。非所緣處。從誰立。是故當知
法則與心俱無處所。則意與法二俱虛妄。本非
因緣。非自然性。

若識因眼且則無
塵可知故見跡者
黃云云

復次阿難云何十八界本如來藏妙真如性阿
難如汝所明眼色爲緣生於眼識此識爲復因
眼所生以眼爲界因色所生以色爲界阿難若
因眼生既無色空無可分別縱有汝識欲將何
用汝見又非青黃赤白無所表示從何立界若
因色生空無色時汝識應滅云何識知是虛空
性若色變時汝亦識其色相遷變汝識不遷界
從何立從變則變界相自無不變則恒既從色

諸眼色共生則此
識性應與根塵兩
合合則其識中離
之不成界

若識因耳生則無
動靜可識既名識
界豈不成

生應不識知虛空所在若兼二種眼色共生合
則中離離則兩合體性雜亂云何成界是故當
知眼色爲緣生眼識界三處都無則眼與色及
色界三本非因緣非自然性
阿難又汝所明耳聲爲緣生於耳識此識爲復
因耳所生以耳爲界因聲所生以聲爲界阿難
若因耳生動靜二相既不現前根不成知必無
所知知尚無成識何形貌若取耳聞無動靜故

聲能生識何假于
聞若無所聞聲亦
不有

聞無所成。云何耳形雜色觸塵名爲識界。則耳
識界復從誰立。若生於聲。識因聲有。則不關聞。
無聞則亡。聲相所在。識從聲生。許聲因聞而有。
聲相聞應聞。識不聞非界。聞則同聲。識已被聞。
誰知聞識。若無知者。終如草木。不應聲聞。雜成
中界。界無中位。則內外相復從何成。是故當知
耳聲爲緣。生耳識界。三處都無。則耳與聲及聲
界三。本非因緣。非自然性。

根有二相。或形俱
瓜浮塵根也。覺知
動搖。勝蒙根也。

阿難。又汝所明鼻香爲緣。生於鼻識。此識爲復
因鼻所生。以鼻爲界。因香所生。以香爲界。阿難。
若因鼻生。則汝心中以何爲鼻。爲取肉形。雙爪
之相。爲取嗅知。動搖之性。若取肉形。肉質乃身。
身知卽觸。名身。非鼻。名觸。卽塵。鼻尚無名。云何
立界。若取嗅知。又汝心中以何爲知。以肉爲知。
則肉之知。元觸。非鼻。以空爲知。空則自知。肉應
非覺。如是則應虛空。是汝汝身。非知。今日阿難。

此上破淨塵根此
下破勝義根

以根逆境破謂境
既有二根應成兩
矣

以境逆根破謂根
既有二境應成二
矣

應無所在。以香爲知。知自屬香。何預於汝。若香
臭氣必生汝鼻。則彼香臭二種流氣不生。伊蘭
及栴檀木二物不來。汝自齷鼻爲香爲臭。臭則
非香。香應非臭。若香臭二俱能聞者。則汝一人
應有兩鼻。對我問道有二阿難。誰爲汝體。若鼻
是一香臭無二臭。旣爲香。香復成臭。二性不有。
界從誰立。若因香生識。因香有如眼有見。不能
觀眼。因香有故。應不知香。知卽非生。不知非識。

四舌味界

此許界因舌生者
者妄也

香非知有。香界不成。識不知香。因界則非。從香
建立。既無中間。不成內外。彼諸聞性。畢竟虛妄。
是故當知鼻香爲緣。生鼻識界。三處都無。則鼻
與香及香界。三本非因緣。非自然性。

阿難。又汝所明舌味爲緣。生於舌識。此識爲復
因舌所生。以舌爲界。因味所生。以味爲界。阿難。
若因舌生。則諸世間甘蔗烏梅黃連石鹽細辛
薑桂都無有味。汝自嘗舌爲甜。爲苦。若舌性苦。

此計界因味生者
妄也

緣因舌是破自生
二因味是破他生
三不應虛空是破
無因生四舌味和
合是破共生

誰來嘗舌。舌不自嘗。孰爲知覺。舌性非苦。味自
不生。云何立界。若因味生。識自爲味。同於舌根。
應不自嘗。云何識知。是味非味。又一切味非一
物生。味旣多生。識應多體。識體若一體。必味生。
鹹淡甘辛。和合俱生。諸變異相同。爲一味。應無
分別。分別旣無。則不名識。云何復名舌味識界。
不應虛空生。汝心識舌味和合。卽於是中。元無
自性。云何界生。是故當知舌味爲緣。生舌識界。

五身觸界

為身所證說名為
觸。因感物而生
觸。無情不能知觸
則知觸者身也。

三處都無則舌與味及舌界三本非因緣非自然性。

阿難又汝所明身觸為緣生於身識此識為復因身所生以身為界因觸所生以觸為界阿難若因身生必無合離二覺觀緣身何所識若因觸生必無汝身誰有非身知合離者阿難物不觸知身知有觸知身即觸知觸即身即觸非身即身非觸身觸二相元無處所合身即為身自

六意法界

所思即法塵也若
無前法意何生是
則因境非因根也

體性離身卽是虛空等相內外不成中云何立
中不復立內外性空則汝識生從誰立界是故
當知身觸爲緣生身識界三處都無則身與觸
及身界三本非因緣非自然性

阿難又汝所明意法爲緣生於意識此識爲復
因意所生以意爲界因法所生以法爲界阿難
若因意生於汝意中必有所思發明汝意若無
前法意無所生離緣無形識將何用又汝識心

生滅五塵通和離
五無厭故云生則
諸法生滅則諸法
滅也

與諸思量兼了別性爲同爲異同意卽意云何
所生異意不同應無所識若無所識云何意生
若有所識云何識意唯同與異二性無成界云
何立若因法生世間諸法不離五塵汝觀色法
及諸聲法香法味法及與觸法相狀分明以對
五根非意所攝汝識決定依於法生今汝諦觀
法法何狀若離色空動靜通塞合離生滅越此
諸相終無所得生則色空諸法等生滅則色空

前即身頭如未藏
及依陰入處界四
科以明雖悟一身
未融萬法渡印帶
圖示藏性故依地
水火風空見識七
大以明使悟物戒
同根是非一慧法
法員成塵：周徧
此七大旨也

諸法等滅。所因既無。因生有識。作何形相。相狀
不有。界云何生。是故當知。意法爲緣。生意識界。
三處都無。則意與法及意界三。本非因緣。非自
然性。

阿難白佛言。世尊。如來常說和合因緣。一切世
間種種變化。皆因四大和合發明。云何如來因
緣自然。二俱排擯。我今不知斯義所屬。惟垂哀
愍。開示衆生中道了義。無戲論法。爾時世尊告

若人欲識真空理
身內真如還徧外
情與無情共一射
處：皆同真法界
此七大之旨

阿難言。汝先厭離聲聞緣覺。諸小乘法。發心勤
求無上菩提。故我今時爲汝開示第一義諦。如
何復將世間戲論妄想因緣。而自纏繞。汝雖多
聞。如說藥人。真藥現前。不能分別。如來說爲真
可憐愍。汝今諦聽。我當爲汝分別開示。亦令當
來修大乘者。通達實相。阿難默然承佛聖旨。阿
難。如汝所言四大和合發明世間種種變化。阿
難。若彼大性體非和合。則不能與諸大雜和。猶

地者和合微塵之
象若離于心即無
所得

如虛空不和諸色。若和合者。同於變化。始終相
成。生滅相續。死死生生。死死如旋火輪。未
有休息。阿難。如水成冰。冰還成水。

汝觀地性。麤爲大地。細爲微塵。至鄰虛塵。析彼
極微。色邊際相。七分所成。更析鄰虛。卽實空性。
阿難。若此隣虛。析成虛空。當知虛空。出生色相。
汝今問言。由和合故。出生世間諸變化相。汝且
觀此一鄰虛塵。用幾虛空。和合而有。不應鄰虛。

色性即是真空故
合無所合性空由
是真色故非合而
合性即空也空即
性也

既離即色為空亦
可合空為色若空
不可合色逆何生

陽燄取火珠也
以烟為之其形如鏡

合成鄰虛。又鄰虛塵。析入空者。用幾色相合成。
虛空若色。合時合色。非空若空。合時合空。非色。
色猶可析。空云何合。汝元不知。如來藏中性色。
真空性空。真色清淨。本然周徧。法界隨衆生心。
應所知量。循業發現。世間無知。惑爲因緣。及自
然性。皆是識心。分別計度。但有言說。都無實義。
阿難。火性無我。寄於諸緣。汝觀城中。未食之家。
欲炊爨時。手執陽燄。目前求火。阿難。名和合者。

淮南謂陽燄日
然不為大異也

如我與汝一千二百五十比丘。今爲一衆。衆雖
爲一。詰其根本。各各有身。皆有所生。氏族名字。
如舍利弗。婆羅門種。優樓頻螺。迦葉波種。乃至
阿難。瞿曇種。姓阿難。若此火性。因和合有。彼手
執鏡。於日求火。此火爲從鏡中而出。爲從艾出。
爲於日來。阿難若日來者。自能燒汝手中之艾。
來處林木。皆應受焚。若鏡中出。自能於鏡出。然
於艾。鏡何不鎔。紆汝手執。尚無熱相。云何融泮。

相遠顯非和之性
無造破自然之味

如鏡中火無別自
昧隨衆生心亦非
和合

若生於艾何藉日鏡光明相接然後火生汝又
諦觀鏡因手執日從天來艾本地生火從何方
遊歷於此日鏡相遠非和非合不應火光無從
自有汝猶不知如來藏中性火真空性空真火
清淨本然周徧法界隨衆生心應所知量阿難
當知世人一處執鏡一處火生徧法界執滿世
間起起徧世間寧有方所循業發現世間無知
惑爲因緣及自然性皆是識心分別計度但有

月望前曰白亭午

曰晝

方諸陰物月辟陰
之宗氣數相感故
水逆出淮南謂云
諸見月津而為水
是也
川澤陂池流行不
息而獨言方諸者
取業用言之也

言說都無實義

阿難水性不定。流息無恒。如室羅城。迦毘羅仙。
斫迦羅仙。及鉢頭摩訶薩多等。諸大幻師。求太
陰精。用和幻藥。是諸師等。於白月晝。手執方諸。
承月中水。此水為復。從珠中出。空中自有為從。
月來。阿難。若從月來。尚能遠方。令珠出水。所經
林木。皆應吐流。流則何待。方珠所出。不流。明水
非從月降。若從珠出。則此珠中。常應流水。何待。

中宵承白月。晝若從空生。空性無邊水。當無際。
從人洎天。皆同滔溺。云何復有水。陸空行汝更。
諦觀月從天。陟珠因手持。承珠水盤。本人敷設。
水從何方流。注於此。月珠相遠。非和非合。不應。
水精無從自有。汝尚不知。如來藏中。性水真空。
性空真水。清淨本然。周徧法界。隨衆生心。應所。
知量。一處執珠。一處水出。徧法界。執滿法界。生。
生滿世間。寧有方所。循業發現。世間無知惑。爲。

因緣及自然性皆是識心分別計度。但有言說
都無實義。

阿難風性無體動靜不常。汝常整衣入於大衆。
僧伽梨角動及旁人則有微風拂彼人面。此風
爲復出袈裟角發於虛空。生彼人面。阿難此風
若復出袈裟角。汝乃披風。其衣飛搖。應離汝體。
我今說法會中垂衣。汝看我衣。風何所在。不應
衣中有藏風地。若生虛空。汝衣不動。何因無拂。

詩曰大風有隧
多出于空谷之中
正此謂非空生者
何耶

風性動空性靜故
不相忝雜

空性常住風應常生若無風時虛空當滅滅風
可見滅空何狀若有生滅不名虛空名為虛空
云何風出若風自生被拂之面從彼面生當應
拂汝自汝整衣云何倒拂汝審諦觀整衣在汝
面屬彼人虛空寂然不參流動風自誰方鼓動
來此風空性隔非和非合不應風性無從自有
汝宛不知如來藏中性風真空性空真風清淨
本然周徧法界隨衆生心應所知量阿難如汝

一人微動服衣。有微風出。徧法界拂。滿國土。生
周徧世間。寧有方所。循業發現。世間無知。惑爲
因緣。及自然性。皆是識心。分別計度。但有言說。
都無實義。

阿難。空性無形。因色顯發。如室羅城。去河遙處。
諸刹利種。及婆羅門。毘舍首陀。兼頗羅墮。旃陀
羅等。新立安居。鑿井求水。出土一尺。於中則有
一尺虛空。如是乃至出土一丈。中間還得一丈。

未鑿土前地無通
達則空非無因謂
因鑿土而出則空
居土外故土出時
應見空入此辨明
空不同土也謂空
上同珠則土出時
何不見空同土而
出矣非同珠矣

虛空。虛空淺深。隨出多少。此空爲當因土所出。
因鑿所有無因自生阿難。若復此空無因自生。
未鑿土前。何不無礙。唯見大地。迥無通達。若因
土出。則土出時。應見空入。若土先出。無空入者。
云何虛空因土而出。若無出入。則應空土元無
異因。無異則同。則土出時。空何不出。若因鑿出。
則鑿出空。應非出土。不因鑿出。鑿自出土。云何
見空。汝更審諦。諦審諦觀。鑿從人手。隨方運轉。

上諸巧非皆遺識
心妄計而顯圓融
真錄

土因地移。如是虛空。因何所出。鑿空虛實。不相
爲用。非和非合。不應虛空。無從自出。若此虛空。
性圓周徧。本不動搖。當知現前地水火風。均名
五大。性真圓融。皆如來藏。本無生滅。阿難。汝心
昏迷。不悟四大元如來藏。當觀虛空。爲出爲入。
爲非出入。汝全不知如來藏中。性覺真空。性空
真覺。清淨本然。周徧法界。隨衆生心。應所知量。
阿難。如一井空。空生一井。十方虛空。亦復如是。

此以六種義
諸見計情也

圓滿十方。寧有方所。循業發現。世間無知。惑爲
因緣。及自然性。皆是識心分別計度。但有言說。
都無實義。

阿難。見覺無知。因色空有。如汝今者在祇陀林。
朝明夕昏。設居中宵。白月則光。黑月便暗。則明
暗等。因見分析。此見爲復與明暗相。并太虛空。
爲同一體。爲非一體。或同非同。或異非異。阿難。
此見若復與明與暗。及與虛空元一體者。則明

與暗二體相亡。暗時無明。明時無暗。若與暗一
明則見亡。必一於明。暗時當滅。滅則云何見明。
見暗若明。暗殊見無。生滅一云何成。若此見精。
與暗與明非一體者。汝離明暗。及與虛空。分析
見元。作何形相。離明離暗。及離虛空。是見元同。
龜毛兔角。明暗虛空。三事俱異。從何立見。明暗
相背。云何或同。離三元無云何。或異分空分見。
本無邊畔。云何非同。見暗見明。性非遷改。云何

非異汝更細審。微細審詳。審諦審觀。明從太陽。
暗隨黑月。通屬虛空。壅歸大地。如是見精。因何
所出。見覺空頑。非和非合。不應見精。無從自出。
若見聞知。性圓周徧。本不動搖。當知無邊。不動
虛空。并其動搖。地水火風。均名六大。性真圓融。
皆如來藏。本無生滅。阿難。汝性沈淪。不悟汝之
見聞覺知。本如來藏。汝當觀此。見聞覺知。爲生
爲滅。爲同。爲異。爲非。生滅。爲非。同異。汝曾不知。

觸覺知即身意也

示別了之體

如來藏中。性見覺明。覺精明見。清淨本然。周徧
法界。隨衆生心。應所知量。如一見根。見周法界。
聽。嗅。嘗。觸。覺。觸。覺。知。妙德瑩然。徧周法界。圓滿
十虛。寧有方所。循業發現。世間無知。惑爲因緣。
及自然性。皆是識心分別計度。但有言說。都無
實義。

阿難。識性無源。因於六種根塵妄出。汝今徧觀
此會聖衆。用目循歷。其目周視。但如鏡中。無別

識 謂空無相不能發

分析汝識於中。次第標指。此是文殊。此富樓那。
此目犍連。此須菩提。此舍利弗。此識了知爲生。
於見爲生於相爲生。虛空爲無所因。突然而出。
阿難。若汝識性生於見中。如無明暗。及與色空。
四種必無。元無汝見。見性尚無。從何發識。若汝
識性生於相中。不從見生。既不見明。亦不見暗。
明暗不矚。卽無色空。彼相尚無。識從何發。若生
於空。非相非見。非見無辨。自不能知。明暗色空。

如日中無月。明無
見身之識。又非無
因也。

七大者。他。水。火。風。
空。見。識。是。也。萬。法。

非相滅緣。見聞覺知。無處安立。處此二非。空則
同無。有非同物。縱發汝識。欲何分別。若無所因。
突。然。而。出。何。不。目。中。別。識。明。月。汝。更。細。詳。微。細
詳審。見託汝睛。相推前境。可狀成有。不相成無。
如是識緣。因何所出。識動見澄。非和非合。聞聽
覺知。亦復如是。不應識緣。無從自出。若此識心
本無所從。當知了別。見聞覺知。圓滿湛然。性非
從所。兼彼虛空地水火風。均名七大。性真圓融。

生成不離四大而
緣空建立因是有
覺因識有知故也
前五無情際其後
二有情無之舉七
可該萬矣

覺明即本覺明心
也

皆如來藏本無生滅阿難汝心麤浮不悟見聞
發明了知本如來藏汝應觀此六處識心爲同
爲異爲空爲有爲非同異爲非空有汝元不知
如來藏中性識明知覺明真識妙覺湛然徧周
法界含吐十虛寧有方所循業發現世間無知
惑爲因緣及自然性皆是識心分別計度但有
言說都無實義

爾時阿難及諸大衆蒙佛如來微妙開示身心

反觀安身其微如
塵其因如漚忽無
所有而本妙常心
了了悟獲于是深
慶說偈讚謝

蕩然得無罣礙。是諸大衆各各自知心徧十方。
見十方空如觀手中所持葉物。一切世間諸所
有物皆卽菩提妙明元心。心精徧圓含裹十方。
反觀父母所生之身。猶彼十方虛空之中。吹一
微塵。若存若亡。如漚巨海流。一浮漚起滅無從。
了然自知。獲本妙心。常住不滅。禮佛合掌。得未
曾有。於如來前說偈讚佛。

妙湛總持不動尊。首楞嚴王世希有。

銷我億劫顛倒想。不歷僧祇護法身。
願今得果成寶王。還度如是恒沙衆。
將此深心奉塵刹。是則名爲報佛恩。
伏請世尊爲證明。五濁惡世誓先入。
如一衆生未成佛。終不於此取泥洹。
大雄大力大慈悲。希更審除微細惑。
令我早登無上覺。於十方界坐道場。
舜若多性可銷亡。爍迦羅心無動轉。

大佛頂如來密因修證了義諸菩薩萬行首楞

嚴經卷第三

終

音義

睛

精音

瞪

澄音

吸

昔音

嗅

嗅音

舐

是音

吻

勿音

甜

田音

蕤

雷音

酪

洛音

醜

提音

麤

粗音

析

昔音

螺

羅音

曇

團音

斫

着音

袈

加音

袈

沙音

罍

掛音

礙

艾音

突

奪音

劫

結音

洹

桓音

爍

灼音

國立中央圖書館藏, NATIONAL CENTRAL LIBRARY, TAIWAN, R.O.C.



從初至此猶未明
一切浮沉以前破
心見二執以顯又
空以後至樂迦羅
心無動轉破陰處
界等以顯法空故
知前破人法二執
顯空如來藏後顯
不空如來藏故當
那有問也

大佛頂如來密因修證了義諸菩薩萬行首楞
嚴經卷第四



爾時富樓那。彌多羅尼子。在大衆中。卽從座起。
徧袒右肩。右膝著地。合掌恭敬。而白佛言。大威
德世尊。善爲衆生敷演如來第一義諦。世尊常
推說法人中。我爲第一。今聞如來微妙法音。猶
如聾人。逾百步外。聆於蚊蚋。本所不見。何況得
聞。佛雖宣明。令我除惑。今猶未詳斯義。究竟無

如來藏心不空不
有即性即相各第
一義當接那一問
何生諸相答得續
因以漸輪迴也一
問四大各徧云何
相答欲窮幻相也

疑○惑○地○世○尊○如○阿○難○輩○雖○則○開○悟○習○漏○未○除○我
等○會○中○登○無○漏○者○雖○盡○諸○漏○今○聞○如○來○所○說○法
音○尚○紆○疑○悔○世○尊○若○復○世○間○一○切○根○塵○陰○處○界
等○皆○如○來○藏○清○淨○本○然○云○何○忽○生○山○河○大○地○諸
有○爲○相○次○第○遷○流○終○而○復○始○又○如○來○說○地○水○火
風○本○性○圓○融○周○徧○法○界○湛○然○常○住○世○尊○若○地○性
徧○云○何○容○水○水○性○周○徧○火○則○不○生○復○云○何○明○水
火○二○性○俱○徧○虛○空○不○相○陵○滅○世○尊○地○性○障○礙○空

勝義有三一謂義
勝義真如智境二
得勝義謂涅槃果
三正行勝義謂諸
聖道
阿練若猶言無喧
雜也

性虛通云何二俱周徧法界而我不知是義攸
往惟願如來宣流大慈開我迷雲及諸大衆作
是語已五體投地欽渴如來無上慈誨爾時世
尊告富樓那及諸會中漏盡無學諸阿羅漢如
來今日普爲此會宣勝義中真勝義性令汝會
中定性聲聞及諸一切未得二空迴向上乘阿
羅漢等皆獲一乘寂滅場地真阿練若正修行
處汝今諦聽當爲汝說富樓那等欽佛法音默

本亦性也。以本元
自性。冥照互融。即
辨而照曰妙明。即
照而寂曰明妙。

一經精髓在此數

句
因明注疏四字

然承聽佛言。富樓那。如汝所言。清淨本然。云何
忽生山河大地。汝常不聞如來宣說。性覺妙明。
本覺明妙。富樓那言。唯然。世尊。我常聞佛宣說。
斯義。佛言。汝稱覺明。爲復性明。稱名爲覺。爲覺
不明。稱爲明覺。富樓那言。若此不明。名爲覺者。
則無所明。佛言。若無所明。則無明覺。有所非覺。
無所非明。無明又非覺。湛明性性。覺必明。妄爲
明覺。覺非所明。因明立所。所既妄立。生汝妄能。

項云何忽生之問
起下世界衆生業
乘諸有為相

世界生起皆因障
明而感故有五
之異

無同異中熾然成異。異彼所異。因其立同。同異
發明。因此復立無同無異。如是擾亂相待。生勞
勞久發塵。自相渾濁。由是引起塵勞煩惱。起爲
世界靜成虛空。虛空爲同。世界爲異。彼無同異。
真有爲法。

覺明空昧相待成搖。故有風輪。執持世界。因空
生搖。堅明立礙。彼金寶者。明覺立堅。故有金輪。
保持國土。堅覺寶成。搖明風出。風金相摩。故有

此言相生之次蓋
五行順逆之勢也

火光爲變化性寶明生潤火光上蒸故有水輪
含十方界火騰水降交發立堅濕爲巨海乾爲
洲渾以是義故彼大海中火光常起彼洲渾中
江河常注水勢劣火結爲高山是故山石擊則
成燄融則成水土勢劣水抽爲草木是故林藪
遇燒成土因絞成水交妄發生迺相爲種以是
因緣世界相續

復次富樓那明妄非他覺明爲咎所妄旣立明

衆生起始

由于欲境起諸境
順境皆愛心而生
憎礙造種之業此
衆生之相續也

理不踰以是因緣聽不出聲見不超色色香味
觸六妄成就由是分開見覺聞知同業相纏合
離成化見明色發明見想成異見成憎同想成
愛流愛爲種納想爲胎交遘發生吸引同業故
有因緣生羯羅藍過蒲曇等胎卵濕化隨其所
應卵唯想生胎因情有濕以合感化以離應情
想合離更相變易所有受業逐其飛沈以是因
緣衆生相續

業果起始

殺貪以強凌弱不
破口體則舊順志

盜貪由過去世千
身命財非理而取
故致生互報

富樓那。想受同結。愛不能離。則諸世間父母子
孫。相生不斷。是等則以欲貪爲本。貪愛同滋。貪
不能止。則諸世間卵化濕胎。隨力強弱。遞相吞
食。是等則以殺貪爲本。以人食羊。羊死爲人。人
死爲羊。如是乃至十生之類。死死生生。互來相
噉。惡業俱生。窮未來際。是等則以盜貪爲本。汝
負我命。我還汝債。以是因緣。經百千劫。常在生
死。汝愛我心。我憐汝色。以是因緣。經百千劫。常

衆生如來之迷悟
習漏前後之有無
世界始終之生滅
清淨忽生之相反
良由邪疑為絆認
起惑因故邊邪漸
常之見突然而興
此覺寐中細惑不

在纏縛唯殺盜婬三爲根本以是因緣業果相
續富樓那如是三種顛倒相續皆是覺明明了
知性因了發相從妄見生山河大地諸有爲相
次第遷流因此虛妄終而復始

富樓那言若此妙覺本妙覺明與如來心不增
不減無狀忽生山河大地諸有爲相如來今得
妙空明覺山河大地有爲習漏何當復生佛告
富樓那譬如迷人於一聚落惑南爲北此迷爲

復因迷而有。因悟而出。富樓那言。如是迷人。亦
不因迷。又不因悟。何以故。迷本無根。云何因迷。
悟非生迷。云何因悟。佛言。彼之迷人。正在迷時。
俟有悟人。指示令悟。富樓那於意云何。此人縱
迷。於此聚落。更生迷不不也。世尊。富樓那十方
如來。亦復如是。此迷無本性。畢竟空。昔本無迷。
似有迷覺。覺迷。迷滅。覺不生。迷亦如翳人見空。
中華翳病若除。華於空滅。忽有愚人。於彼空華。

迷人既悟。不生
迷。喻如來究竟証
覺。無妄山河也。

既已成金不復為
鑛如來圓覺亦復
如是

所滅空地待華更生汝觀是人為愚為慧富樓
那言空元無華妄見生滅見華滅空已是顛倒
敕令更出斯實狂癡云何更名如是狂人為愚
為慧佛言如汝所解云何問言諸佛如來妙覺
明空何當更出山河大地又如金鑛雜於精金
其金一純更不成雜如木成灰不重為木諸佛
如來菩提涅槃亦復如是

富樓那又汝問言地水火風本性圓融周徧法

一切種、四化皆
生如來圓覺妙心
是體相雖空而無
妨幻相中

界。疑水火性不相陵滅。又徵虛空及諸大地俱
徧法界。不合相容。富樓那。譬如虛空體非羣相。
而不拒彼諸相發揮。所以者何。富樓那。彼太虛
空。日照則明。雲屯則暗。風搖則動。霽澄則清。氣
凝則濁。土積成壘。水澄成映。於意云何。如是殊
方。諸有爲相。爲因彼生。爲復空有。若彼所生。富
樓那。且日照時。既是日明。十方世界同爲日色。
云何空中更見圓日。若是空明。空應自照。云何

明空中諸相元自
虛妄

舉西人觀日以明
諸相虛妄不容傍
詰也

中宵雲霧之時。不生光耀。當知是明。非日非空。
不異空日。觀相元妄。無可指陳。猶邀空華。結爲
空果。云何詰其相陵滅義。觀性元真。唯妙覺明。
妙覺明心。先非水火。云何復問不相容者。真妙
覺明。亦復如是。汝以空明。則有空現。地水火風。
各各發明。則各各現。若俱發明。則有俱現。云何
俱現。富樓那。如一水中。現於日影。兩人同觀水
中之日。東西各行。則各有日隨。二人去。一東一

水火性不相陵滅
即相傾也。空虛大
地不合相容。即相
奪也。

西先無準的。不應難言。此日是一云何。各行各
日。既雙云何現。一宛轉虛妄。無可憑據。富樓那。
汝以色空相傾。相奪於如來藏。而如來藏隨爲
色空。周徧法界。是故於中風動。空澄。日明。雲暗。
衆生迷悶。背覺合塵。故發塵勞。有世間相。我以
妙明不滅。不生合。如來藏。而如來藏。唯妙覺明。
圓照法界。是故於中。一爲無量。無量爲一小中。
現大大中。現小小不動道場。徧十方界。身含十方。

即非相以明真諦

檀那布施也尸羅持戒也毘梨忍辱也羼提精進也禪那禪定也般若智慧也

無盡虛空於一毛端現寶王刹坐微塵裏轉大法輪滅塵合覺故發真如妙覺明性而如來藏本妙圓心非心非空非地非水非風非火非眼非耳鼻舌身意非色非聲香味觸法非眼識界如是乃至非意識界非明無明明無明盡如是乃至非老非死非老死盡非苦非集非滅非道非智非得非檀那非尸羅非毘梨耶非羼提非禪那非般若非波羅蜜多如是乃至非恒闍

阿竭。非阿羅訶。三耶三菩。非大涅槃。非常非樂。
非我非淨。以是俱非。世出世故。卽如來藏元明。
心妙。卽心卽空。卽地卽水。卽風卽火。卽眼卽耳。
鼻舌身意。卽色卽聲香味觸法。卽眼識界。如是。
乃至卽意識界。卽明無明。明無明盡。如是乃至。
卽老卽死。卽老死盡。卽苦卽集。卽滅卽道。卽智。
卽得。卽檀那。卽尸羅。卽毘梨耶。卽羼提。卽禪那。
卽般刺若。卽波羅蜜多。如是乃至。卽怛闍阿竭。

遮照以明中諦

法華謂不退諸善
薩亦所不能知

海印喻如來法身
性海普現一切世
間之相

卽阿羅訶三耶三菩卽大涅槃卽常卽樂卽我
卽淨以是俱卽世出世故卽如來藏妙明心元
離卽離非是卽非卽如何世間三有衆生及出
世間聲聞緣覺以所知心測度如來無上菩提
用世語言入佛知見譬如琴瑟箏篴琵琶雖有
妙音若無妙指終不能發汝與衆生亦復如是
寶覺真心各各圓滿如我按指海印發光汝暫
舉心塵勞先起由不勤求無上覺道愛念小乘

緣生同此妙覺何
因有妄猶是因緣
之見也故如來將
因字破之言妄不
因之生也

照鏡喻妄心分別
頭眉可見喻所著

得少爲足。

富樓那言。我與如來寶覺圓明。真妙淨心。無二
圓滿。而我昔遭無始妄想。久在輪迴。今得聖乘。
猶未究竟。世尊。諸妄一切圓滅。獨妙真常。敢問
如來。一切衆生。何因有妄。自蔽妙明。受此淪溺。
佛告富樓那。汝雖除疑。餘惑未盡。吾以世間現
前諸事。今復問汝。汝豈不聞室羅城中。演若達
多。忽於晨朝。以鏡照面。愛鏡中頭眉目。可見。瞋

妄境如狂走無故
則知妄原無因矣

責已頭不見面目以爲魑魅無狀狂走於意云
何此人何因無故狂走富樓那言是人心狂更
無他故佛言妙覺明圓本圓明妙既稱爲妄云
何有因若有所因云何名妄自諸妄想展轉相
因從迷積迷以歷塵劫雖佛發明猶不能返如
是迷因因迷自有識迷無因妄無所依尚無有
生欲何爲滅得菩提者如寤時人說夢中事心
縱精明欲何因緣取夢中物況復無因本無所

生死涅槃猶如昨
夢所謂寤時人說
夢中事也

圓覺謂始知衆生
本來成佛所謂狂
心若歇。即菩提

遠頭語思皆由狂
性因緣若影滅情

有如彼城中演若達多。豈有因緣自怖頭走。忽
然狂歇。頭非外得。縱未歇狂。亦何遺失富樓那。
妄性如是。因何爲在。汝但不隨分別世間業果
衆生三種相續。三緣斷故。三因不生。則汝心中
演若達多。狂性自歇。歇即菩提。勝淨明心。本周
法界。不從人得。何藉劬勞。肯綮修證。譬如有人
於自衣中。繫如意珠。不自覺知。窮露他方。乞食
馳走。雖實貧窮。珠不曾失。忽有智者。指示其珠。

七明本性菩提
遊外得

所願從心。致大饒富。方悟神珠。非從外得。
卽時阿難在大衆中。頂禮佛足。起立白佛。世尊。
現說殺盜姪業。三緣斷故。三因不生。心中達多。
狂性自歇。歇卽菩提。不從人得。斯則因緣皎然。
明白。云何如來頓棄因緣。我從因緣。心得開悟。
世尊。此義何獨我等。年少有學聲聞。今此會中。
大目犍連。及舍利弗。須菩提等。從老梵志。聞佛。
因緣。發心開悟。得成無漏。今說菩提不從因緣。

則王舍城拘舍梨等所說自然成第一義。惟垂
大悲開發迷悶。佛告阿難。卽如城中演若達多。
狂性因緣。若得滅除。則不狂性。自然而出。因緣
自然。理窮於是。阿難演若達多。頭本自然。本自
其然。無然非自。何因緣故。怖頭狂走。若自然頭
因緣故。狂何不自。然因緣故。失本頭。不失狂怖。
妄出。曾無變易。何藉因緣。本狂自然。本有狂怖。
未狂之際。狂何所潛。不狂自然。頭本無妄。何爲。

戲論未斷即狂心
未歇奚証菩提

狂走若悟本頭識知狂走因緣自然俱爲戲論
是故我言三緣斷故卽菩提心菩提心生滅
心滅此但生滅滅生俱盡無功用道若有自然
如是則明自然心生滅心滅此亦生滅無生
滅者名爲自然猶如世間諸相雜和成一體者
名和合性非和合者稱本然性本然非然和合
非合合然俱離離合俱非此句方名無戲論法
菩提涅槃尚在遙遠非汝歷劫辛勤修證雖復

自稱決擇真妄
明覺性乃至深窮
萬法決通疑滯使
其信解真正為因

憶持十方如來十二部經清淨妙理。如恒河沙。
祇益戲論。汝雖談說因緣自然決定明了。人間
稱汝多聞第一。以此積劫多聞熏習不能免離。
摩登伽難。何須待我佛頂神呪。摩登伽心。姪火
頓歇。得阿那含。於我法中。成精進林。愛河乾枯。
令汝解脫。是故阿難。汝雖歷劫。憶持如來秘密
妙嚴。不如一日修無漏業。遠離世間憎愛二苦。
如摩登伽宿為姪女。由神呪力。銷其愛欲。法中

地心因心既真勝
可負成果地修訓
故前經為見透分
者止以下文為修
通分也

前已種、開示信
解具是應須教好
謝登聖果

今名性比丘尼。與羅睺母。耶輸陀羅。同悟宿因。
知歷世因。貪愛為苦。一念熏修。無漏善故。或得
出纏。或蒙授記。如何自欺。尚留觀聽。
阿難及諸大衆。聞佛示誨。疑惑銷除。心悟實相。
身意輕安。得未曾有。重復悲淚。頂禮佛足。長跪
合掌。而白佛言。無上大慈清淨寶王。善開我心。
能以如是種種因緣。方便提獎。引諸沈冥。出於
苦海。世尊。我今雖承如是法音。知如來藏妙覺。

明心見性如得華
屋有歸宿處猶未
知入門也故問

明心徧十方界。含育如來十方國土。清淨寶嚴。
妙覺王刹。如來復責多聞無功。不逮修習。我今
猶如旅泊之人。忽蒙天王賜與華屋。雖獲大宅。
要因門入。惟願如來不捨大悲。示我在會諸蒙
暗者。捐捨小乘。畢獲如來無餘涅槃。本發心路。
今有學者。從何攝伏。疇昔攀緣。得陀羅尼。入佛
知見。作是語已。五體投地。在會一心。佇佛慈旨。
爾時世尊哀愍。會中緣覺聲聞。於菩提心未自

先示涅槃不生滅
他以為初心發覺
之本

在者及爲當來佛滅度後。末法衆生發菩提心。
開無上乘妙修行路。宣示阿難及諸大衆。汝等
決定發菩提心。於佛如來妙三摩提。不生疲倦。
應當先明發覺初心。二決定義。云何初心二義
決定。阿難第一義者。汝等若欲捐捨聲聞修菩
薩乘。入佛知見。應當審觀因地發心。與果地覺
爲同爲異。阿難。若於因地以生滅心爲本修因。
而求佛乘。不生不滅。無有是處。以是義故。汝當

照明諸器。世間可作之法。皆從變滅。阿難。汝觀
世間可作之法。誰爲不壞。然終不聞爛壞虛空。
何以故。空非可作。由是始終無壞滅。故則汝身
中。堅相爲地。潤濕爲水。煖觸爲火。動搖爲風。由
此四纏。分汝湛圓妙覺。明心爲視。爲聽。爲覺。爲
察。從始入終。五疊渾濁。云何爲濁。阿難。譬如清
水。清潔本然。卽彼塵土。灰沙之倫。本質留礙。二
體法爾。性不相循。有世間人。取彼土塵。投於淨

清水喻圓湛妙心
塵土及沙喻五陰
生法五疊亂質故
以五陰爲濁

五濁依于五陰根
塵皆色石以眼根
見空說者淨滿義
顯也成住壞空皆
喜為劫故以見空
為劫濁
見濁為受陰見聞
覺知名六受根水
土風火六塵境也
因根有相故令留
碍由塵發知故旋
令覺
煩惱濁為想陰憶
過去境識現在塵
誦習未來境界

水。土。失。留。礙。水。亡。清。潔。容。貌。汨。然。名。之。為。濁。汝
濁。五。重。亦。復。如。是。阿。難。汝。見。虛。空。徧。十。方。界。空
見。不。分。有。空。無。體。有。見。無。覺。相。織。妄。成。是。第。一
重。名。為。劫。濁。汝。身。現。搏。四。大。為。體。見。聞。覺。知。壅
令。留。礙。水。火。風。土。旋。令。覺。知。相。織。妄。成。是。第。二
重。名。為。見。濁。又。汝。心。中。憶。識。誦。習。性。發。知。見。容
現。六。塵。離。塵。無。相。離。覺。無。性。相。織。妄。成。是。第。三
重。名。煩。惱。濁。又。汝。朝。夕。生。滅。不。停。知。見。每。欲。留

衆生濁為行陰能
起于果為終有
六種也

命濁為識陰了別
正緣為識即六識
也

於世間業運每常遷於國土相織妄成是第四
重名衆生濁汝等見聞元無異性衆塵隔越無
狀異生性中相知用中相背同異失準相織妄
成是第五重名為命濁阿難汝今欲令見聞覺
知遠契如來常樂我淨應當先擇死生根本依
不生滅圓湛性成以湛旋其虛妄滅生伏還元
覺得元明覺無生滅性為因地心然後圓成果
地修證如澄濁水貯於靜器靜深不動沙土自

前示以因地發心
故指五濁為生死
根本此示以煩惱
根本

沈清水現前。名為初伏。客塵煩惱。去泥純水。名
為未斷。根本無明。明相精純。一切變現。不為煩
惱。皆合涅槃清淨妙德。

第二義者。汝等必欲發菩提心。於菩薩乘。生大
勇猛。決定棄捐。諸有為相。應當詳審煩惱根本。
此無始來。發業潤生。誰作誰受。阿難。汝修菩提。
若不審觀煩惱根本。則不能知虛妄根塵。何處
顛倒。處尚不知。云何降伏。取如來位。阿難。汝觀

此指六根為煩惱
根本而結以世界
相涉之義

世間解結之人不見所結云何知解不聞虛空
被汝墮裂何以故空無形相無結解故則汝現
前眼耳鼻舌及與身心六為賊媒自劫家寶由
此無始衆生世界生纏縛故於器世間不能超
越阿難云何名為衆生世界世為遷流界為方
位汝今當知東西南北東南西南東北西北上
下為界過去未來現在為世方位有十流數有
三一切衆生織妄相成身中貿遷世界相涉而

世者三世遷流界
者各漫定位界位
有十世教有三一
身所具理自互涉

前言六根了別之
性同所以功德各

此界性設雖十方。定位可明。世間祇目東西南
北。上下無位。中無定方。四數必明。與世相涉。三
四。四三。宛轉十二。流變三疊。一十百千。總括始
終。六根之中。各各功德。有千二百阿難。汝復於
中。克定優劣。如眼觀見。後暗前明。前方全明。後
方全暗。左右旁觀。三分之二。統論所作。功德不
全。三分言功。一分無德。當知眼唯八百功德。如
耳周聽。十方無遺。動若邇遙。靜無邊際。當知耳

千二百此言六處
了別之性異所以
功德全關不著

六根了境通于三
世謂過去現在未
來也

根圓滿。一千二百功德。如鼻。嗅聞。通出入息。有
出有入。而闕中交。驗於鼻根。三分闕一。當知鼻
唯八百功德。如舌。宣揚。盡諸世間。出世間智言
有方分。理無窮盡。當知舌根圓滿。一千二百功
德。如身。覺觸。識於違順。合時能覺。離中不知。離
一合雙。驗於身根。二分闕一。當知身唯八百功
德。如意。默容。十方三世一切世間。出世間法。唯
聖與凡。無不包容。盡其涯際。當知意根圓滿。一

千二百功德。

阿難。汝今欲逆生死欲流。反窮流根。至不生滅。
當驗此等六受用根。誰合誰離。誰深誰淺。誰爲
圓通。誰不圓滿。若能於此悟圓通根。逆彼無始
織妄業流。得循圓通。與不圓根。日劫相倍。我今
備顯六湛圓明。本所功德。數量如是。隨汝詳擇
其可入者。吾當發明。令汝增進。十方如來。於十
八界。一一修行。皆得圓滿。無上菩提。於其中間。

亦無優劣。但汝下劣。未能於中圓自在慧。故我
宣揚。令汝但於一門深入。入一無妄。彼六知根
一時清淨。

阿難白佛言。世尊云何逆流深入一門。能令六
根一時清淨。佛告阿難。汝今已得須陀洹果。已
滅三界衆生世間見所斷惑。然猶未知根中積
生無始虛習。彼習要因修所斷得。何況此中生
住異滅分齊頭數。今汝且觀現前六根爲一爲

前因阿難未知一
入六學之說故云
以非一非六由顛
倒故明六一義也
此下又明本亦六
一義以釋阿難之
疑

六銷者色聲香味觸法也亡一者滯有涅槃也

六阿難若言一者耳何不見目何不聞頭奚不履足奚無語若此六根決定成六如我今會與汝宣揚微妙法門汝之六根誰來領受阿難言我用耳聞佛言汝耳自聞何關身口口來問義身起欽承是故應知非一終六非六終一終不汝根元一元六阿難當知是根非一非六由無始來顛倒淪替故於圓湛一六義生汝須陀洹雖得六銷猶未亡一如太虛空叅合羣器由器

形異名之異空。除器觀空說空爲一。彼太虛空云何爲汝。成同不同。何況更名。是一非一。則汝了知六受用根亦復如是。

由明暗等二種相形於妙圓中。黏湛發見見精。映色結色成根。元目爲清淨四大。因名眼體。如蒲萄朶浮根。四塵流逸奔色。由動靜等二種相擊於妙圓中。黏湛發聽聽精。映聲卷聲成根。元目爲清淨四大。因名耳體。如新卷葉浮根。

四塵流逸奔聲由通塞等二種相發於妙圓中
黏湛發嗅嗅精映香納香成根根元目爲清淨
四大因名身體如雙垂爪浮根四塵流逸奔香
由恬變等二種相參於圓妙中黏湛發嘗嘗精
映味絞味成根根元目爲清淨四大因名舌體
如初偃月浮根四塵流逸奔味由離合等二種
相摩於妙圓中黏湛發覺覺精映觸搏觸成根
根元目爲清淨四大因名身體如腰鼓顙浮根

外按六根內真真
性使見胡合而為
一圓湛則而偏應
則諸根互用虛妄
全消兩謂非汝六
根互用開合則此
妄想無時得滅乃
知按根義在斷惑

四塵流逸奔觸。由生滅等二種相續於妙圓中。
黏湛發知。知精映法。攬法成根。根元目為清淨。
四大因名意思。如幽室見浮根。四塵流逸奔法。
阿難如是六根由彼覺明有明明覺失彼精了。
黏妄發光是以汝今離暗離明無有見體離動。
離靜元無聽質無通無塞。歟性不生非變非恬。
嘗無所出不離不合覺觸本無無滅無生了知。
安寄汝但不循動靜合離恬變通塞生滅明暗。

如是十二諸有爲相。隨拔一根。脫黏內伏。伏歸
元真。發本明耀。耀性發明。諸餘五黏。應拔圓脫。
不由前塵所起。知見明不循根。寄根明發。由是
六根互相爲用。阿難。汝豈不知。今此會中。阿那
律陀。無目而見。跋難陀龍。無耳而聽。菟伽神女。
非鼻聞香。謂牛吻驕梵鉢提。異舌知味。謂空舜若多神。無身
覺觸。如來光中。映令暫現。旣爲風質。其體元無。
諸滅盡定。得寂聲聞。如此會中。摩訶迦葉。久滅

那律無自能見等
真智不由于根也
世人暗中看見真
鬼不假于緣

意根圓明了知。不因心念。阿難。今汝諸根。若圓
拔已。內瑩發光。如是浮塵。及器世間。諸變化相。
如湯銷冰。應念化成。無上知覺。阿難。如彼世人
聚見於眼。若令急合。暗相現前。六根黯然。頭足
相類。彼人以手循體。外繞。彼雖不見。頭足一辨。
知覺是同。緣見因明。暗成無見。不明自發。則諸
暗相。末不能昏。根塵既銷。云何覺明。不成圓妙。
阿難。白佛言。世尊。如佛說言。因地覺心。欲求常

菩提正覺性也。涅槃斷無體也。由無發異說名真如。為覺本體說名佛性。鉢木清淨名菴摩羅。須彌不居名空。如來藏清淨顯照名大圓鏡智。妙德也。

住。要與果位名目相應。世尊。如果位中。菩提涅槃。真如佛性。菴摩羅識。空如來藏。大圓鏡智。是七種名。稱謂雖別。清淨圓滿。體性堅凝。如金剛王。常住不壞。若此見聽。離於明暗動靜通塞。畢竟無體。猶如念心。離於前塵。本無所有。云何將此畢竟斷滅。以為修因。欲獲如來七常住果。世尊。若離明暗。見畢竟空。如無前塵。念自性滅。進退循環。微細推求。本無我心。及我心所。將誰立

因求無上覺。如來先說湛精圓常。違越誠言。終成戲論。云何如來真實語者。惟垂大慈。開我蒙悞。

佛告阿難。汝學多聞。未盡諸漏。心中徒知顛倒。所因真倒。現前實未能識。恐汝誠心。猶未信伏。吾今試將塵俗諸事。當除汝疑。卽時如來勅羅睺羅。擊鐘一聲。問阿難言。汝今聞不。阿難大衆俱言。我聞鐘歇無聲。佛又問言。汝今聞不。阿難

舉眾辨因決道修
之疑蓋欲富因修
矣明眾證如人等
躬以的為期也

大衆俱言不聞。時羅睺羅又擊一聲。佛又問言。
汝今聞不。阿難大衆又言俱聞。佛問阿難。汝云。
何聞。云何。不聞。阿難大衆俱白。佛言。鐘聲若擊。
則我得聞。擊久聲銷。音響雙絕。則名無聞。如來。
又勅羅睺擊鐘。問阿難言。爾今聲不。阿難大衆。
俱言有聲。少選聲銷。佛又問言。爾今聲不。阿難。
大衆答言無聲。有頃羅睺更來撞鐘。佛又問言。
爾今聲不。阿難大衆俱言有聲。佛問阿難。汝云。

欲表圓根正修方便故扣鐘聆聞以顯耳根常住為一門深入之本聞無生滅境有生滅故聲聞各問會審辨也

何聲云何無聲阿難大衆俱白佛言鐘聲若擊則名有聲擊久聲銷音響雙絕則名無聲佛語阿難及諸大衆汝今云何自語矯亂大衆阿難俱時問佛我今云何名爲矯亂佛言我問汝聞汝則言聞又問汝聲汝則言聲唯聞與聲報答無定如是云何不名矯亂阿難聲銷無響汝說無聞若實無聞聞性已滅同於枯木鐘聲更擊汝云何知知有知無自是聲塵或無或有

阿難通疑六根雜
塵無體如來獨顯
聞性為常者欲盡
耳根員通之概也

豈彼聞性為汝有無聞實云無誰知無者是故
阿難聲於聞中自有生滅非為汝聞聲生聲滅
令汝聞性為有為無汝尚顛倒惑聲為聞何怪
昏迷以常為斷終不應言離諸動靜閉塞開通
說聞無性如重睡人眠熟牀枕其家有人於彼
睡時擣練舂米其人夢中聞舂擣聲別作他物
或為擊鼓或為撞鐘卽於夢時自怪其鐘為木
石響於時忽寤遙知杵音自告家人我正夢時

疾所昧事驗妄識
至昏而聞性不寐
瘦惡謂寐雖不昧
死則銷滅故又示
以縱爾形銷性非
遷改

惑此春音。將爲鼓響。阿難。是人夢中。豈憶靜搖。
開閉通塞。其形雖寐。聞性不昏。縱汝形銷。命光
遷謝。此性云何。爲汝銷滅。以諸衆生。從無始來。
循諸色聲。逐念流轉。曾不開悟。性淨妙常。不循
所常。逐諸生滅。由是生生。雜染流轉。若棄生滅。
守於真常。常光現前。根塵識心。應時銷落。想相
爲塵。識情爲垢。二俱遠離。則汝法眼。應時清明。
云何不成無上知覺。

大佛頂如來密因修證了義諸菩薩萬行首楞

嚴經卷第四終

音義

蚰

音納

醖

音艷

藪

音史

渾

音痺

遞

音弟

錫

音決

倏

音叔

鑛

音拱

霾

音埋

刹

音插

繫

音起

羸

音西

筌

音空

篋

音侯

怛

音台

闍

音塔

魑

音痴

魃

音姝

汨

音谷

邇

音然

泊

音撥

貿

音茂

洹

音桓

黏

音年

荀

音桃

兢


音敬

黠

音闇

春

音椿



國立中央圖書館, NATIONAL CENTRAL LIBRARY, TAIWAN, R.O.C.



將明第一義諦圓
明顯德故問解結
因緣而為此經發
起所結之元即與
明根本也此無明
根本乃第一義諦
中所治之惑
阿難言俱生滅者
以無明果相言之
佛以立知見為本
以無明因相言之
知見謂增損諸邊
等見

大佛頂如來密因修證了義諸菩薩萬行首楞
嚴經卷第五

阿難白佛言。世尊。如來雖說第二義門。今觀世
間解結之人。若不知其所結之元。我信是人終
不能解。世尊。我及會中有學聲聞。亦復如是。從
無始際。與諸無明俱滅俱生。雖得如是多聞善
根。名為出家。猶隔日瘧。惟願大慈。哀愍淪溺。今
日身心。云何是結。從何名解。亦令未來苦難衆



各放寶光表同破
與明也

生得免輪迴。不落三有。作是語已。普及大眾。五
體投地。兩淚翹誠。佇佛如來。無上開示。爾時世
尊。憐愍阿難。及諸會中諸有學者。亦爲未來一
切衆生。爲出世因。作將來眼。以闍浮檀紫金光
手。摩阿難頂。卽時十方普佛世界。六種震動。微
塵如來。住世界者。各有寶光。從其頂出。其光同
時於彼世界。來祇陀林。灌如來頂。是諸大眾。得
未曾有。於是阿難及諸大眾。俱聞十方微塵。如

中死結根安樂妙
常者顯無二之樂
也

來異口同音。告阿難言。善哉阿難。汝欲識知。俱
生無明。使汝輪轉。生死結根。唯汝六根。更無他
物。汝復欲知無上菩提。令汝速證安樂解脫。寂
靜妙常。亦汝六根。更非他物。阿難。雖聞如是法
音。心猶未明。稽首白佛云。何令我生死輪迴。安
樂妙常。同是六根。更非他物。佛告阿難。根塵同
源。縛脫無二。識性虛妄。猶如空華。阿難。由塵發
知。因根有相。相見無性。同於交蘆。是故汝今知

知見立知示無明
本始也知見無見
明解結之門也
知性見本六用之
善提幹本真淨故
中不容他物即淨
成皆汝六根之者

淨名云有為無為
為二若離一切心
如空虛以清淨慧
無所碍者是為入
不二法門

淨名云生死涅槃
為二若見生死性

見立知即無明本知見無見斯即涅槃無漏真
靜云何是中更容他物爾時世尊欲重宣此義
而說偈言

真性有為空
緣生故如幻
無為無起滅

不實如空華
言妄顯諸真
妄真同二妄

猶非真非真
云何見所見
中間無實性

是故若交蘆
結解同所因
聖凡無二路

汝觀交中性
空有二俱非
迷晦即無明

則無生死無縛無
脫是為入不二法
門

善法者即生滅性
過習所生由此識
性全離取舍但是
自心

染淨無妨無所住
著曰蓮華結漸推
邪究竟堅固曰金
剛大定法門非幻
莫辟曰如幻正受
其乘無二曰一路

祇夜之應頌又云

發○明○便○解○脫○

解○結○因○次○第○

六○解○一○亦○亡○

根○選○擇○圓○通○

入○流○成○正○覺○

陀○那○微○細○識○

習○氣○成○暴○流○

真○非○真○恐○迷○

我○常○不○開○演○

自○心○取○自○心○

非○幻○成○幻○法○

不○取○無○非○幻○

非○幻○尚○不○生○

幻○法○云○何○立○

是○名○妙○蓮○華○

金○剛○王○寶○覺○

如○幻○三○摩○提○

彈○指○超○無○學○

此○阿○毘○達○磨○

十○方○薄○伽○梵○

一○路○涅○槃○門○

於是阿難及諸大眾聞佛如來無上慈誨祇夜

重頌即頌上長行也。伽陀云。諷頌又云。畧頌即孤起頌也。

涅槃僧裏衣也。僧伽梨大衣也。

伽陀。雜糅精瑩。妙理清徹。心目開明。歎未曾有。阿難合掌頂禮白佛。我今聞佛無遮大悲。性淨妙常真實法句。心猶未達。六解一亡。舒結倫次。惟垂大慈。再愍斯會。及與將來。施以法音。洗滌沈垢。卽時如來於師子座。整涅槃僧。歛僧伽梨。攬七寶几。引手於几。取劫波羅天所奉華巾。於大眾前。縮成一結。示阿難言。此名何等。阿難大眾俱白佛言。此名爲結。於是如來縮疊華巾。又

中喻真體無二結
喻六用妄分故以
六也

成一結。重問阿難。此名何等。阿難大衆又白佛
言。此亦名結。如是。倫次。縮疊華巾。摠成六結。一
一結成。皆取手中所成之結。持問阿難。此名何
等。阿難大衆亦復如是。次第。誦佛。此名爲結。佛
告阿難。我初縮巾。汝名爲結。此疊華巾。先實一
條。第二第三。云何。汝曹復名爲結。阿難白佛言。
世尊。此寶疊華。緝績成巾。雖本一體。如我思惟。
如來一縮得一結名。若百縮成終名百結。何況

同謂一真之性理
本無差別中之結
也異謂六根之情
事用有別如中之
結也

終非第一即眼根
之名不可作百等
者若樂成一結莫

此巾。祇有六結。終不至七。亦不停五。云何如來
祇許初時。第二第三。不名爲結。佛告阿難。此寶
華巾。汝知此巾。元止一條。我六縮時。名有六結。
汝審觀察。巾體是同。因結有異。於意云何。初縮
結成。名爲第一。如是乃至第六結生。吾今欲將
第六結。名成第一。不不也。世尊。六結若存。斯第
六名。終非第一。縱我歷生。盡其明辯。如何令是
六結亂名。佛言。如是。六結不同。循顧本因。一巾

非解除結滅不生
則同異圓底故云
尚不明一六云何
成

無始知見示結根
之由狂華謂無而
妄有結者繫而不
解之義

所造令其雜亂終不得成則汝六根亦復如是
畢竟同中生畢竟異佛告阿難汝必嫌此六結
不成願樂一成復云何得阿難言此結若存是
非鋒起於中自生此結非彼彼結非此如來今
日若摠解除結若不生則無彼此尚不名一六
云何成佛言六解一亡亦復如是由汝無始心
性狂亂知見妄發發妄不息勞見發塵如勞目
睛則有狂華於湛精明無因亂起一切世間山

左右喻生死涅槃
之二邊於人執而
不解故如雙結然
結心者喻觀中道
則二邊俱解

河大地生死涅槃皆卽狂勞顛倒華相阿難言
此勞同結云何解除如來以手將所結巾偏掣
其左問阿難言如是解不不也世尊旋復以手
偏牽右邊又問阿難如是解不不也世尊佛告
阿難吾今以手左右各牽竟不能解汝設方便
云何解成阿難白佛言世尊當於結心解卽分
散佛告阿難如是如是若欲除結當於結心阿
難我說佛法從因緣生非取世間和合麤相如

知因從緣出至兩
滴皆知此明如來
覺法証其所說皆
藏論語

結成三觀後証始
還初解六根而獲

來發明世出世法知其本因隨所緣出如是乃
至恒沙界外一滴之雨亦知頭數現前種種松
直棘曲鵠白鳥玄皆了元由是故阿難隨汝心
中選擇六根根結若除塵相自滅諸妄銷亡不
真何待阿難吾今問汝此劫波羅巾六結現前
同時解縈得同除不不也世尊是結本以次第
縮生今日當須次第而解六結同體結不同時
則結解時云何同除佛言六根解除亦復如是

人空。遣人空。而證
法空。遣法空。而證
俱空。不生。即即空
俱盡。能空。滅。以
明三觀。道修。漸。收
之象。

此根初解。先得人空。空性圓明。成法解脫。解脫
法已。俱空不生。是名菩薩從三摩地。得無生忍。
阿難及諸大衆。蒙佛開示。慧覺圓通。得無疑惑。
一時合掌。頂禮雙足。而白佛言。我等今日身心
皎然。快得無礙。雖復悟知。一六亡義。然猶未達
圓通本根。世尊。我輩飄零。積劫孤露。何心何慮。
預佛天倫。如失乳兒。忽遇慈母。若復因此。際會
道成。所得密言。還同本悟。則與未聞。無有差別。

五陰六入十八界

本如來妙藏其如
性佛欲顯菩薩
行故寄選根令二
十五聖開衆妙之
門究竟眞通眞實
所以華小乘于後
心根大衍于揚會
也

此以聲塵悟入者

惟垂大悲。惠我秘嚴。成就如來最後開示。作是
語已。五體投地。退藏密機。冀佛冥授。爾時世尊
普告衆中諸大菩薩。及諸漏盡大阿羅漢。汝等
菩薩。及阿羅漢。生我法中。得成無學。吾今問汝
最初發心。悟十八界。誰爲圓通。從何方便。入三
摩地。三摩地即前人空法空空之也
憍陳那五比丘。卽從座起。頂禮佛足。而白佛言。
我在鹿苑。及於雞園。觀見如來。最初成道於佛。

音聲。悟明四諦。佛問比丘。我初稱解。如來印我
名阿若多。妙音密圓。我於音聲得阿羅漢。佛問
圓通。如我所證。音聲爲上。

優婆尼沙陀。卽從座起。頂禮佛足。而白佛言。我
亦觀佛最初成道。觀不淨相。生大厭離。悟諸色
性。以從不淨白骨微塵。歸於虛空。空色二無成
無學道。如來印我名尼沙陀。塵色旣盡。妙色密
圓。我從色相得阿羅漢。佛問圓通。如我所證。色

此以香塵悟入者

非木則不住有非
空則不住無有無
俱非中道顯矣

因爲上。

香嚴童子。卽從座起。頂禮佛足。而白佛言。我聞
如來教我諦觀。諸有爲相。我時辭佛。冥晦清齊。
見諸比丘燒沈水香。香氣寂然。來入鼻中。我觀
此氣。非木。非空。非煙。非火。去無所著。來無所從。
由是意銷。發明無漏。如來卽我得香嚴號。塵氣
倏滅。妙香密圓。我從香嚴得阿羅漢。佛問圓通。
如我所證。香嚴爲上。

此以味塵悟入者

空有味塵也身心
舌識也味非空故
非離身心味非有
故非即身心

藥王藥上二法王子。并在會中五百梵天。即從
座起。頂禮佛足。而白佛言。我無量劫。爲世良醫。
口中嘗此娑婆世界草木金石。名數凡有十萬
八千。如是悉知苦醋鹹淡甘辛等味。并諸和合
俱生變異。是冷是熱。有毒無毒。悉能徧知。承事
如來了。知味性非空。非有非即身心。非離身心。
分別味因。從是開悟。蒙佛如來。印我昆季。藥王
藥上二菩薩名。今於會中爲法王子。因味覺明。

此以觸塵悟入者

水內謂取觸之因
塵體即能觸之緣
塵境無染體亦常
淨能如所幻二邊
俱空故覺觸之心
妄取契性

此以法塵悟入者

位登菩薩。佛問圓通。如我所證。味因為上。

跋陀婆羅。并其同伴十六開士。即從座起。頂禮

佛足。而白佛言。我等先於威音王佛。聞法出家。

於浴僧時。隨例入室。忽悟水因。既不洗塵。亦不

洗體。中間安然。得無所有。宿習無忘。乃至今時。

從佛出家。令得無學。彼佛名我跋陀婆羅。妙觸

宣明。成佛子住。佛問圓通。如我所證。觸因為上。

摩訶迦葉。及紫金光比丘尼等。即從座起。頂禮

頭陀有十二行以
紫金塗佛感報如
此因深果茂其理
直然

佛足而白佛言。我於往劫於此界中有佛出世。
名日月燈。我得親近。聞法修學。佛滅度後。供養
舍利。然燈續明。以紫金光塗佛形像。自爾已來。
世世生生。身常圓滿。紫金光聚。此紫金光比丘
尼等。卽我眷屬。同時發心。我觀世間。六塵變壞。
唯以空寂。修於滅盡身心。乃能度百千劫。猶如
彈指。我以空法成阿羅漢。世尊說我頭陀爲最
妙法。開明銷滅諸漏。佛問圓通。如我所證。法因

爲上。

此以眼根悟入者

此不因眼根見色者也。旋映色之性。猶真精之元。

此以鼻根悟入者

阿那律陀。卽從座起。頂禮佛足。而白佛言。我初
出家。常樂睡眠。如來訶我爲畜生類。我聞佛訶。
啼泣自責。七日不眠。失其雙目。世尊示我樂見
照明。金剛三昧。我不因眼。觀見十方。精真洞然。
如觀掌果。如來印我成阿羅漢。佛問圓通。如我
所證。旋見循元。斯爲第一。

周利槃特迦。卽從座起。頂禮佛足。而白佛言。我

闕誦持無多聞性。最初值佛。聞法出家。憶持如
來一句伽陀於一百日。得前遺後。得後遺前。佛
愍我愚。教我安居。調出入息。我時觀息微細。窮
盡生住異滅諸行。剎那其心豁然。得大無礙。乃
至漏盡成阿羅漢。住佛座下。印成無學。佛問圓
通。如我所證。反息循空。斯爲第一。
憍梵鉢提。卽從座起。頂禮佛足。而白佛言。我有
口業於過去劫。輕弄沙門。世世生生。有牛疴病。

鉢提口如知牛哨
乃輕美報佛為速
為一味心地法門

此以身報悟入者

如來示我一味清淨心地法門。我得滅心入三
摩地。觀味之知非體非物。應念得超世間諸漏。
內脫身心外遺世界。遠離三有如鳥出籠離垢。
銷塵法眼清淨。成阿羅漢。如來親印登無學道。
佛問圓通。如我所證。還味旋知。斯為第一。
畢陵伽婆蹉。卽從座起。頂禮佛足。而白佛言。我
初發心。從佛入道。數聞如來說諸世間不可樂
事。乞食城中。心思法門。不覺路中毒刺傷足。舉

無痛：覺即清淨
覺心痛不能及之
地不可樂事即無
常若空等法門

此以意根悟入者

身疼痛。我念有知。知此深痛。雖覺覺痛。覺清淨。
心無痛。痛覺我又思惟。如是一身。寧有雙覺。攝
念未久。身心忽空。三七日中。諸漏虛盡。成阿羅
漢。得親印記。發明無學。佛問圓通。如我所證。純
覺遺身。斯爲第一。

須菩提。卽從座起。頂禮佛足。而白佛言。我曠劫
來。心得無礙。自憶受生。如恒河沙。初在母胎。卽
知空寂。如是乃至十方。成空亦令衆生。證得空。

非者空也。能空所
空皆盡也。歸無
字即空之異稱。

此以眼色悟入者

世出世間四諦之
境也。種之變化生
滅之相也。由眼色
明和故一見斯通。

性。蒙。如。來。發。性。覺。真。空。空。性。圓。明。得。阿。羅。漢。頓
入。如。來。寶。明。空。海。同。佛。知。見。印。成。無。學。解。脫。性
空。成。爲。無。上。佛。問。圓。通。如。我。所。證。諸。相。入。非。非
所。非。盡。旋。法。歸。無。斯。爲。第。一。

舍。利。弗。卽。從。座。起。頂。禮。佛。足。而。白。佛。言。我。曠。劫
來。心。見。清。淨。如。是。受。生。如。恒。河。沙。世。出。世。間。種
種。變。化。一。見。則。通。獲。無。障。礙。我。於。中。路。逢。迦。葉
波。兄。弟。相。逐。宣。說。因。緣。悟。心。無。際。從。佛。出。家。見

此以耳識悟入者

普賢亦曰徧善以
等覺位後無行不
修無德不備故曰
普賢

覺明圓得大無畏成阿羅漢爲佛長子從佛口
生從法化生佛問圓通如我所證心見發光光
極知見斯爲第一
普賢菩薩卽從座起頂禮佛足而白佛言我已
曾與恒沙如來爲法王子十方如來教其弟子
菩薩根者修普賢行從我立名世尊我用心聞
分別衆生所有知見若於他方恒沙界外有一
衆生心中發明普賢行者我於爾時乘六牙象

此以鼻識悟入者
羅難陀乃佛親學

分身百千。皆至其處。縱彼障深。未得見我。我與
其人。暗中摩頂。擁護安慰。令其成就。佛問圓通。
我說本因。心聞發明。分別自在。斯爲第一。
孫陀羅難陀。卽從座起。頂禮佛足。而白佛言。我
初出家。從佛入道。雖具戒律。於三摩地。心常散
動。未獲無漏。世尊教我。及拘絺羅。觀鼻端白。我
初諦觀。經三七日。見鼻中氣。出入如煙。身心內
明。圓動世界。徧成虛淨。猶如琉璃。煙相漸銷。鼻

教息所以發識觀
息所以駐識

此以舌識悟入者

苦空指小乘法如
是下示大乘義師
子吼即無畏也

息○成○白○心○開○漏○盡○諸○出○入○息○化○爲○光○明○照○十○方
界○得○阿○羅○漢○世○尊○記○我○當○得○菩○提○佛○問○圓○通○我
以○消○息○息○久○發○明○明○圓○滅○漏○斯○爲○第○一
富○樓○那○彌○多○羅○尼○子○卽○從○座○起○頂○禮○佛○足○而○白
佛○言○我○曠○劫○來○辯○才○無○礙○宣○說○苦○空○深○達○實○相
如○是○乃○至○恒○沙○如○來○秘○密○法○門○我○於○衆○中○微○妙
開○示○得○無○所○畏○世○尊○知○我○有○大○辯○才○以○音○聲○輪
教○我○發○揚○我○於○佛○前○助○佛○轉○輪○因○師○子○吼○成○阿

緣以自識悟入者

依身有識故先就
身以起心

羅漢世尊印我說法無上。佛問圓通。我以法音
降伏魔怨。消滅諸漏。斯爲第一。

優波離。卽從座起。頂禮佛足。而白佛言。我親隨
佛踰城出家。親觀如來六年勤苦。親見如來降
伏諸魔。制諸外道。解脫世間貪欲諸漏。承佛教
戒。如是乃至三千威儀。八萬微細。性業遮業。悉
皆清淨。身心寂滅。成阿羅漢。我是如來衆中綱
紀。親印我心。持戒修身。衆推爲上。佛問圓通。我

此以意識悟入者

意為諸法生因萬
法緣此以通故開
因緣頓發神通

以執身身得自在次第執心心得通達然後身心一切通利斯為第一。

大目犍連即從座起頂禮佛足而白佛言我初於路乞食逢遇優樓頻螺伽耶那提三迦葉波宣說如來因緣深義我頓發心得大通達如來惠我袈裟著身鬚髮自落我遊十方得無罣礙神通發明推為無上成阿羅漢寧唯世尊十方如來歎我神力圓明清淨自在無畏佛問圓通。

此以火大悟入者

法門精粗無二故
塵勞欲火俱証圓
通

我以旋湛心光發宣如澄濁流久成清瑩斯爲
第一

烏芻瑟摩於如來前合掌頂禮佛之雙足而白
佛言我常先憶久遠劫前性多貪欲有佛出世
名曰空王說多姪人成猛火聚教我徧觀百骸
四肢諸冷煖氣神光內凝化多姪心成智慧火
從是諸佛皆呼召我名爲火頭我以火光三昧
力故成阿羅漢心發大願諸佛成道我爲力士

此以地大悟入者

闌市垣闌市門

親伏魔怨。佛問圓通。我以諦觀身心煖觸。無礙流通。諸漏既銷。生大寶燄。登無上覺。斯爲第一持地菩薩。卽從座起。頂禮佛足。而白佛言。我念往昔。普光如來。出現於世。我爲比丘。常於一切要路津口。田地險隘。有不如法。妨損車馬。我皆平填。或作橋梁。或負沙土。如是勤苦。經無量佛。出現於世。或有衆生。於闌闌處。要人擎物。我先爲擎。至其所詣。放物卽行。不取其直。毗舍浮佛。

微塵性昧不相觸
同于空也故悟此
實性而刀兵無所
觸

現在世時。世多饑荒。我爲負人。無問遠近。唯取
一錢。或有車牛。被於泥溺。我有神力。爲其推輪。
拔其苦惱。時國大王。延佛設齋。我於爾時平地
待佛。毗舍如來摩頂。謂我當平心地。則世界地
一切皆平。我卽心開。見身微塵。與造世界所有
微塵等無差別。微塵自性。不相觸摩。乃至刀兵
亦無所觸。我於法性。悟無生忍。成阿羅漢。迴心
今入菩薩位中。聞諸如來。宣妙蓮華。佛知見地。

此以水大悟入者

華藏海中有大道
華之有香水海也

我先證明而爲上首。佛問圓通。我以諦觀身界
二塵等無差別。本如來藏。虛妄發塵。塵銷智圓。
成無上道。斯爲第一。

月光童子。卽從座起。頂禮佛足。而白佛言。我憶
往昔恒河沙劫。有佛出世。名爲水天。教諸菩薩。
修習水觀。入三摩地。觀於身中。水性無奪。初從
涕唾。如是窮盡津液精血。大小便利。身中旋復
水性。一同見水。身中與世界外。浮幢王刹諸香

諸佛剎世界之種
華嚴世界在香水
中故曰淨王剎

舍利弗風病畢陵
迦眼痛皆不能離
而此曰離病緣蓋
既無見思或業之
事是離分段病苦
之緣

水海等無差別。我於是時初成此觀。但見其水。
未得無身。當爲比丘。室中安禪。我有弟子闕窓
觀室。唯見清水。徧在室中。了無所見。童稚無知。
取一瓦礫。投於水內。激水作聲。顧盼而去。我出
定後。頓覺心痛。如舍利弗。遭違害鬼。我自思惟。
今我已得阿羅漢道。久離病緣。云何今日忽生
心痛。將無退失。爾時童子捷來我前。說如上事。
我則告言。汝更見水。可卽開門。入此水中。除去

初成水觀。復達無量。乃得亡身。以明聖道。長遠乃可成就。

此以風大悟入者

瓦礫。童子奉教。後入定時。還復見水。瓦礫宛然。開門除出。我後出定。身質如初。逢無量佛。如是。至於山海自在通王如來。方得亡身。與十方界諸香水海。性合真空。無二無別。今於如來得童真名。預菩薩會。佛問圓通。我以水性一味流通。得無生忍。圓滿菩提。斯爲第一。瑠璃光法王子。卽從座起。頂禮佛足。而白佛言。我憶往昔恆沙劫。有佛出世。名無量聲。開示

界為方位故安立
世為遷流故動時

菩薩本覺妙明。觀此世界及衆生身。皆是妄緣。
風力所轉。我於爾時。觀界安立。觀世動時。觀身
動止。觀心動念。諸動無二等。無差別。我時覺了。
此羣動性。來無所從。去無所至。十方微塵顛倒。
衆生同一虛妄。如是乃至三千大千一世界內。
所有衆生。如一器中。貯百蚊蚋。啾啾亂鳴。於分
寸中。鼓發狂鬧。逢佛未幾。得無生忍。爾時心開。
乃見東方。不動佛國。爲法王子。事十方佛。身心

此以空大悟入者

空體無邊故得無
邊之身此明徧圓
一切手執四珠照
十方際華嚴謂清
淨妙法身湛然應
一切是也

發光洞徹無礙。佛問圓通。我以觀察風力無依。
悟菩提心。入三摩地。合十方佛。傳一妙心。斯爲
第一。

虛空藏菩薩。卽從座起。頂禮佛足。而白佛言。我
與如來定光佛。所得無邊身。爾時手執四大寶
珠。照明十方微塵佛刹。化成虛空。又於自心現
大圓鏡。內放十種微妙寶光。流灌十方。盡虛空
際。諸幢王刹。來入鏡內。涉入我身。身同虛空。不

此以識大悟入者

相妨礙。身能善入。微塵國土。廣行佛事。得大隨
順。此大神力。由我諦觀。四大無依。妄想生滅。虛
空無二。佛國本同。於同發明。得無生忍。佛問圓
通。我以觀察。虛空無邊。入三摩地。妙力圓明。斯
爲第一。

彌勒菩薩。卽從座起。頂禮佛足。而白佛言。我憶
往昔經微塵劫。有佛出世。名日月燈明。我從彼
佛而得出家。心重世名。好遊族姓。爾時世尊教

密嚴謂妄立種
名是為徧計性衆
生若諸法此悉他
性是也

我修習唯心識定。入三摩地。歷劫已來。以此三
昧。事恒沙佛。求世名心。歇滅無有。至然燈佛出
現於世。我乃得成無上妙圓。識心三昧。乃至盡
空。如來國土。淨穢有無。皆是我心變化所現。世
尊。我了如是唯心識故。識性流出。無量如來。今
得授記。次補佛處。佛問圓通。我以諦觀十方唯
識。識心圓明。入圓成實。遠離依他及徧計執。得
無生忍。斯爲第一。

此以根大悟入者

前云見大此云根
大由摠攝六根故
也

二人喻生佛初感
子母喻氣分已接
染香喻法身冥會
故念佛者先念色
身次念法身

大勢至法王子。與其同倫五十二菩薩。卽從座
起。頂禮佛足而白佛言。我憶往昔恒河沙劫。有
佛出世。名無量光。十二如來。相繼一劫。其最後
佛。名超日月光。彼佛教我念佛三昧。譬如有人。
一專爲憶。一人專忘。如是二人。若逢不逢。或見
非見。二人相憶。二憶念深。如是乃至從生至生。
同於形影。不相乖異。十方如來。憐念衆生。如母
憶子。若子逃逝。雖憶何爲。子若憶母。如母憶時。

母子歷生不相違遠。若衆生心憶佛念佛現前。當來必定見佛。去佛不遠。不假方便。自得心開。如染香人。身有香氣。此則名曰香光莊嚴。我本因地。以念佛心。入無生忍。今於此界。攝念佛人。歸於淨土。佛問圓通。我無選擇。都攝六根。淨念相繼。得三摩地。斯爲第一。

大佛頂如來密因修證了義諸菩薩萬行首楞

嚴經卷第五

終

第五卷音義

糝 立音
禾

偈 立音
計

縮 立音
緩

掣 立音
徹

鴿 立音
殺

縈 立音
管

呵 立音
詩

蹉 立音
初

勒 立音
粒

填 立音
田

抃 立音
抃

稚 立音
住

闌 立音
環

闌 立音
會

擎 立音
勤

NATIONAL CENTRAL LIBRARY TAIWAN



國家圖書館, NATIONAL CENTRAL LIBRARY, TAIWAN, R.O.C.

觀是自智音是他
視即自於化他二
用非耳目見聞之
境所謂不自觀音
以觀現者

大佛頂如來密因修證了義諸菩薩萬行首楞
嚴經卷第六



爾時觀世音菩薩卽從座起頂禮佛足而白佛
言世尊憶念我昔無數恒河沙劫於時有佛出
現於世名觀世音我於彼佛發菩提心彼佛教
我從聞思修入三摩地初於聞中入流亡所所
入旣寂動靜二相了然不生如是漸增聞所聞
盡盡聞不住覺所覺空空空覺極圓空所空滅生

以智遣情至無礙
解忘情絕解別家
滅現前矣

金剛喻摧堅之能

滅。既。滅。寂。滅。現。前。忽。然。超。越。世。出。世。間。十。方。圓。
明。獲。二。殊。勝。一。者。上。合。十。方。諸。佛。本。妙。覺。心。與。
佛。如。來。同。一。慈。力。二。者。下。合。十。方。一。切。六。道。衆。
生。與。諸。衆。生。同。一。悲。仰。

世。尊。由。我。供。養。觀。音。如。來。蒙。彼。如。來。授。我。如。幻。
聞。熏。聞。修。金。剛。三。昧。與。佛。如。來。同。慈。力。故。令。我。
身。成。三。十。二。應。入。諸。國。土。世。尊。若。諸。菩。薩。入。三。
摩。地。進。修。無。漏。勝。解。現。圓。我。現。佛。身。而。爲。說。法。

梵王即色天主名
尸棄瓊瑤明四禪
皆有王而言梵者
謂物禪之項以有
覺觀語言之法得

令其解脫。若諸有學。寂靜妙明。勝妙現圓。我於
彼前。現獨覺身。而爲說法。令其解脫。若諸有學。
斷十二緣。緣斷勝性。勝妙現圓。我於彼前。現緣
覺身。而爲說法。令其解脫。若諸有學。得四諦空。
修道人滅。勝性現圓。我於彼前。現聲聞身。而爲
說法。令其解脫。若諸衆生。欲心明悟。不犯欲塵。
欲身清淨。我於彼前。現梵王身。而爲說法。令其
解脫。若諸衆生。欲爲天主。統領諸天。我於彼前。

為十界之主

欲界頂天即魔王
梵云婆舍跋提華
言他化自在色頂
摩醯首羅天三日
八臂騎白牛執白
縛也

現帝釋身而為說法。令其成就。若諸衆生欲身
自在遊行十方。我於彼前現自在天身而為說
法。令其成就。若諸衆生欲身自在飛行虛空。我
於彼前現大自在天身而為說法。令其成就。若
諸衆生愛統鬼神。救護國土。我於彼前現天大
將軍身而為說法。令其成就。若諸衆生愛統世
界。保護衆生。我於彼前現四天王身而為說法。
令其成就。若諸衆生愛生天宮。驅使鬼神。我於

彼前。現四天王國太子身。而爲說法。令其成就。
若諸衆生。樂爲人主。我於彼前。現人王身。而爲
說法。令其成就。若諸衆生。愛主族姓。世間推讓。
我於彼前。現長者身。而爲說法。令其成就。若諸
衆生。愛談名言。清淨自居。我於彼前。現居士身。
而爲說法。令其成就。若諸衆生。愛治國土。剖斷
邦邑。我於彼前。現宰官身。而爲說法。令其成就。
若諸衆生。愛諸數術。攝衛自居。我於彼前。現婆

優婆塞優婆夷謂
這佛事男女也

羅門身而爲說法。令其成就。若有男子好學出
家。持諸戒律。我於彼前。現比丘身。而爲說法。令
其成就。若有女人好學出家。持諸禁戒。我於彼
前。現比丘尼身。而爲說法。令其成就。若有男子
樂持五戒。我於彼前。現優婆塞身。而爲說法。令
其成就。若有女子五戒自居。我於彼前。現優婆
夷身。而爲說法。令其成就。若有女人內政立身。
以修家國。我於彼前。現女主身。及國夫人命婦。

大家而爲說法。令其成就。若有衆生不壞男根。我於彼前現童男身而爲說法。令其成就。若有處女愛樂處身。不求侵暴。我於彼前現童女身而爲說法。令其成就。若有諸天樂出天倫。我現天身而爲說法。令其成就。若有諸龍樂出龍倫。我現龍身而爲說法。令其成就。若有藥叉樂度本倫。我於彼前現藥叉身而爲說法。令其成就。若乾闥婆樂脫其倫。我於彼前現乾闥婆身而

藥神

爲說法。令其成就。若阿修羅。樂脫其倫。我於彼

前現阿修羅身。而爲說法。令其成就。若疑神緊那羅

樂脫其倫。我於彼前現緊那羅身。而爲說法。令

其成就。若疑神摩呼羅伽。樂脫其倫。我於彼前現摩

呼羅伽身。而爲說法。令其成就。若諸衆生。樂人

修人。我現人身。而爲說法。令其成就。若諸非人。

有形無形。有想無想。樂度其倫。我於彼前皆現

其身。而爲說法。令其成就是名妙淨三十二應。

有想如神鬼精靈
無想如精神化爲
金石土木之類是
也

申上合衆生悲仰
故令衆生獲十四
種無畏功德

旋復者返照自性
也

入國土身。皆以三昧聞熏聞修。無作妙力自在成就。

世尊。我復以此聞熏聞修。金剛三昧。無作妙力。與諸十方三世六道一切衆生。同悲仰故。令諸衆生。於我身心。獲十四種無畏功德。一者由我不自觀音。以觀觀者。令彼十方苦惱衆生。觀其音聲。卽得解脫。二者知見旋復。令諸衆生。設入大火。火不能燒。三者觀聽旋復。令諸衆生。大水

所漂水不能溺。四者斷滅妄想心無殺害令諸
衆生入諸鬼國鬼不能害。五者熏聞成聞六根
銷復同於聲聽能令衆生臨當被害刀段段壞
使其兵戈猶如割水亦如吹光性無搖動。六者
聞熏精明明徧法界則諸幽暗性不能全能令
衆生藥叉羅刹鳩槃荼鬼及毘舍遮富單那等
願鬼
散精鬼
熱病鬼
雖近其傍目不能視。七者音性圓銷觀聽返入
離諸塵妄能令衆生禁繫枷鎖所不能著。八者

滅音圓聞徧生慈力能令衆生經過險路賊不
能劫九者熏聞離塵色所不劫能令一切多姪
衆生遠離貪欲十者純音無塵根境圓融無對
所對能令一切忿恨衆生離諸瞋恚十一者銷
塵旋明法界身心猶如瑠璃朗徹無礙能令一
切昏鈍性障諸阿顛迦未離癡暗十二者融形
復聞不動道場涉入世間不壞世界能徧十方
供養微塵諸佛如來各各佛邊爲法王子能令

圓故無二通故舍
界明照則大圓境
之質舍界則空如
米藏之鉢故能承
受法門領順無失

法界無子衆生欲求男者誕生福德智慧之男
十三者六根圓通明照無二含十方界立大圓
鏡空如來藏承順十方微塵如來秘密法門受
領無失能令法界無子衆生欲求女者誕生端
正福德柔順衆人愛敬有相之女十四者此三
千大千世界百億日月現住世間諸法王子有
六十二恒河沙數修法垂範教化衆生隨順衆
生方便智慧各各不同由我所得圓通本根發

妙妙聞心即中中
流入之心

妙耳門。然後身心微妙含容。周徧法界。能令衆
生持我名號。與彼共持六十二恒河沙諸法王
子。二人福德正等無異。世尊。我一名號。與彼衆
多名號無異。由我修習得真圓通。是名十四施
無畏力。福備衆生。

世尊。我又獲是圓通。修證無上道故。又能善獲
四不思議。無作妙德。一者由我初獲妙妙聞心。
心精遺聞。見聞覺知。不能分隔。成一圓融清淨。

一體之中塵勞萬
法慈威定慧無所
不備而總二十四
聖示現者明彼所
現雖各一端圖而
合之咸極于此也

寶覺故我能現衆多妙容。能說無邊秘密神呪。
其中或現一首三首五首七首九首十一首。如
是乃至一百八首千首萬首。八萬四千樂迦羅
首。二臂四臂六臂八臂十臂十二臂十四十六
十八二十至二十四。如是乃至一百八臂千臂
萬臂。八萬四千母陀羅臂。二目三目四目九目。
如是乃至一百八目千目萬目。八萬四千清淨
寶目。或慈或威或定或慧。救護衆生得大自在。

森部神呪多觀音
淨作能安樂衆生
名施無畏

二者由我聞思。脫出六塵。如聲度垣。不能爲礙。
故我妙能現一一形。誦一一呪。其形其呪。能以
無畏施諸衆生。是故十方微塵國土。皆名我爲
施無畏者。三者由我修習。本妙圓通。清淨本根。
所遊世界。皆令衆生。捨身珍寶。求我哀愍。四者
我得佛心。證於究竟。能以珍寶種種。供養十方
如來。傍及法界。六道衆生。求妻得妻。求子得子。
求三昧得三昧。求長壽得長壽。如是乃至求大

涅槃得大涅槃。佛問圓通。我從耳門。圓照三昧。緣心自在。以入流相。得三摩提。成就菩提。斯爲第一。世尊。彼佛如來。歎我善得圓通法門。於大會中。授記。我爲觀世音號。由我觀聽。十方圓明。故觀音名徧十方界。

爾時世尊於師子座。從其五體。同放寶光。遠灌十方微塵如來。及法王子。諸菩薩頂。彼諸如來。亦於五體。同放寶光。從微塵方來灌佛頂。并灌

前說圓通之法此
顯圓通之勝

會中諸大菩薩。及阿羅漢。林木池沼。皆演法音。
交光相羅。如寶絲網。是諸大衆。得未曾有。一切
普獲金剛三昧。卽時天雨百寶蓮華。青黃赤白。
間錯紛糅。十方虛空。成七寶色。此娑婆界大地
山河。俱時不現。唯見十方微塵國土。合成一界。
梵唄詠歌音拜自然敷奏。

如來藏性元無異
乘以根有利鈍故
散分大小

於是如來。告文殊師利法王子。汝今觀此二十
五無學諸大菩薩。及阿羅漢。各說最初成道方

下文從耳根入即
方便門

頌本覺之鉢

明迷妄之端

楞嚴經

便。皆。言。修。習。真。實。圓。通。彼。等。修。行。實。無。優。劣。前
後。差。別。我。今。欲。令。阿。難。開。悟。二。十。五。行。誰。當。其
根。兼。我。滅。後。此。界。衆。生。入。菩。薩。乘。求。無。上。道。何
方。便。門。得。易。成。就。文。殊。師。利。法。王。子。奉。佛。慈。旨
卽。從。座。起。頂。禮。佛。足。承。佛。威。神。說。偈。對。佛。

覺。海。性。澄。圓。

圓。澄。覺。元。妙。

元。明。照。生。所。

所。立。照。性。亡。

迷。妄。有。虛。空。

依。空。立。世。界。

想。澄。成。國。土。

知。覺。乃。衆。生。

空。生。大。覺。中。

此明迷濛圖而成
根器融根器而味
澄圓也。

此棟六塵

榜陳那等各因六
塵悟員而此皆棟
去者皆以不宜物
心意取耳根獨宜

如海一漚發
漚滅空本無
方便有多門
初心入三昧
精了不能徹
音聲雜語言
云何獲圓通
不恒其所覺

國立中央圖書館, NATIONAL CENTRAL LIBRARY, TAIWAN, R.O.C.

有漏微塵國
況復諸三有
聖性無不通
遲速不同倫
如何不明徹
但伊名句味
香以合中知
云何獲圓通
皆依空所生
歸元性無二
順逆皆方便
色想結成塵
於是獲圓通
一非舍一切
離則元無有
味性非本然

時揀六根

要以味時有。

其覺不恒一。

云何獲圓通。

觸以所觸明。

無所不明觸。

合離性非定。

云何獲圓通。

法稱為內塵。

憑塵必有所。

能所非徧涉。

云何獲圓通。

見性雖洞然。

明前不明後。

四維虧一半。

云何獲圓通。

鼻息出入通。

現前無交氣。

支離匪涉入。

云何獲圓通。

舌非入無端。

因味生覺了。

味亡了無有。

云何獲圓通。

身與所觸同。

NATIONAL CENTRAL LIBRARY, TAIWAN, R.O.C.

各非圓覺觀。

涯量不冥會。

云何獲圓通。

知根雜亂思。

湛了終無見。

想念不可脫。

云何獲圓通。

識見雜三和。

結本稱非相。

自體先無定。

云何獲圓通。

心聞洞十方。

生於大因力。

初心不能入。

云何獲圓通。

鼻想本權機。

祇令攝心住。

住成心所住。

云何獲圓通。

說法弄音文。

開悟先成者。

名句非無漏。

云何獲圓通。

持犯但束身。

國立中央圖書館, NATIONAL CENTRAL LIBRARY, TAIWAN, R.O.C.

非身無所束
神通本宿因
云何獲圓通
有爲非聖性
想念非真實
若以火性觀
云何獲圓通
對非無上覺

國立中央圖書館, NATIONAL CENTRAL LIBRARY, TAIWAN, R.O.C.

元非徧一切
何關法分別
若以地性觀
云何獲圓通
如如非覺觀
厭有非真離
若以風性觀
云何獲圓通

云何獲圓通
念緣非離物
堅礙非通達
若以水性觀
云何獲圓通
非初心方便
動寂非無對
若以空性觀

音即所聞之境聞
即所聞之根

以上二十四聖雖
各得員通本根然
亦此方教緣故皆
棟去而獨選大士
以耳根圓通真實

昏鈍先非覺。

無覺異菩提。

云何獲圓通。

若以識性觀。

觀識非常住。

存心乃虛妄。

云何獲圓通。

諸行是無常。

念性元生滅。

因果今殊感。

云何獲圓通。

我今白世尊。

佛出娑婆界。

此方真教體。

清淨在音聞。

欲取三摩提。

實以聞中入。

離苦得解脫。

良哉觀世音。

於恒沙劫中。

入微塵佛國。

得大自在力。

無畏施衆生。

妙音觀世音。

國立中央圖書館, NATIONAL CENTRAL LIBRARY, TAIWAN, R.O.C.

諸根不及故也

圓真

通真

梵音海潮音
我今啓如來
十方俱擊鼓
目非觀障外
心念紛無緒
五根所不齊
聞中爲有無
聲無旣無滅

國家圖書館, NATIONAL CENTRAL LIBRARY, TAIWAN, R.O.C.

救世悉安寧
如觀音所說
十處一時聞
口鼻亦復然
隔垣聽音響
是則通真實
無聲號無聞
聲有亦非生
出世獲常住
譬如人靜居
此則圓真實
身以合方知
遐邇俱可聞
音聲性動靜
非實聞無性
生滅二圓離

常真

說 發明及聞自性之

上佛指覺下佛指
有性上聞指能聞
之智下聞指所聞
之理自性謂及聞

是則常真實。

縱令在夢想。

不爲不思無。

覺觀出思惟。

身心不能及。

今此娑婆國。

聲論得宣明。

衆生迷本聞。

循聲故流轉。

阿難縱強記。

不免落邪思。

豈非隨所淪。

旋流獲無妄。

阿難汝諦聽。

我承佛威力。

宣說金剛王。

如幻不思議。

佛母真三昧。

汝聞微塵佛。

一切秘密門。

欲漏不先除。

畜聞成過誤。

將聞持佛佛。

何不自聞聞。

國家圖書館, NATIONAL CENTRAL LIBRARY, TAIWAN, R.O.C.

以求解脫也。

聞非有名替塵故
有反聞自性外所
振塵塵以誰名為
聞哉

見聞為根三界為
塵聞遠則根窮自
除塵消則覺心本
淨

聞非自然生

因聲有名字

旋聞與聲脫

能脫欲誰名

一根既返源

六根成解脫

見聞如幻翳

三界若空華

聞復翳根除

塵銷覺圓淨

淨極光通達

寂照合虛空

却來觀世間

猶如夢中事

摩登伽在夢

誰能留汝形

如世巧幻師

幻作諸男女

雖見諸根動

要以一機抽

息機歸寂然

諸幻成無性

六根亦如是

元依一精明

分成六和合。

一處成休復。

六用皆不成。

塵垢應念消。

成圓明淨妙。

餘塵尚諸學。

明極卽如來。

大衆及阿難。

旋汝倒聞機。

反聞聞自性。

性成無上道。

圓通實如是。

此是微塵佛。

一路涅槃門。

過去諸如來。

斯門已成就。

現在諸菩薩。

今各入圓明。

未來修學人。

當依如是法。

我亦從中證。

非惟觀世音。

誠如佛世尊。

詢我諸方便。

業進

結益

邪律失明而旋見
單陵觸刺而通身
烏魯散欲而登覺
持地持磬而銷塵
皆已事可見者

真實心文殊指已
圓通之心也

以救諸末劫

求出世間人

成就涅槃心

觀世音爲最

自餘諸方便

皆是佛威神

卽事捨塵勞

非是長修學

淺深同說法

頂禮如來藏

無漏不思議

願加被未來

於此門無惑

方便易成就

堪以教阿難

及末劫沈淪

但以此根修

圓通超餘者

真實心如是

於是阿難及諸大衆身心了然得大開示觀佛

菩提。及大涅槃。猶如有人因事遠遊。未得歸還。
明了其家所歸道路。普會大眾。天龍八部。有學
二乘。及諸一切新發心菩薩。其數凡有十恒河
沙。皆得本心。遠塵離垢。獲法眼淨性。比丘尼聞
說偈已。成阿羅漢。無量衆生。皆發無等等阿耨
多羅三藐三菩提心。阿難整衣服於大眾中。合
掌頂禮。心迹圓明。悲欣交集。欲益未來諸衆生
故。稽首白佛。大悲世尊。我今已悟成佛法門。是

中修行得無疑惑。常聞如來說如是言。自未得
度。先度人者。菩薩發心。自覺已圓。能覺他者。如
來應世。我雖未度。願度末劫一切衆生。世尊。此
諸衆生。去佛漸遠。邪師說法。如恒河沙。欲攝其
心。入三摩地。云何令其安立道場。遠諸魔事。於
菩提心得無退屈。爾時世尊於大衆中。稱讚阿
難。善哉善哉。如汝所問。安立道場。救護衆生。末
劫沈溺。汝今諦聽。當爲汝說。阿難。大衆。唯然奉

戒定慧學大小均
修示以決定道修
之旨

一戒婬心

能持則出纏記則
落那魔矣

教佛告阿難。汝常聞我毘奈耶中。宣說修行三
決定義。所謂攝心爲戒。因戒生定。因定發慧。是
則名爲三無漏學。

阿難云。何攝心。我名爲戒。若諸世界六道衆生。
其心不婬。則不隨其生死相續。汝修三昧。本出
塵勞。婬心不除。塵不可出。縱有多智。禪定現前。
如不斷婬。必落魔道。上品魔王。中品魔民。下品
魔女。彼等諸魔。亦有徒衆。各各自謂成無上道。

以金為器器皆金
以土為器器皆土
即砂石之類

我滅度後。末法之中。多此魔民。熾盛世間。廣行
貪姪。為善知識。令諸衆生。落愛見坑。失菩提路。
汝教世人。修三摩地。先斷心姪。是名如來先佛。
世尊第一。決定清淨。明誨是故。阿難。若不斷姪。
修禪定者。如蒸沙石。欲其成飯。經百千劫。祇名
熱砂。何以故此。非飯本砂。石成故。汝以姪身。求
佛妙果。縱得妙悟。皆是姪根。根本成姪。輪轉三
塗。必不能出。如來涅槃。何路修證。必使姪機身。

波旬魔名

二戒殺心

君子遠庖厨蓋此
意

心俱斷。斷性亦無。於佛菩提。斯可希冀。如我此
說。名爲佛說。不如此說。卽波旬說。

阿難。又諸世界六道衆生。其心不殺。則不隨其
生死相續。汝修三昧。本出塵勞。殺心不除。塵不
可出。縱有多智禪定。現前如不斷殺。必落神道。
上品之人。爲大力鬼。中品則爲飛行夜叉。諸鬼
帥等。下品當爲地行羅刹。彼諸鬼神。亦有徒衆。
各各自謂成無上道。我滅度後。末法之中。多此

諸律並明魚肉為
時食而此獨斷之
何耶

鬼神熾盛世間。自言食肉得菩提路。阿難我令
比丘食五淨肉。此肉皆我神力化生。本無命根。
汝婆羅門。地多蒸溼。加以砂石草菜不生。我以
大悲神力所加。因大慈悲。假名為肉。汝得其味。
奈何如來滅度之後。食衆生肉。名為釋子。汝等
當知。是食肉人。縱得心開。似三摩地。皆大羅剎
報終。必沈生死苦海。非佛弟子。如是之人。相殺
相吞。相食未已。云何是人。得出三界。汝教世人

不遊三界醉還宿
債此譚人語倒

修三摩地。次斷殺生。是名如來先佛世尊第二
決定清淨明誨。是故阿難。若不斷殺。修禪定者。
譬如有人。自塞其耳。高聲大叫。求人。不聞。此等
名爲欲隱。彌露清淨比丘。及諸菩薩。於岐路行。
不蹋生草。況以手拔。云何大悲。取諸衆生血肉
充食。若諸比丘。不服東方絲綿絹帛。及是此土
靴履裘毳。乳酪醍醐。如是比丘。於世真脫。酬還
宿債。不遊三界。何以故。服其身分。皆爲彼緣。如

人食其地中百穀。是不離地。必使身心。於諸衆生。若身身分身心。二塗。不服不食。我說是人真解脫者。如我此說。名爲佛說。不如此說。卽波旬說。

阿難。又復世界六道衆生。其心不偷。則不隨其生死相續。汝修三昧。本出塵勞。偷心不除。塵不可出。縱有多智禪定。現前如不斷偷。必落邪道。上品精靈。中品妖魅。下品邪人。諸魅所著。彼等

羣邪亦有徒衆。各各自謂成無上道。我滅度後。未法之中。多此妖邪。熾盛世間。潛匿姦欺。稱善知識。各自謂已得上人法。該惑無識。恐令失心。所過之處。其家耗散。我教比丘循方乞食。令其捨貪。成菩提道。諸比丘等。不自熟食。寄於殘生。旅泊三界。示一往還。去已無返。云何賊人假我衣服。裨販如來。造種種業。皆言佛法。却非出家具。戒比丘爲小乘道。由是疑誤無量衆生。墮無

佛言此者為除殺
生貪愛若身雖好
此心尚貪取徒增
黑業何益修持

佛成道後于罽
邑食馬麥亦以宿
語比丘之故

間獄。若我滅後。其有比丘。發心決定。修三摩提。能於如來形像之前。身然一燈。燒一指節。及於身上。爇一香炷。我說是人。無始宿債。一時酬畢。長揖世間。未脫諸漏。雖未即明。無上覺路。是人於法。已決定心。若不為此捨身微因。縱成無為。必還生人。酬其宿債。如我馬麥。正等無異。汝教世人。修三摩地。後斷偷盜。是名如來先佛世尊。第三決定清淨明誨。是故阿難。若不斷偷修禪。

定者。譬如有人。水灌漏卮。欲求其滿。縱經塵劫。終無平復。若諸比丘。衣鉢之餘。分寸不畜。乞食餘分。施餓衆生。於大集會。合掌禮衆。有人捶詈。同於稱讚。必使身心二俱捐捨。身肉骨血。與衆生共。不將如來。不了義說。迴爲已解。以誤初學。佛印是人。得真三昧。如我所說。名爲佛說。不如。此說。卽波旬說。

阿難。如是世界六道衆生。雖則身心無殺盜姪。

多羅貝多樹也
剝則不滅生

三行已圓。若大妄語。卽三摩地。不得清淨。成愛見魔。夫如來種。所謂未得。謂得。未證。言證。或求世間尊勝第一。謂前人言。我今已得。須陀洹果。斯陀含果。阿那含果。阿羅漢道。辟支佛乘。十地地前諸位菩薩。求彼禮懺。貪其供養。是一顛迦。銷滅佛種。如人以刀斷多羅木。佛記是人末殞善根。無復知見。沈三苦海。不成三昧。我滅度後。勅諸菩薩。及阿羅漢。應身生彼末法之中。作種

種形。度諸輪轉。或作沙門白衣居士。人王宰官。
童男童女。如是乃至姪女寡婦。姦偷屠販。與其
同事。稱讚佛乘。令其身心入三摩地。終不自言。
我真菩薩。真阿羅漢。洩佛密因。輕言未學。唯除
命終。陰有遺付。云何是人。惑亂衆生。成大妄語。
汝教世人。修三摩地。後復斷除諸大妄語。是名
如來先佛世尊。第四決定清淨明晦。是故阿難。
若不斷其大妄語者。如刻人糞。爲栴檀形。欲求

此明四重戒也。初標戒定慧而終止。四戒者定慧已備。前文也。

香氣無有是處。我教比丘直心道場。於四威儀。一切行中。尚無虛假。云何自稱得上人法。譬如窮人妄號帝王。自取誅滅。況復法王。如何妄竊。因地不真。果招紆曲。求佛菩提。如噬臍人。欲誰成就。若諸比丘。心如直弦。一切真實。入三摩地。永無魔事。我印是人。成就菩薩。無上知覺。如我所說。名爲佛說。不如此說。卽波旬說。

第六卷音義

溼

音溫

毳

音翠

捶

音垂

罟

音利

詒

音愧

噬

音逝

靴

音休

絃

音言

庖

音支

耗

音好

販

音范





國立中央圖書館, NATIONAL CENTRAL LIBRARY, TAIWAN, R.O.C

大佛頂如來密因修證了義諸菩薩萬行首楞嚴經卷第七

末
四律為本餘戒為

一切如來頂髻中
出白華蓋所謂也
見頂相也

阿難。汝問攝心。我今先說入三摩地。修學妙門。求菩薩道。要先持此四種律儀。皎如冰霜。自不能生。一切枝葉。心三口四。生必無因。阿難。如是四事。若不遺失。心尚不緣。色香味觸。一切魔事。云何發生。若有宿習。不能滅除。汝教是人。一心誦我佛頂光明。摩訶薩怛多般怛羅。無上神呪。

順風揚塵散之則
易見誦呪除習脫
之阿難

斯是如來無見頂相。無爲心佛。從頂發輝。坐寶
蓮華。所說心呪。且汝宿世與摩登伽歷劫因緣。
恩愛習氣。非是一生。及與一劫。我一宜揚愛心。
未脫。成阿羅漢。彼尚姪女。無心修行。神力冥資。
速證無學。云何汝等在會聲聞。求最上乘。決定
成佛。譬如以塵揚于順風。有何艱險。若有末世。
欲坐道場。先持比丘清淨禁戒。要當選擇戒清
淨者。第一沙門。以爲其師。若其不遇真清淨僧。

汝戒律儀。必不成就。戒成已後。著新淨衣。然香
閑居。誦此心佛所說神呪。一百八徧。然後結界。
建立道場。求於十方現住國土。無上如來。放大
悲光。來灌其頂。阿難。如是末世清淨比丘。若比
丘尼。白衣檀越。心滅貪婬。持佛淨戒。於道場中。
發菩薩願。出入澡浴。六時行道。如是不寐。經三
七日。我自現身。至其人前。摩頂安慰。令其開悟。
阿難白佛言。世尊。我蒙如來無上悲誨。心已開

壇為達誤之基信
為入道之本雪山
白牛取熱淨水

悟自知修證無學道成末法修行建立道場云
何結界合佛世尊清淨軌則佛告阿難若末世
人願立道場先取雪山大力白牛食其山中肥
膩香草此牛唯飲雪山清水其糞微細可取其
糞和合旃檀以泥其地若非雪山其牛臭穢不
堪塗地別於平原穿去地皮五尺已下取其黃
土和上旃檀沈水蘇合薰陸鬱金白膠青水零
陵甘松及雞舌香以此十種細羅為粉合土成

八角丈六之制
兼四果四向由
十六心見道也

泥以塗場地方圓丈六爲八角壇壇心置一金
銀銅木所造蓮華華中安鉢鉢中先盛八月露
水水中隨安所有華葉取八圓鏡各安其方圍
繞華鉢鏡外建立十六蓮華十六香鑪間華鋪
設莊嚴香鑪純燒沈水無令見火取白牛乳置
十六器乳爲煎餅并諸砂糖油餅乳糜蘇合蜜
薑純酥純蜜於蓮華外各各十六圍繞華外以
奉諸佛及大菩薩每以食時若在中夜取蜜半

升用酥三合。壇前別安一小火爐。以兜樓婆香煎取香水。沐浴其炭。然令猛熾。投是酥蜜於炎爐內。燒令煙盡。享佛菩薩。令其四外徧懸幡華。於壇室中。四壁敷設十方如來。及諸菩薩所有形像。應於當陽。張盧舍那。釋迦彌勒。阿閼彌陀。諸大變化。觀音形像。兼金剛藏。安其左右。帝釋梵王。烏芻瑟摩。并藍地迦。諸軍荼利。與毗俱胝。四天王等。頻那夜迦。張於門側。左右安置。又取

入鏡覆懸虛空與壇場中所安鏡方面相對使其形影重重相涉於初七中至誠頂禮十方如來諸大菩薩阿羅漢號恒於六時誦呪圍壇至心行道一時常行一百八徧第二七中一向專心發菩薩願心無間斷我毘奈耶先有願教第三七中於十二時一向持佛般怛羅呪至第七日十方如來一時出現鏡交光處承佛摩頂卽於道場修三摩地能令如是末世修學身心明

淨猶如琉璃阿難若此比丘本受戒師及同會
中十比丘等其中有一不清淨者如是道場多
不成就從三七後端坐安居經一百日有利根
者不起於座得須陀洹縱其身心聖果未成決
定自知成佛不謬汝問道場建立如是

阿難頂禮佛足而白佛言自我出家恃佛憍愛
求多聞故未證無爲遭彼梵天邪術所禁心雖
明了力不自由賴遇文殊令我解脫雖蒙如來

佛頂神呪。冥獲其力。尚未親聞。惟願大慈。重爲
宣說。悲救此會諸修行輩。未及當來在輪迴者。
承佛密音。身意解脫。於時會中。一切大衆。普皆
作禮。佇聞如來秘密章句。爾時世尊從肉髻中。
涌百寶光。光中涌出千葉寶蓮。有化如來。坐寶
華中。頂放十道百寶光明。一一光明。皆徧示現
十恒河沙金剛密迹。擎山持杵。徧虛空界。大衆
仰觀。畏愛兼抱。求佛哀祐。一心聽佛。無見頂相。

呪謂呪詛亦曰呪
願佛以此語呪願
衆生生善滅惡業
凡成聖若螺贏之
呪頌也

放光如來。宣說神呪。

南無薩怛他蘇伽多耶阿羅訶帝三藐三菩提
寫○薩怛他佛陀俱知瑟尼釤○南無薩婆勃
陀勃地薩跢鞞弊○南無薩多南三藐三菩提
俱知南○娑舍囉婆迦僧伽喃○南無盧雞阿
羅漢跢喃○南無蘇盧多波那喃○南無娑羯
唎陀伽彌喃○南無盧雞三藐伽跢喃○三藐
伽波囉底波多那喃○南無提婆離瑟赦○南

無悉陀耶毗地耶陀囉離瑟赦○舍波奴揭囉
訶娑訶娑囉摩他喃○南無跋囉訶摩泥○南
無因陀囉耶○南無娑伽婆帝○嚧陀囉耶○
烏摩般帝○娑醯夜耶○南無娑伽婆帝○那
囉野拏耶○槃遮摩訶三慕陀囉○南無悉羯
唎多耶○南無娑伽婆帝○摩訶迦羅耶○地
唎般刺那伽囉○毗陀囉波拏迦囉耶○阿地
目帝○尸摩舍那泥娑悉泥○摩怛唎伽拏○

南無悉羯唎多耶○南無婆伽婆帝○多他伽
跢俱囉耶○南無般頭摩俱囉耶○南無跋闍
羅俱囉耶○南無摩尼俱囉耶○南無伽闍俱
囉耶○南無婆伽婆帝○帝唎茶輸囉西那○
波囉訶囉拏囉闍耶○跢他伽多耶○南無婆
伽婆帝○南無阿彌多婆耶○哆他伽多耶○
阿囉訶帝○三藐三菩提耶○南無婆伽婆帝
○阿芻鞞耶○跢他伽多耶○阿囉訶帝○三

藐三菩提耶○南無婆伽婆帝○鞞沙闍耶俱
盧吠柱唎耶○般囉婆囉闍耶○跋他伽多耶
○南無婆伽婆帝○三補師毖多○薩憐捺囉
刺闍耶○跋他伽多耶○阿囉訶帝○三藐三
菩提耶○南無婆伽婆帝○舍雞野母那曳○
跋他伽多耶○阿囉訶帝○三藐三菩提耶○
南無婆伽婆帝○刺怛那雞都囉闍耶○跋他
伽多耶○阿囉訶帝○三藐三菩提耶○帝瓢

南無薩羯唎多○翳曇婆伽婆多○薩怛他伽
郁瑟尼釤○薩怛多般怛嚩○南無阿婆囉視
耽○般囉帝揚岐囉○薩囉婆部多揭囉訶○
尼羯囉訶揭迦囉訶尼○跋囉瑟地耶吒陀你
○阿迦囉蜜唎柱○般唎怛囉耶儂揭唎○薩
囉婆槃陀那目叉尼○薩囉婆突瑟吒○突悉
乏般那你伐囉尼○赭都囉失帝南○羯囉訶
安訶薩囉若闍○毗多崩娑那羯唎○阿瑟吒

冰舍帝南○那义刹怛囉若闍○波囉薩陀那
羯唎○阿瑟吒南○摩訶揭囉訶若闍○毗多
崩薩那羯唎○薩婆舍都嚧你婆囉若闍○呼
藍突悉乏難遮那舍尼○怛沙舍悉怛囉○阿
吉尼烏陀迦囉若闍○阿般囉視多具囉○摩
訶般囉戰持○摩訶疊多○摩訶帝闍○摩訶
稅多闍婆囉○摩訶跋囉槃陀囉婆悉你○阿
唎耶多囉○毗唎俱知○誓婆毗闍耶○跋闍

囉摩禮底○毗舍嚧多○勃騰罔迦○跋闍囉
制喝那阿遮○摩囉制婆般囉質多○跋闍囉
擅持○毗舍囉遮○扇多舍鞞提婆補視多○
蘇摩嚧波○摩訶稅多○阿唎耶多囉○摩訶
娑羅阿般囉○跋闍囉商羯囉制婆○跋闍囉
俱摩唎○俱藍陀唎○跋闍囉喝薩多遮○毗
地耶乾遮那摩唎迦○囉蘇母婆羯囉跢那○
鞞嚧遮那俱唎耶○夜囉菟瑟尼釤○毗折藍

婆摩尼遮○跋闍囉迦那迦波羅婆○噓闍那
跋闍囉頓稚遮○稅多遮迦摩囉○刹奢尸波
囉婆○醫帝夷帝○母陀囉羯拏○娑鞞囉懺
○掘梵都○印兔那麼麼寫○烏併○唎瑟揭
拏○般刺舍悉多○薩怛他伽都瑟尼釤○虎
泮○都噓雍○瞻婆那○虎併○都盧雍○悉
耽婆那○虎併○都噓雍○波羅瑟地耶三般
叉拏羯囉○虎併○都噓雍○薩婆藥叉喝囉

刹娑○揭囉訶若闍○毗騰崩薩那羯囉○虎
餅○都噓雍○者都囉尸底南○揭囉訶娑訶
薩囉南○毗騰崩薩那囉○虎餅○都噓雍○
囉叉○娑伽梵○薩怛他伽都瑟尼釤○波囉
點闍吉唎○摩訶娑訶薩囉○勃樹娑訶薩囉
室利沙○俱知娑訶薩泥帝隸○阿弊提視婆
唎多○吒吒毘迦○摩訶跋闍噓陀囉○帝唎
菩婆那○曼荼囉○烏餅○莎悉帝薄婆都○

麼麼○印兔那麼麼寫○囉闍婆夜○主囉跋
夜○阿祇尼婆夜○烏陀迦婆夜○毗沙婆夜
○舍薩多囉婆夜○婆囉斫羯囉婆夜○突瑟
叉婆夜○阿舍你婆夜○阿迦囉蜜唎柱婆夜
○陀囉尼部彌劔波伽波陀婆夜○烏囉迦婆
多婆夜○刺闍壇荼婆夜○那伽婆夜○毘條
怛婆夜○蘇波囉拏婆夜○藥叉揭囉訶○囉
叉私揭囉訶○畢唎多揭囉訶○毘舍遮揭囉

訶○部多揭囉訶○鳩槃荼揭囉訶○補丹那
揭囉訶○迦吒補丹那揭囉訶○悉乾度揭囉
訶○阿播悉摩囉揭囉訶○烏檀摩陀揭囉訶
○車夜揭囉訶○醯喇婆帝揭囉訶○社多訶
喇南○揭婆訶喇南○噓地囉訶喇南○忙娑
訶喇南○謎陀訶喇南○摩闍訶喇南○闍多
訶喇女○視比多訶喇南○毗多訶喇南○婆
多訶喇南○阿輪遮訶喇女○質多訶喇女○

帝鈇薩鞞鈇○薩婆揭囉訶南○毘陀耶闍瞋
陀夜彌○雞囉夜彌○波唎跋囉者迦訖唎擔
○毗陀夜闍瞋陀夜彌○雞囉夜彌○茶演尼
訖唎擔○毘陀夜闍瞋陀夜彌○雞囉夜彌○
摩訶般輪般怛夜○噓陀囉訖唎擔○毘陀夜
闍瞋陀夜彌○雞囉夜彌○那囉夜拏訖唎擔
○毘陀夜闍瞋陀夜彌○雞囉夜彌○怛埵伽
噓茶西訖唎擔○毘陀夜闍瞋陀夜彌○雞囉

夜彌○摩訶迦囉摩怛唎伽拏訖唎擔○毘陀
夜闍瞋陀夜彌○雞囉夜彌○迦波唎迦訖唎
擔○毘陀夜闍瞋陀夜彌○雞囉夜彌○闍耶
羯囉摩度羯囉○薩婆囉他娑達耶訖唎擔○
毘陀夜闍瞋陀夜彌○雞囉夜彌○赭咄囉婆
耆你訖唎擔○毘陀夜闍瞋陀夜彌○雞囉夜
彌○毘唎羊訖唎知○難陀雞沙囉伽拏般帝
○素醯夜訖唎擔○毘陀夜闍瞋陀夜彌○雞

囉夜彌○那揭那舍囉婆拏訖唎擔○毘陀夜
闍瞋陀夜彌○雞囉夜彌○阿羅漢訖唎擔○
毘陀夜闍瞋陀夜彌○雞囉夜彌○毘多囉伽
訖唎擔○毘陀夜闍瞋陀夜彌○雞囉夜彌跋
闍囉波你○具醯夜具醯夜○迦地般帝訖唎
擔○毘陀夜闍瞋陀夜彌○雞囉夜彌○囉叉
罔○婆伽梵○印免那麼麼寫○婆伽梵○薩
怛多般怛囉○南無粹都帝○阿悉多那囉刺

迦○波囉婆悉普吒○毘迦薩怛多鉢帝唎○
什佛囉什佛囉○陀囉陀囉○頻陀囉頻陀囉
瞋陀瞋陀○虎餅○虎餅○泮吒○泮吒泮吒
泮吒泮吒○娑訶○醯醯泮○阿牟迦耶泮○
阿波囉提訶多泮○娑囉波囉陀泮○阿素囉
毘陀囉波迦泮○薩婆提鞞弊泮○薩婆那伽
弊泮○薩婆藥叉弊泮○薩婆乾闥婆弊泮○
薩婆補丹那弊泮○迦吒補丹那弊泮○薩婆

突狼枳帝弊泮 ○ 薩婆突澀比啤訖瑟帝弊泮
○ 薩婆什婆唎弊泮 ○ 薩婆阿播悉摩啤弊泮
○ 薩婆舍囉婆那弊泮 ○ 薩婆地帝雞弊泮 ○
薩婆怛摩陀繼弊泮 ○ 薩婆毘陀耶囉誓遮啤
弊泮 ○ 闍夜羯囉摩度羯囉 ○ 薩婆囉他娑陀
雞弊泮 ○ 毘地夜遮唎弊泮 ○ 者都囉縛耆你
弊泮 ○ 跋闍囉俱摩唎 ○ 毘陀夜囉誓弊泮 ○
摩訶波囉丁羊叉耆唎弊泮 ○ 跋闍囉商羯囉

夜○波囉丈耆囉闍耶泮○摩訶迦羅夜○摩
訶末怛唎迦拏○南無娑羯唎多夜泮○瑟瑟
拏婢曳泮○勃囉訶牟尼曳泮○阿耆尼曳泮
○摩訶羯唎曳泮○羯囉檀遲曳泮○蔑怛唎
曳泮○嚩怛唎曳泮○遮文荼曳泮○羯邏囉
怛唎曳泮○迦般唎曳泮○阿地目質多迦尸
摩舍那○婆私你曳泮○演吉質○薩埵婆寫
○麼麼印兎那麼麼寫○突瑟吒質多○阿末

怛唎質多○烏闍訶囉○伽婆訶囉○噓地囉
訶囉○婆娑訶囉○摩闍訶囉○闍多訶囉○
視瑟多訶囉○跋略夜訶囉○乾陀訶囉○布
史波訶囉○頗囉訶囉○娑寫訶囉○般波質
多○突瑟吒質多○嚩陀囉質多○藥叉揭囉
訶○囉刹娑揭囉訶○閉隸多揭囉訶○毘舍
遮揭囉訶○部多揭囉訶○鳩槃荼揭囉訶○
悉乾陀揭囉訶○烏怛摩陀揭囉訶○車夜揭

囉訶○阿播薩摩囉揭囉訶○宅祛革荼耆尼
揭囉訶○唎佛帝揭囉訶○闍彌迦揭囉訶○
舍俱尼揭囉訶○姥陀囉難地迦揭囉訶○阿
藍婆揭囉訶○乾度波尼揭囉訶○什伐囉堙
迦醯迦○墜帝藥迦○怛隸帝藥迦○者突託
迦○昵提什伐囉瑟釤摩什伐囉○薄底迦○
鼻底迦○室隸瑟密迦○娑你般帝迦○薩婆
什伐囉○室嚧吉帝○末陀鞞達嚧制劍○阿

綺噓鉗○目佉噓鉗○羯唎突噓鉗○揭囉訶
揭藍○羯拏輸藍○憚多輸藍○迄唎夜輸藍
○末麼輸藍○跋唎室婆輸藍○瑟栗瑟吒輸
藍○烏陀囉輸藍○羯知輸藍○喝悉帝輸藍
○鄔噓輸藍○常伽輸藍○喝悉多輸藍○跋
陀輸藍○娑房盎伽般囉丈伽輸藍○部多瑟
跋茶○茶耆尼什婆囉○陀突噓迦建咄噓吉
知婆路多毘○薩般噓訶凌伽○輸沙怛囉娑

那羯囉○毘沙喻迦○阿耆尼烏陀迦○末囉
鞞囉建跋囉○阿迦囉密喇咄怛歛部迦○地
栗刺吒○瑟喇瑟質迦○薩婆那俱囉○肆引
伽弊揭囉喇藥叉怛囉芻○末囉視吠帝鈇娑
鞞鈇○悉怛多鉢怛囉○摩訶跋闍嚧瑟尼鈇
○摩訶般賴丈耆嚧○夜波突陀舍喻闍那○
辦怛隸奴○毘陀耶槃曇迦嚧彌○帝殊槃曇
迦嚧彌○般囉毘陀槃曇迦嚧彌○跋姪他○

唵○阿那隸○毘舍提○鞞囉跋闍囉陀唎○
槃陀槃陀你○跋闍囉謗尼泮○虎舛都噓甕
泮○莎婆訶○

阿難。是佛頂光聚悉怛多般怛囉秘密伽陀微

妙章句。出生十方一切諸佛。十方如來。因此呪

心。得成無上正徧知覺。十方如來。執此呪心。降

伏諸魔。制諸外道。十方如來。乘此呪心。坐寶蓮

華。應微塵國。十方如來。合此呪心。於微塵國。轉

大法輪。十方如來持此呪心。能於十方摩頂授
記。自果未成。亦於十方蒙佛授記。十方如來依
此呪心。能於十方拔濟羣苦。所謂地獄餓鬼畜
生盲聾瘖瘂怨憎會苦。愛別離苦。求不得苦。五
陰熾盛。大小諸橫。同時解脫。賊難兵難。王難獄
難。風火水難。饑渴貧窮。應念消散。十方如來隨
此呪心。能於十方事善知識。四威儀中。供養如
意。恒沙如來會中。推爲大法王子。十方如來行

此呪心能於十方攝受親因。令諸小乘聞秘密。
藏不生驚怖。十方如來誦此呪心。成無上覺。坐
菩提樹。入大涅槃。十方如來傳此呪心。於滅度
後。付佛法事。究竟住持。嚴淨戒律。悉得清淨。若
我說是佛頂光聚般怛羅呪。從旦至暮。音聲相
聯。字句中間。亦不重疊。經恒沙劫。終不能盡。亦
說此呪。名如來頂汝等有學。未盡輪迴。發心至
誠。取阿羅漢。不持此呪而坐道場。令其身心遠

諸魔事。無有是處。

阿難。若諸世界。隨所國土。所有衆生。隨國所生。
樺皮貝葉。紙素白氎。書寫此呪。貯於香囊。是人
心昏。未能誦憶。或帶身上。或書宅中。當知是人
盡其生年。一切諸毒。所不能害。阿難。我今爲汝
更說此呪。救護世間。得大無畏。成就衆生。出世
間智。若我滅後。末世衆生。有能自誦。若教他誦。
當知如是持誦衆生。火不能燒。水不能溺。大毒

小毒所不能害。如是乃至龍天鬼神精祇魔魅。所有惡呪皆不能著。心得正受。一切呪詛厭蠱毒藥金毒銀毒草木蟲蛇萬物毒氣入此人口。成甘露味。一切惡星并諸鬼神。殄心毒人。於如是人不能起惡。那夜迦諸惡鬼王并其眷屬。皆領深恩。常加守護。阿難當知是呪常有八萬四千那由他恒河沙。俱胝金剛藏王菩薩種族。一一皆有諸金剛衆。而爲眷屬。晝夜隨侍。設有

衆生於散亂心。非三摩地。心憶口持。是金剛王。
常隨從彼諸善男子。何況決定菩提心者。此諸
金剛菩薩藏王。精心陰速發。彼神識是人應時。
心能記憶八萬四千恒河沙劫。周徧了知。得無
疑惑。從第一劫乃至後身。生生不生。藥叉羅刹。
及富單那。迦吒富單那。鳩槃荼。毘舍遮等。并諸
餓鬼。有形無形。有想無想。如是惡處。是善男子。
若讀若誦。若書若寫。若帶若藏。諸色供養。劫劫

不生。貧窮下賤。不可樂處。此諸衆生。縱其自身。不作福業。十方如來。所有功德。悉與此人。由是得於恒河沙阿僧祇。不可說。不可說劫。常與諸佛同生一處。無量功德。如惡又聚。同處熏修。未無分散。是故能令破戒之人。戒根清淨。未得戒者。令其得戒。未精進者。令得精進。無智慧者。令得智慧。不清淨者。速得清淨。不持齋戒。自成齋戒。阿難。是善男子。持此呪時。設犯禁戒。於未受

時持呪之後。衆破戒罪。無問輕重。一時銷滅。縱經飲酒。食噉五辛。種種不淨。一切諸佛菩薩。金剛天仙鬼神。不將爲過。設著不淨。破弊衣服。一行一住。悉同清淨。縱不作壇。不入道場。亦不行道。誦持此呪。還同入壇行道功德。無有異也。若造五逆。無間重罪。及諸比丘。比丘尼。四棄八棄。誦此呪已。如是重業。猶如猛風吹散沙聚。悉皆滅除。更無毫髮阿難。若有衆生。從無量無數劫。

來。所有一切輕重罪障。從前世來。未及懺悔。若能讀誦書寫此呪。身上帶持。若安住處莊宅園館。如是積業。猶湯銷雪。不久皆得悟無生忍。復次阿難。若有女人。未生男女。欲求孕者。若能至心憶念斯呪。或能身上帶此悉怛多般怛羅者。便生福德智慧男女。求長命者。卽得長命。欲求果報速圓滿者。速得圓滿。身命色力。亦復如是。命終之後。隨願往生十方國土。必定不生邊地。

下賤何況雜形。阿難。若諸國土州縣聚落。饑荒
疫癘。或復刀兵。賊難鬪諍。兼餘一切厄難之地。
寫此神呪。安城四門。并諸支提。或脫闍上。令其
國土所有衆生。奉迎斯呪。禮拜恭敬。一心供養。
令其人民。各各身佩。或各各安所居宅地。一切
災厄。悉皆消滅。阿難。在在處處。國土衆生。隨有
此呪。天龍歡喜。風雨順時。五穀豐殷。兆庶安樂。
亦復能鎮一切惡星。隨方變恠。災障不起。人無

橫天。杻械枷鎖。不著其身。晝夜安眠。常無惡夢。
阿難。是娑婆界。有八萬四千災變惡星。二十八
大惡星。而爲上首。復有八大惡星。以爲其主。作
種種形。出現世時。能生衆生種種災異。有此呪
地。悉皆消滅。十二由旬成結界地。諸惡災祥。未
不能入。是故如來宣示此呪。於未來世。保護初
學諸修行者。入三摩提。身心泰然。得大安隱。更
無一切諸魔鬼神。及無始來冤橫宿殃舊業陳

債來相惱害。汝及衆中諸有學人。及未來世諸修行者。依我壇場。如法持戒。所受戒主。逢清淨僧。於此呪心。不生疑悔。是善男子。於此父母所生之身。不得心通。十方如來。便爲妄語。

說是語已。會中無量百千金剛。一時佛前合掌頂禮。而白佛言。如佛所說。我當誠心保護。如是修菩提者。爾時梵王。并天帝釋。四天大王。亦於佛前。同時頂禮。而白佛言。審有如是修學善人。

我當盡心至誠保護。令其一生所作如願。復有無量藥叉。大將諸羅刹王。富單那王。鳩槃荼王。毘舍遮王。頻那夜迦諸大鬼王。及諸鬼帥。亦於佛前合掌頂禮。我亦誓願護持是人。令菩提心速得圓滿。復有無量日月天子。風師雨師雲師雷師。并電伯等。年歲巡官。諸星眷屬。亦於會中頂禮佛足。而白佛言。我亦保護是修行人。安立道場。得無所畏。復有無量山神海神。一切土地。

水陸空行。萬物精祇。并風神王。無色界天。於如
來前。同時稽首。而白佛言。我亦保護是修行人。
得成菩提。永無魔事。爾時八萬四千元。由他恒
河沙。俱胝金剛藏王菩薩。在大會中。卽從座起。
頂禮佛足。而白佛言。世尊。如我等輩。所修功業。
久成菩提。不取涅槃。常隨此呪。救護末世。修三
摩提。正修行者。世尊。如是修心。求正定人。若在
道場。及餘經行。乃至散心。遊戲聚落。我等徒衆。

是請入華屋以來
通名修道分此後
名証果分初問修
証地位世尊者叙
十二類生而後明
五十七位者意使
一切衆生依此法

常當隨從侍衛此人縱令魔王大自在天求其
方便終不可得諸小鬼神去此善人十由旬外
除彼發心樂修禪者世尊如是惡魔若魔眷屬
欲來侵擾是善人者我以寶杵殞碎其首猶如
微塵恒令此人所作如願

阿難卽從座起頂禮佛足而白佛言我輩愚鈍
好爲多聞於諸漏心未求出離蒙佛慈誨得正
熏修身心快然獲大饒益世尊如是修證佛三

門徒九入聖重
研極至盡妙覺成
無上道而後已

摩提未到涅槃。云何名爲乾慧之地。四十四心
至何漸次。得修行目。詣何方所。名入地中。云何
名爲等覺菩薩。作是語已。五體投地。大衆一心
佇佛慈音。瞪眄瞻仰。爾時世尊讚阿難言。善哉
善哉。汝等乃能普爲大衆。及諸末世一切衆生。
修三摩提。求大乘者。從於凡夫。終大涅槃。懸示
無上正修行路。汝今諦聽。當爲汝說。阿難大衆
合掌剝心。默然受教。

欲修正度先識妄
因故說二種顛倒
以明流轉之本

有為之法以生住
異滅為體

佛言阿難當知妙性圓明離諸名相本來無有
世界衆生因妄有生因生有滅生滅名妄滅妄
名真是稱如來無上菩提及大涅槃二轉依號
阿難汝今欲修真三摩地直詣如來大涅槃者
先當識此衆生世界二顛倒因顛倒不生斯則
如來真三摩地阿難云何名爲衆生顛倒阿難
由性明心性明圓故因名發性性妄見生從畢
竟無成究竟有此有所有非因所因住所住相

未出輪迴而辨圓
覺彼圓覺性即同
流轉故曰非真

既非真性常住故
有三世遷流

了無根本本此無住建立世界及諸衆生迷本
圓明是生虛妄妄性無體非有所依將欲復真
欲真已非真真如性非真求復宛成非相非生
非住非心非法展轉發生生力發明熏以成業
同業相感因有感業相滅相生由是故有衆生
顛倒。

阿難云何名爲世界顛倒是有所分設妄生
因此界立非因所因無住非住遷流不住因此

明業惑果三而
生胎生等而果類

世成三世四方。和合相涉。變化衆生。成十二類。
是故世界因動有聲。因聲有色。因色有香。因香
有觸。因觸有味。因味知法。六亂妄想。成業性故。
十二區分。由此輪轉。是故世間聲香味觸。窮十
二變。爲一旋復。乘此輪轉。顛倒相故。是有世界
卵生胎生濕生化生有色無色有想無想若非
有色若非無色若非有想若非無想。
阿難。由因世界虛妄輪迴。動顛倒故。和合氣成。

孫敬而起曰卵生

含藏而出口胎生

假藏而與曰濕生

藏尸謂軟肉
鷄南謂硬肉

八萬四千飛沈亂想如是故有卵羯邏藍流轉
國土魚鳥龜蛇其類充塞由因世界雜染輪迴
欲顛倒故和合滋成八萬四千橫豎亂想如是
故有胎遏補曇流轉國土人畜龍仙其類充塞
由因世界執著輪迴趣顛倒故和合煖成八萬
四千飛覆亂想如是故有濕相蔽尸流轉國土
含蠢蠕動其類充塞由因世界變易輪迴假顛
倒故和合觸成八萬四千新故亂想如是故有

無而忽有化生

四生者以業緣俱
麻相合為類故分
四種

此有色者精細留
礙即業果之色故
有休咎吉凶之殊

此無色者

有想者唯業所生
故同象虛無由想
結況疑不待緣合
而精明為果

化相羯南流轉國土轉蛻飛行其類充塞由因
世界留礙輪迴障顛倒故和合著成八萬四千
精耀亂想如是故有色相羯南流轉國土休咎
精明其類充塞由因世界銷散輪迴惑顛倒故
和合暗成八萬四千陰隱亂想如是故有無色
羯南流轉國土空散銷沈其類充塞由因世界
罔象輪迴影顛倒故和合憶成八萬四千潛結
亂想如是故有想相羯南流轉國土神鬼精靈

心隨境妄遇物成
形此無想者

此四者以業緣偏
勝相離為類故分
四種

非有色成色者以
無持有偽為四依

非無色無色者以
乘引延呼召成林

其類充塞。由因世界愚鈍輪迴。癡顛倒故。和合
頑成八萬四千枯稿亂想。如是故有無想羯南。
流轉國土精神化為土木金石。其類充塞。由因
世界相待輪迴偽顛倒故。和合染成八萬四千
因依亂想。如是故有非有色相成色羯南。流轉
國土諸水母等。以蝦為目。其類充塞。由因世界
相引輪迴性顛倒故。和合呪成八萬四千呼召
亂想。由是故有非無色相無色羯南。流轉國土。

非有想成想者彼
業微故妄取他緣
也

非無想成想者以
妄想心附雜他緣
也

四生以緣業俱微
附離成化故分四
種

呪詛厭生。其類充塞。由因世界合妄輪迴罔顛
倒故。和合異成八萬四千迴互亂想。如是故有
非有想相成想。羯南流轉國土。彼蒲盧等異質
相成其類充塞。由因世界怨害輪迴殺顛倒故。
和合怪成八萬四千食父母想。如是故有非無
想相。無想羯南流轉國土。如土臬等附塊爲兒
及破鏡鳥。以毒樹果抱爲其子。子成父母皆遭
其食。其類充塞。是名衆生十二種類。

大佛頂如來密因修證了義諸菩薩萬行首楞

嚴經卷第七 終



國家圖書館, NATIONAL CENTRAL LIBRARY, TAIWAN, R.O.C.

第七卷音義

軌音鬼

糜音迷

酥音疎

閔音畜

髻音吉

跂音帶

鞞音俾

喃音南

唎音利

赦音必

醯音希

噓音虛

閣音蛇

鈇音山

鈇音欽

赭音者

苾音秘

泮音牛

嘯音骨

菟音免

掘音厥

髡音鶯

吒音沓

斫音着

堙音因

姥音毋

枳音帝

嚙音梨

鉗音乾

瘡音因

痲音鴉

氍音牒

蠱音古

礮音參

噉音淡

蠕音儒

辯音便

剗音枯

蛻音稅

輓音款

鳩音朕

咩音忻

木
扉
糸



國家圖書館, NATIONAL CENTRAL LIBRARY, TAIWAN, R.O.C.

大佛頂如來密因修證了義諸菩薩萬行首楞

嚴經卷第八



其無具相一切皆
空如是了知始可
緣道

前示以識妄因此
示以除妄本

阿難如是衆生一一類中亦各各具十二顛倒
猶如捏目亂華發生顛倒妙圓眞淨明心具足
如斯虛妄亂想汝今修證佛三摩提於是本因
元所亂想立三漸次方得除滅如淨器中除去
毒蜜以諸湯水并雜灰香洗滌其器後貯甘露
云何名爲三種漸次一者修習除其助因二者

助因者謂五種辛
菜熟食發深生咳
增恚欲薄貪嗔先
伏除之

三種漸次以戒為
體

真修。劬其正性。三者增進。違其現業。

云何助因。阿難。如是世界十二類生。不能自全。

依四食住。所謂段食。觸食。思食。識食。是故佛說。

一切衆生。皆依食住。阿難。一切衆生。食甘故生。

食毒故死。是諸衆生。求三摩提。當斷世間五種。

辛菜。是五種辛。熟食發姪。生啖增恚。如是世界。

食辛之人。縱能宣說十二部經。十方天仙。嫌其。

臭穢。咸皆遠離。諸餓鬼等。因彼食次。舐其唇吻。

常與鬼住。福德日銷。長無利益。是食辛人修三
摩地。菩薩天仙十方善神。不來守護。大力魔王
得其方便。現作佛身。來爲說法。非毀禁戒。讚姪
怒癡。命終自爲魔王眷屬。受魔福盡。墮無間獄
阿難。修菩提者。未斷五辛。是則名爲第一增進
修行漸次。

云何正性阿難。如是衆生入三摩地。要先嚴持
清淨戒律。未斷姪心。不餐酒肉。以火淨食。無啖

清淨戒律即四棄

生氣阿難。是修行人。若不斷淫。及與殺生。出三界者。無有是處。當觀淫欲。猶如毒蛇。如見怨賊。先持聲聞。四棄八棄。執身不動。後行菩薩清淨律儀。執心不起。禁戒成就。則於世間。永無相生相殺之業。偷劫不行。無相負累。亦於世間。不還宿債。是清淨人。修三摩地。父母肉身。不須天眼。自然觀見十方世界。覩佛聞法。親奉聖旨。得大神通。遊十方界。宿命清淨。得無艱險。是則名爲

第二增進修行漸次

云何現業阿難如是清淨持禁戒人心無貪姪
於外六塵不多流逸因不流逸旋元自歸塵既
不緣根無所偶反流全一六用不行十方國土
皎然清淨譬如琉璃內懸明月身心快然妙圓
平等獲大安隱一切如來密圓淨妙皆現其中
是人卽獲無生法忍從是漸修隨所發行安立
聖位是則名爲第三增進修行漸次

世界清淨皎如琉璃
獨則真空之体理
矣。此謂清淨奢摩
他如鏡現諸像也

焚界則智圓欲乾
則慧生依慧住持
故名曰地

以初入流並現真
俗名之曰中二妙
重發為中謂前枯
欲愛但有其慧今
入法流回智入慧
則善提生長故曰
圓妙開敷
能憶習氣名為念
心陰處界三即世
間生處習氣也

阿難。是善男子。欲愛乾枯。根境不偶。現前殘質。不復續生。執心虛明。純是智慧。慧性明圓。瑩十方界。乾有其慧。名乾慧地。

欲習初乾。未與如來法流水接。卽以此心中。中流入圓妙開敷。從真妙圓重發真妙。妙信常住。一切妄想滅盡。無餘中道。純真名信心住。真信明了。一切圓通。陰處界三不能為礙。如是乃至過去未來。無數劫中。捨身受身。一切習氣皆現。

前雖憶念習氣未
歇此則精明故得
發此

又進涉動失于安
然故須保持

迴佛慈光向于已
身迴已身心向佛
慈住已身佛身後
此迴向故如雙鏡

在前是善男子。皆能憶念。得無遺忘。名念心住。
妙圓純真。真精發化。無始習氣。通一精明。唯以
精明。進趣真淨。名精進心。心精現前。純以智慧。
名慧心住。執持智明。周徧寂湛。寂妙常凝。名定
心住。定光發明。明性深入。唯進無退。名不退心。
心進安然。保持不失。十方如來。氣分交接。名護
法心。覺明保持。能以妙力。迴佛慈光。向佛安住。
猶如雙鏡。光明相對。其中妙影。重重相入。名迴

疑者妙淨無為體
也安住無遺名曰
戒心

十種妙心圓成為
一故得安住名叢
心住

以前妙心之理獲
而成地安住其中
名治地
以心住境以境住
心心境無奪故得
明了

向心。心光密迴。獲佛常凝。無上妙淨。安住無為。
得無遺失。名戒心住。住戒自在。能遊十方。所去
隨願。名願心住。

阿難。是善男子。以真方便。發此十心。心精發暉。
十用涉入。圓成一心。名發心住。心中發明。如淨

琉璃。內現精金。以前妙心。履以成地。名治地住。
心地涉知。俱得明了。遊履十方。得無留礙。名修
行住。行與佛同。受佛氣分。如中陰身。自求父母。

自發心至生貴名
入聖胎自方便具
足至童真名長養
聖胎至此長養功
絲故喻出胎子

酒成聖之功故以
灌頂喻之

如來不為彼句邪
說不以錯路教人

陰信冥通。入如來種。名生貴住。既遊道胎。親奉
覺胤。如胎已成。人相不缺。名方便具足住。容貌
如佛。心相亦同。名正心住。身心合成。日益增長。
名不退住。十身靈相。一時具足。名童真住。形成
出胎。親為佛子。名法王子住。表以成人。如國大
王。以諸國事。分委太子。彼刹利王世子長成。陳
列灌頂。名灌頂住。

阿難。是善男子成佛子已。具足無量如來妙德。

饒益即戒度戒無
恒害能饒益故

由無違逆故無嗔
恨無盡行各無餘
抗

即禪度禪止散
故離癡亂

善現即慧度理能
顯事名同中現異
事能顯理名異和
現同

十方隨順名歡喜行善能利益一切衆生名饒
益行自覺覺他得無違拒名無瞋恨行種類出
生窮未來際三世平等十方通達名無盡行一
切合同種種法門得無差誤名離癡亂行則於
同中顯現羣異一一異相各各見同名善現行
如是乃至十方虛空滿足微塵一一塵中現十
方界現塵現界不相留礙名無著行種種現前
咸是第一波羅蜜多名尊重行如是圓融能成

即力度圓融軌則
即善法哉

即智度無漏無為
皆實智故

回真向俗回智向
悲真俗圓融是名
回向

此以即相離相法
向義由即故當度
衆生由離故滅除
度相

十方諸佛軌則名善法行一一皆是清淨無漏
一真無為性本然故名真實行

阿難是善男子滿足神通成佛事已純潔精真
遠諸留患當度衆生滅諸度相迴無為心向涅槃
路名救護一切衆生離衆生相迴向壞其可
壞遠離諸離名不壞迴向本覺湛然覺齊佛覺
名等一切佛迴向精真發明地如佛地名至一
切處迴向世界如來互相涉入得無罣礙名無

此即本始二覺為
迴向義
此即真如隨偏為
回向義
如來名正世界為
依兩相涉入故得
無礙

盡功德藏迴向於同佛地。地中各各生清淨。因
依因發揮。取涅槃道名隨順平等善根迴向真
根既成十方衆生皆我本性。性圓成就不失衆
生名隨順等觀一切衆生迴向即一切法離一
切相唯即與離二無所著名真如相迴向真得
所如十方無礙名無縛解脫迴向性德圓成法
界量滅名法界無量迴向
阿難是善男子。盡是清淨四十一心。次成四種

加行以尋思為跡
印持為性依四尋
思故為四加
依明淨定名為
煖
尋思之極度上上
品善根名為頂
依印順定決定印
持立為忍位
世第一法者此法
是有漏故名世
此法是最勝故名
第一
總持功德為勝依
持故令得長生故
名為地

妙圓加行。卽以佛覺用為已心。若出未出。猶如
鑽火。欲然其木。名為煖地。又以已心成佛所履。
若依非依。如登高山。身入虛空。下有微礙。名為
頂地。心佛二同。善得中道。如忍事人。非懷非出。
名為忍地。數量銷滅。迷覺中道。二無所目。名世
第一地。

阿難。是善男子。於大菩提。善得通達。覺通如來。
盡佛境界。名歡喜地。異性入同。同性亦滅。名離

成就勝處大法攝
持能發無礙大慧
光故前地明生此
地覺滿發慧光也

法雲菩薩與蓮
流如來於此位中
兩覺相際其體平
等名曰等覺

垢地。淨極明生。名發光地。明極覺滿。名燄慧地。
一切同異。所不能至。名難勝地。無爲真如。性淨
明露。名現前地。盡真如際。名遠行地。一真如心。
名不動地。發真如用。名善慧地。阿難。是諸菩薩。
從此已往。修習畢功。功德圓滿。亦目此地。名修
習位。慈陰妙雲。覆涅槃海。名法雲地。
如來逆流。如是菩薩。順行而至。覺際入交。名爲
等覺。阿難。從乾慧心。至等覺已。是覺始獲金剛

妙覺即大覺位。謂
等覺菩薩以漸感
力難及。證智獲大
法身名曰妙覺。

自初發信至于終
地皆修習之事。故
名修習以結修習
之因。次後乃十地
之果。無復修習矣。

上名詁果分此名
結經分正宗未終
而遽結經者由訪
示密因以開修証

心中初乾慧地。如是重重單復十二。方盡妙覺。
成無上道。是種種地。皆以金剛觀察如幻十種。
深喻奢摩他中。用諸如來毘婆舍那清淨修證。
漸次深入阿難。如是皆以三增進故。善能成就。
五十五位真菩提路。作是觀者。名為正觀。若他
觀者。名為邪觀。
爾時文殊師利法王子。在大眾中。即從座起。頂
禮佛足。而白佛言。當何名是經。我及眾生云何。

即率乎極果則終
之正華畢矣結絲
絲雖屬正宗而後
助道分故于後別
乃正助之辨也

奉持。佛告文殊師利。是經名大佛頂悉怛多般
怛羅無上寶印。十方如來清淨海眼。亦名救護
親因。度脫阿難。及此會中性比丘尼。得菩提心。
入徧知海。亦名如來密因。修證了義。亦名大方
廣妙蓮華王。十方佛母陀羅尼呪。亦名灌頂章
句。諸菩薩萬行首楞嚴。汝當奉持。
說是語已。卽時阿難及諸大衆。得蒙如來開示
密印般怛羅義。兼聞此經了義名目。頓悟禪那。

此下為助道分自
此至即時如來將
羅法座以前別明
諸趣戒備失錯中
以後詳辨魔境避
防邪誤

修進聖位。增上妙理。心慮虛凝。斷除三界。修心
六品微細煩惱。卽從座起。頂禮佛足。合掌恭敬
而白佛言。大威德世尊。慈音無遮。善開衆生微
細沈惑。令我今日身心快然。得大饒益。世尊。若
此妙明真淨妙心。本來徧圓。如是乃至大地草
木。蠕動含靈。本元真如。卽是如來成佛真體。佛
體真實。云何復有地獄餓鬼畜生修羅人天等
道世尊。此道爲復本來自有。爲是衆生妄習生

起世尊。如寶蓮香比丘尼持菩薩戒。私行姪欲。妄言行姪。非殺非偷。無有業報。發是語已。先於女根生大猛火。後於節節猛火燒然。墮無間獄。琉璃大王善星比丘。琉璃爲誅瞿曇族姓。善星妄說一切法空。生身陷入阿鼻地獄。此諸地獄。爲有定處。爲復自然。彼彼發業。各各私受。惟垂大慈。開發童蒙。令諸一切持戒衆生。聞決定義。

歡喜 頂戴 謹潔 無犯

衆生由情續生故
稱有情而愛為情
感之本故稱分內
內分屬妄情情為
愛圓下而不揚

佛告阿難。快哉此問。令諸衆生不入邪見。汝今
諦聽。當爲汝說。阿難。一切衆生。實本真淨。因彼
妄見。有妄習生。因此分開。內分外分。阿難。內分
卽是衆生分內。因諸愛染。發起妄情。情積不休。
能生愛水。是故衆生。心憶珍羞。口中水出。心憶
前人。或憐或恨。目中淚盈。貪求財寶。心發愛涎。
舉體光潤。心著行姪。男女二根。自然流液。阿難。
諸愛雖別。流結是同。潤濕不升。自然從墜。此名

人天想心名為外
分非出世三乘之
智也
外分屬妄想想經
情用上而不法

內分。

阿難。外分。卽是衆生分。外。因諸渴仰。發明虛想。
想積不休。能生勝氣。是故衆生心持禁戒。舉身
輕清。心持呪印。顧盼雄毅。心欲生天。夢想飛舉。
心存佛國。聖境冥現。事善知識。自輕身命。阿難。
諸想雖別。輕舉是同。飛動不沈。自然超越。此名
外分。

阿難。一切世間生死相續。生從順習。死從變流。

福慧之想則能見

并
慧情之想則能飛

持戒護法出世淨
想則能親往如來
座下

臨命終時。未捨煖觸。一生善惡。俱時頓現。死逆
生順。二習相交。純想卽飛。必生天上。若飛心中。
兼福兼慧。及與淨願。自然心開。見十方佛。一切
淨土。隨願往生。情少想多。輕舉非遠。卽爲飛仙。
大力鬼王。飛行夜叉。地行羅刹。遊於四天。所去
無礙。其中若有善願善心。護持我法。或護禁戒。
隨持戒人。或護神呪。隨持呪者。或護禪定。保綏
法忍。是等親住如來座下。情想均等。不飛不墜。

生於人間。想明斯聰。情幽斯鈍。情多想少。流入
橫生。重爲毛羣。輕爲羽族。七情三想。沈下水輪。
生於火際。受氣猛火。身爲餓鬼。常被焚燒。水能
害已。無食無飲。經百千劫。九情一想。下洞火輪。
身入風火二交。過地。輕生有間。重生無間。二種
地獄。純情卽沈入阿鼻獄。若沈。心中有謗大乘。
毀佛禁戒。誑妄說法。虛貪信施。濫膺恭敬。五逆
十重。更生十方阿鼻地獄。循造惡業。雖則自招。

習謂歷劫習氣乃
衆生之妄業有情
有想

夫氣有出入有吸
無呼如人知貪而
不知予者吸則易
送寒相

衆同分中兼有元地阿難此等皆是彼諸衆生
自業所感造十習因受六交報。

云何十因阿難一者姪習交接發於相磨研磨
不休如是故有大猛火光於中發動如人以手
自相摩觸煖相現前二習相然故有鐵牀銅柱
諸事是故十方一切如來色目行姪同名欲火
菩薩見欲如避火坑二者貪習交計發於相吸
吸攬不止如是故有積寒堅冰於中凍冽如人

不平則不流馳流
不息故積而成波
不平甚矣故我慢
皆似之

以口吸縮風氣有冷觸生二習相陵故有吒吒
波波羅羅青赤白蓮寒冰等事是故十方一切
如來色目多求同名貪水菩薩見貪如避瘴海
三者慢習交陵發於相恃馳流不息如是故有
騰逸奔波積波爲水如人口舌自相綿味因而
水發二習相鼓故有血河灰河熱沙毒海融銅
灌吞諸事是故十方一切如來色目我慢名飲
癡水菩薩見慢如避巨溺四者瞋習交衝發於

相忤。忤結不息。心熱發火。鑄氣爲金。如是故有
刀山鐵橛。劔樹劔輪。斧鉞鎗鋸。如人銜冤殺氣。
飛動。二習相擊。故有官割斬斫。剉刺槌擊諸事。
是故十方一切如來。色目瞋恚。名利刀劔。菩薩
見瞋。如避誅戮。五者詐習交誘。發於相調。引起
不住。如是故有繩木絞校。如水浸田。草木生長。
二習相延。故有杻械枷鎖。鞭杖撻棒諸事。是故
十方一切如來。色目姦僞。同名讒賊。菩薩見詐。

如畏豺狼。六者誑習交欺。發於相罔。誣妄不止。
飛心造姦。如是故有塵土屎尿。穢汙不淨。如塵。
隨風各無所見。二習相加。故有沒溺騰擲。飛墜。
漂淪諸事。是故十方一切如來。色目欺誑。同名。
劫殺菩薩。見誑。如踐蛇虺。七者怨習交嫌。發於。
銜恨。如是故有飛石投礮。匣貯車檻。甕盛囊撲。
如陰毒人。懷抱畜惡。二習相吞。故有投擲擒捉。
擊射拋撮諸事。是故十方一切如來。色目怨家。

名違害鬼。菩薩見怨。如飲鴆酒。八者見習交明。如薩迦耶。見戒禁取邪悟諸業。發於違拒。出生相反。如是故有王使主吏證執文籍。如行路人來往相見。二習相交。故有勘問權詐。考訊推鞫。察訪披究。照明善惡。童子手執文簿。辭辯諸事。是故十方一切如來。色目惡見同名見坑。菩薩見諸虛妄。徧執如入毒壑。九者枉習交加。發於誣謗。如是故有合山合石。碾磴耕磨。如讒賊人。

逼枉良善。二習相排。故有押捺搥按。蹙漉衡度。
諸事。是故十方一切如來。色目怨謗。同名讒虎。
菩薩見枉。如遭霹靂。十者訟習交誼。發於藏覆。
如是故有鑒見照燭。如於日中。不能藏影。二習
相陳。故有惡友業鏡火珠。披露宿業對驗諸事。
是故十方一切如來。色目覆藏。同名陰賊。菩薩
觀覆如戴高山。履於巨海。
云何六報阿難。一切衆生。六識造業。所招惡報。

六根所造由于因
中互相緣助故感
果時亦于六根中
交相受報

從六根出。云何惡報從六根出。一者見報招引
惡果。此見業交。則臨終時先見猛火。滿十方界
亡者神識飛墜。乘煙入無間獄。發明二相。一者
明見。則能徧見種種惡物。生無量畏。二者暗見
寂然不見。生無量恐。如是見火。燒聽。能爲鑊湯
洋銅。燒息。能爲黑煙紫焰。燒味。能爲焦丸鐵糜。
燒觸。能爲熱灰鑪炭。燒心。能生星火迸灑。煽鼓
空界。二者聞報招引惡果。此聞業交。則臨終時

一切物理皆因五
行乘陰陽以變化
故隨根轉變之非
因之

先見波濤沒溺天地亡者神識降注乘流入無
間獄發明二相一者開聽聽種種鬧精神愁亂
二者閉聽寂無所聞幽魄沈沒如是聞波注聞
則能爲責爲詰注見則能爲雷爲吼爲惡毒氣
注息則能爲雨爲霧灑諸毒蟲周滿身體注味
則能爲膿爲血種種雜穢注觸則能爲畜爲鬼
爲糞爲尿注意則能爲電爲雹摧碎心魄三者
艱報招引惡果此艱業交則臨終時先見毒氣

充塞遠近。亡者神識從地踊出。入無間獄。發明
二相。一者通聞。被諸惡氣熏極心擾。二者塞聞。
氣掩不通。悶絕於地。如是麁氣衝息。則能爲質。
爲履。衝見。則能爲火。爲炬。衝聽。則能爲沒。爲溺。
爲洋。爲沸。衝味。則能爲餒。爲爽。衝觸。則能爲綻。
爲爛。爲大肉山。有百千眼。無量呷食。衝思。則能
爲灰。爲瘴。爲飛砂。礮擊碎身體。四者味報招引
惡果。此味業交。則臨終時。先見鐵網。猛燄熾烈。

周覆世界。亡者神識。下透掛網。倒懸其頭。入無
間獄。發明二相。一者吸氣。結成寒冰。凍裂身肉。
二者吐氣。飛爲猛火。焦爛骨髓。如是嘗味。歷嘗
則能爲承。爲忍。歷見則能爲然。金石。歷聽則能
爲利。兵刃。歷息則能爲大鐵籠。彌覆國土。歷觸
則能爲弓。爲箭。爲弩。爲射。歷思則能爲飛。熱鐵。
從空雨下。五者觸報。招引惡果。此觸業交。則臨
終時。先見大山。四面來合。無復出路。亡者神識。

見大鐵城。火蛇。火狗。虎狼。師子。牛頭。獄卒。馬頭。
羅刹。手執鎗。稍驅入城門。向無間獄。發明二相。
一者合觸。合山逼體。骨肉血潰。二者離觸。刀劍
觸身。心肝屠裂。如是合觸。歷觸。則能爲道。爲觀。
爲廳。爲案。歷見。則能爲燒。爲蕪。歷聽。則能爲撞。
爲擊。爲刺。爲射。歷息。則能爲括。爲袋。爲考。爲縛。
歷嘗。則能爲耕。爲鉗。爲斬。爲截。歷思。則能爲墜。
爲飛。爲煎。爲火。六者思報。招引惡果。此思業交。

以此六根菩薩以
證圓通衆生以受
業報正如垂手顛
倒首尾旋換耳

則臨終時先見惡風吹壞國土亡者神識被吹
上空旋落乘風墮無間獄發明二相一者不覺
迷極則荒奔走不息二者不迷覺知則苦無量
煎燒痛深難忍如是邪思結思則能爲方爲所
結見則能爲鑒爲證結聽則能爲大合石爲冰
爲霜爲土爲霧結息則能爲大火車火船火檻
結嘗則能爲大叫喚爲悔爲泣結觸則能爲大
爲小爲一日中萬生萬死爲偃爲仰阿難是名

十因俱起為圓造
由地而起為兼境
由身而起為兼根

地獄十因六果。皆是衆生迷妄所造。若諸衆生
惡業同造。入阿鼻獄。受無量苦。經無量劫。六根
各造。及彼所作。兼境兼根。是人則入八無間獄。
身口意三。作殺盜姪。是人則入十八地獄。三業
不兼中間。或為一殺一盜。是人則入三十六地
獄。見見一根。單犯一業。是人則入一百八地獄。
由是衆生別作別造。於世界中。入同分地。妄想
發生。非本來有。

復次阿難。是諸衆生。非破律儀。犯菩薩戒。毀佛
涅槃。諸餘雜業。歷劫燒然。後還罪畢。受諸鬼形。
若於本因。貪物爲罪。是人罪畢。遇物成形。名爲
恠鬼。貪色爲罪。是人罪畢。遇風成形。名爲魃鬼。
貪惑爲罪。是人罪畢。遇畜成形。名爲魅鬼。貪恨
爲罪。是人罪畢。遇蟲成形。名爲蟲毒鬼。貪憶爲罪。
是人罪畢。遇衰成形。名爲厲鬼。貪傲爲罪。是人
罪畢。遇氣成形。名爲餓鬼。貪罔爲罪。是人罪畢。

遇幽爲形。名爲餒鬼。貪明爲罪。是人罪畢。遇精爲形。名魍魎鬼。貪成爲罪。是人罪畢。遇明爲形。名役使鬼。貪黨爲罪。是人罪畢。遇人爲形。名傳送鬼。阿難是人。皆以純情墜落。業火燒乾。上出爲鬼。此等皆是自妄想業之所招引。若悟菩提。則妙圓明本無所有。

復次阿難。鬼業旣盡。則情與想二俱成空。方於世間與元負人。怨對相值。身爲畜生。酬其宿債。

物怪之鬼。物消報盡。生於世間。多於梟類。風魃
之鬼。風消報盡。生於世間。多爲咎徵。一切異類。
畜魅之鬼。畜死報盡。生於世間。多爲狐類。蟲蠱
之鬼。蠱滅報盡。生於世間。多爲毒類。衰厲之鬼。
衰窮報盡。生於世間。多爲蛔類。受氣之鬼。氣銷
報盡。生於世間。多爲食類。綿幽之鬼。幽銷報盡。
生於世間。多爲服類。和精之鬼。和銷報盡。生於
世間。多爲應類。明靈之鬼。明滅報盡。生於世間。

多爲休徵。一切諸類。依人之鬼。人亡報盡。生於
世間。多爲循類。阿難。是等皆以業火乾枯。酬其
宿債。傍爲畜生。此等亦皆自虛妄業之所招引。
若悟菩提。則此妄緣本無所有。如汝所言寶蓮
香等。及琉璃王善星比丘。如是惡業。本自發明。
非從天降。亦非地出。亦非人與。自妄所招。還自
來受。菩提心中。皆爲浮虛妄想凝結。
復次阿難。從是畜生。酬償先債。若彼酬者。分越

所酬此等衆生還復爲人反徵其剩如彼有力
兼有福德則於人中不捨人身酬還彼力若無
福者還爲畜生償彼餘直阿難當知若用錢物
或役其力償足自停如於中間殺彼身命或食
其肉如是乃至經微塵劫相食相誅猶如轉輪
互爲高下無有休息除奢摩他及佛出世不可
停寢汝今應知彼梟倫者酬足復形生人道中
參合頑類彼咎徵者酬足復形生人道中參合

愚類。彼狐倫者。酬足復形。生人道中。叅於很類。
彼毒倫者。酬足復形。生人道中。叅合庸類。彼蝨
倫者。酬足復形。生人道中。叅合微類。彼食倫者。
酬足復形。生人道中。叅合柔類。彼服倫者。酬足
復形。生人道中。叅合勞類。彼應倫者。酬足復形。
生人道中。叅於文類。彼休徵者。酬足復形。生人
道中。叅合明類。彼諸循倫。酬足復形。生人道中。
叅於達類。阿難。是等皆以宿債畢酬。復形人道。

絕世離俗態
純真
冲是為別信

皆無始來業計顛倒。相生相殺。不遇如來。不聞
正法。於塵勞中。法爾輪轉。此輩名為可憐愍者。
阿難。復有從人不依正覺。修三摩地。別修妄念。
存想固形。遊於山林。人不及處。有十種仙。阿難。
彼諸衆生。堅固服餌。而不休息。食道圓成。名地
行仙。堅固草木。而不休息。藥道圓成。名飛行仙。
堅固金石。而不休息。化道圓成。名遊行仙。堅固
動止。而不休息。氣精圓成。名空行仙。堅固津液。

津液內潤。鍊約枯
潔昇名。天行。吸取
精粹。引生光色。是
各通結。

明鍊精思。念心獨
照。曰照結。

坎離水火。自相交
遊。此修煉之士也。

而不休息。潤德圓成。名天行仙。堅固精色。而不
休息。吸粹圓成。名通行仙。堅固呪禁。而不休息。
術法圓成。名道行仙。堅固思念。而不休息。思憶
圓成。名照行仙。堅固交遊。而不休息。感應圓成。
名精行仙。堅固變化。而不休息。覺悟圓成。名絕
行仙。阿難是等。皆於人中鍊心。不修正覺。別得
生理。壽千萬歲。休止深山。或大海島。絕於人境。
斯亦輪迴妄想流轉。不修三昧。報盡還來。散入

愛欲為輪迴根本
前明論墜七品于
此

其明超勝亦於于
此意使易心未定
成就禪定知慧日
疾斷根本則輪迴
可出也

初利既謂三十三
天帝釋統之

諸趣。

阿難。諸世間人。不求常住。未能捨諸妻妾恩愛。
於邪淫中。心不流逸。澄瑩生明。命終之後。鄰於
日月。如是一類。名四天王天。於已妻房。淫愛微
薄。於淨居時。不得全味。命終之後。超日月明。居
人間頂。如是一類。名忉利天。逢欲暫交。去無思
憶。於人間世。動少靜多。命終之後。於虛空中。朗
然安住。日月光明。上照不及。是諸人等。自有光

兼修禪定。兼住細
也。住。所謂究奉天業

前雖無心。猶應境
事。此既超越。故暫
同世間。

明如是一類。名須燄摩天。一切時靜。應觸來
未能違戾。命終之後。上升精微。不接下界。諸人
天境。乃至劫壞。三災不及。如是一類。名兜率陀
天。我無欲心。應汝行事。於橫陳時。味如嚼蠟。命
終之後。生越化地。如是一類。名樂變化天。無世
間心。同世行事。於行事交。了然超越。命終之後。
徧能出超。化無化境。如是一類。名他化自在天。
阿難。如是六天。形雖出動。心迹尚交。自此已還。

名爲欲界。

大佛頂如來密因修證了義諸菩薩萬行首楞

嚴經卷第八

終

國立中央圖書館, NATIONAL CENTRAL LIBRARY, TAIWAN, R.O.C.

爲八卷音義

胤 音孕

啖 音淡

複 音福

綬 音雖

忤 音候

槌 音樵

稠 音細

鉞 音月

剉 音挫

鎿 音榮

礮 音轉

磴 音該

豺 音柴

虺 音毀

槌 音支

礮 音歷

攏 音鹿

煽 音扇

恣 音茂

呬 音雜

稍 音躬

剗 音制

魁 音跋

魁 音周

魍 音雨

切 音刀

醜 音艷

魘 音演

易學文選 卷八 音義

杉
眉
糸



國立中央圖書館, NATIONAL CENTRAL LIBRARY, TAIWAN, R.O.C.



前明六天雖出塵
援而未離欲界
通名欲界此下明
十八天雖離欲界
尚有色質故通名
色界又通名梵世
為已離欲界也通
號四禪為已離欲
動也

梵衆諸天之類
梵輔臣佐之屬

大佛頂如來密因修證了義諸菩薩萬行首楞嚴經卷第九

阿難一切世間所修心人不假禪那無有智慧
但能執身不行婬欲若行若坐想念俱無愛染
不生無留欲界是人應念身為梵侶如是一類
名梵衆天欲習既除離欲心現於諸律儀愛樂
隨順是人應時能行梵德如是一類名梵輔天
身心妙圓威儀不缺清淨禁戒加以明悟是人

大梵依住忍辱溫
良是也

前初得定未能生
光此則弊湛故名
少光

教以言音為依故
曰光音

應時能統梵眾為大梵王如是一類名大梵天
阿難此三勝流一切苦惱所不能逼雖非正修
真三摩地清淨心中諸漏不動名為初禪阿難
其次梵天統攝梵人圓滿梵行澄心不動寂湛
生光如是一類名少光天光光相然照耀無盡
映十方界徧成琉璃如是一類名無量光天吸
持圓光成就教體發化清淨應用無盡如是一
類名光音天阿難此三勝流一切憂懸所不能

最成精行入寐成
樂不事言者故曰
少淨

淨境無量身心二
行俱得輕安故名
無量
身境俱圓勝託現
前故名徧淨

通雖非正修。真三摩地。清淨心中。麤漏已伏。名
爲二禪。阿難。如是天人。圓光成音。披音露妙。發
成精行。通寂滅樂。如是一類。名少淨天。淨空現
前。引發無際。身心輕安。成就滅樂。如是一類。名
無量淨天。世界身心。一切圓淨。淨德成就。勝託
現前。歸寂滅樂。如是一類。名徧淨天。阿難。此三
勝流。具大隨順。身心安隱。得無量樂。雖非正得
真三摩地。安隱心中。歡喜畢具。名爲三禪。阿難。

前之禪行止于自利未能利他至四禪乃兼修慈悲喜捨利他之心

前天捨有憊眼未能員融今所捨既庶心無所耗故勝解清淨

廣果無想但是三禪取果之處福愛同分所居名二岐路俱以淨光為因廣果取有故福德圓明無想取空故灰凝心慮

復次天人。不遍身心。苦因已盡。樂非常住。久必壞生。苦樂二心俱時頓捨。麤重相滅。淨福性生。如是一類。名福生天。捨心圓融。勝解清淨。福無遮中。得妙隨順。窮未來際。如是一類。名福愛天。阿難。從是天中。有二岐路。若於先心。無量淨光。福德圓明。修證而住。如是一類。名廣果天。若於先心。雙厭苦樂。精研捨心。相續不斷。圓窮捨道。身心俱滅。心慮灰凝。經五百劫。是人既以生滅。

初半劫者謂生此
天中猶經半劫
得無想

厭若云阿那含名
為不來即此天故

苦樂相傾曰以心
關今既兩滅故云
不交

謂心境得清涼義

為因不能發明不生滅性。初半劫滅。後半劫生。
如是一類名無想天。阿難。此四勝流。一切世間。
諸苦樂境所不能動。雖非無為。真不動地。有所
得心。功用純熟。名為四禪。阿難。此中復有五不
還天。於下界中。九品習氣俱時滅盡。苦樂雙亡。
下無卜居。故於捨心衆同分中。安立居處。阿難。
苦樂兩滅。鬪心不交。如是一類名無煩天。機括
獨行。研交無地。如是一類名無熱天。十方世界

圓澄塵象法眼清
明故曰善見

陶鑄者造作之義
由機發自歷故曰
善現

機枯死終無渡流
動色性窮極與空
為鄰入無邊際故
曰究竟

即此淨居經論多
說是如來成正覺
處

妙見圓澄更無塵象一切沈垢如是一類名善
見天精見現前陶鑄無礙如是一類名善現天
究竟羣幾窮色性性入無邊際如是一類名色
究竟天阿難此不還天彼諸四位天王獨有欽
聞不能知見如今世間曠野深山聖道場地皆
阿羅漢所住持故世間麤人所不能見阿難是
十八天獨行無交未盡形累自此已還名爲色
界。

此與色界天無業
果色有定果色與
方所與色落也

空天唯命意捨三
根以無身處

以滅色故無得留
識故無滅全末那
者猶有執取分別
念慮故

識性寂然見無微
動便以為滅是以

滅研考也

復次阿難。從是有頂色邊際中。其間復有二種
岐路。若於捨心發明智慧。慧光圓通。便出塵界。
成阿羅漢。入菩薩乘。如是一類。名為迴心大阿
羅漢。若在捨心捨厭成就。覺身為礙。銷礙入空。
如是一類。名為空處。諸礙既銷。無礙無滅。其中
唯留阿賴耶識。全於末那半分微細。如是一類。
名為識處。空色既亡。識心都滅。十方寂然。迥無
攸往。如是一類。名無所有處。識性不動。以滅窮

識性寂然有似于
滅故曰若存而實
非滅故曰若盡

四空既是凡聖通
修故從不還天窮
者屬聖流從無想
者屬外道外道窮
空有無想始也

研於無盡中發宣盡性如存不存若盡非盡如
是一類名爲非想非非想處此等窮空不盡空
理從不還天聖道窮者如是一類名不迴心鈍
阿羅漢若從無想諸外道天窮空不歸迷漏無
聞便入轉輪阿難是諸天上各各天人則是凡
夫業果酬答答盡入輪彼之天王卽是菩薩遊
三摩提漸次增進迴向聖倫所修行路阿難是
四空天身心滅盡定性現前無業果色從此逮

定果色定有在兩
生色。謂由勝定。於
于一切色。皆得有
在。即以定。起五
塵境也。數取趣者
謂取

修羅既為四趣
所相應。則別起
同分之處。

終名無色界。此皆不了妙覺明心。積妄發生。妄
有。三界中間。妄隨七趣。沈溺補特伽羅。各從其
類。

復次阿難。是三界中。復有四種阿修羅類。若於
鬼道。以護法力。乘通入空。此阿修羅從卵而生。
鬼趣所攝。若於天中。降德貶墜。其所卜居。鄰於
日月。此阿修羅從胎而出。人趣所攝。有修羅王
執持世界。力洞無畏。能與梵王。及天帝釋。四天

總名七趣皆是昏
沈諸有為相不識
本心故欲証菩提
在除三惑

業感由盜殺婬三
為根本有是三業

爭權此阿修羅因變化有天趣所攝阿難別有
一分下劣修羅生大海心沈水穴口且遊虛空
暮歸水宿此阿修羅因濕氣有畜生趣攝
阿難如是地獄餓鬼畜生人及神僊天洎修羅
精研七趣皆是昏沈諸有為相妄想受生妄想
隨業於妙圓明無作本心皆如空華元無所著
但一虛妄更無根緒阿難此等衆生不識本心
受此輪迴經無量劫不得真淨皆由隨順殺盜

則為鬼倫。無是三業。則名天趣。

輪迴者。鬼趣業盡。或備善而升天趣。報衰或轉惡而墮。是也。

詳辨魔境深防。耶誤。

姪故。反此三種。又則出生無殺盜姪。有名鬼倫。無名天趣。有無相傾。起輪迴性。若得妙發三摩提者。則妙常寂。有無二無。無二亦滅。尚無不殺不偷不姪。云何更隨殺盜姪事。阿難。不斷三業。各各有私。因各各私。眾私同分。非無定處。自妄發生。生妄無因。無可尋究。汝勗修行。欲得菩提。要除三惑。不盡三惑。縱得神通。皆是世間有為功用。習氣不滅。落於魔道。雖欲除妄。倍加虛偽。

此為辨魔分五陰
後證禪那為體

如來說爲可哀憐者。汝妄自造。非菩提咎。作是說者。名爲正說。若他說者。卽魔王說。

卽時如來將罷法座。於師子床。攬七寶几。迴紫金山。再來凭倚。普告大衆。及阿難言。汝等有學緣覺聲聞。今日迴心。趣大菩提。無上妙覺。我今已說真修行法。汝猶未識。修奢摩他。毗婆舍那。微細魔事。魔境現前。汝不能識。洗心非正。落於邪見。或汝陰魔。或復天魔。或著鬼神。或遭魑魅。

圓覺真休牛佛與
珠由達真理隨迷
轉化故有漏世界
皆迷頑者之不安
此非無漏聖人有
此相也

心中不明。認賊爲子。又復於中。得少爲足。如第
四禪。無聞比丘。妄言證聖。天報已畢。衰相現前。
謗阿羅漢。身遭後有墮阿鼻獄。汝應諦聽。吾今
爲汝。子細分別。阿難起立。并其會中。同有學者。
歡喜頂禮。伏聽慈誨。

佛告阿難。及諸大衆。汝等當知。有漏世界。十二
類生。本覺妙明。覺圓心體。與十方佛。無二無別。
由汝妄想。迷理爲咎。癡愛發生。生發徧迷。故有

空性化迷不息。有世界生。則此十方微塵國土。

非無漏者。皆是迷頑妄想。安立當知虛空生。汝。

心內猶如片雲點太清。裏況諸世界在虛空耶。

汝等一人發真歸元。此十方空皆悉銷殞。云何。

空中所有國土而不振裂。汝輩修禪飾三摩地。

十方菩薩及諸無漏大阿羅漢。心精通溜當處。

湛然一切魔王及與鬼神諸凡夫。天見其宮殿。

無故崩裂。大地振坼。水陸飛騰。無不驚懼。凡夫。

心精通溜為寶鏡
同融見聞不隔凡
夫昏迷故不覺遷

正定勝邪即勝
正是成就破亂皆
由心中五陰主人

昏暗不覺遷訛。彼等咸得五種神通。唯除漏盡。
戀此塵勞。如何令汝摧裂其處。是故鬼神及諸
天魔。魍魎妖精。於三昧時。僉來惱汝。然彼諸魔。
雖有大怒。彼塵勞內。汝妙覺中。如風吹光。如刀
斷水。了不相觸。汝如沸湯。彼如堅冰。煖氣漸鄰。
不日銷殞。徒恃神力。但爲其客。成就破亂。由汝
心中五陰主人。主人若迷。客得其便。當處禪那。
覺悟無惑。則彼魔事。無奈汝何。陰銷入明。則彼

深防也
琴魔登伽者欲其

排色因十魔

羣邪咸受幽氣。明能破暗。近自銷殞。如何敢留。
擾亂禪定。若不明悟。被陰所迷。則汝阿難。必爲
魔子。成就魔人。如摩登伽。殊爲眇劣。彼唯呪汝。
破佛律儀。八萬行中。祇毀一戒。心清淨故。尚未
淪溺。此乃墮汝寶覺全身。如宰臣家。忽逢籍沒。
宛轉零落。無可哀救。

阿難。當知汝坐道場。銷落諸念。其念若盡。則諸
離念。一切精明。動靜不移。憶忘如一。當住此處。

陰以覆庇為義故
名區宇處于幽暗
色陰未破之相也

于魔皆依境起身
能出礙由觀照力
故使精明心與四
大身兩不相涉故
能出碍

入三摩地如明目人處大幽暗精性妙淨心未
發光此則名為色陰區宇若目明朗十方洞開
無復幽黯名色陰盡是人則能超越劫濁觀其
所由堅固妄想以為其本

阿難當在此中精研妙明四大不織少選之間
身能出礙此名精明流溢前境斯但功用暫得
如是非為聖證不作聖心名善境界若作聖解
即受羣邪

前境指兩回也形
體而精明心內徹
于身故燒烟可拾

精魄離合故前流
遠通徹之力故精
神四大連相涉入
也

阿難復以此心精研妙明其身內徹是人忽然
於其身內拾出燒烟身相宛然亦無傷毀此名
精明流溢形體斯但精行暫得如是非爲聖證
不作聖心名善境界若作聖解卽受羣邪
又以此心內外精研其時冤鬼意志精神除執
受身餘皆涉入互爲賓主忽於空中聞說法聲
或聞十方同敷密義此名精魄遞相離合成就
善種暫得如是非爲聖證不作聖心名善境界

由前四大速為賓
主染此冥悟故且
千億佛俱時出現

若作聖解。卽受羣邪。

又以此心澄露皎徹。內光發明。十方徧作閻浮
檀色。一切種類。化為如來。於時忽見毗盧遮那。
踞天光臺。千佛圍繞。百億國土。及與蓮華。俱時
出現。此名心竟靈悟。所染心光。研明照諸世界。
暫得如是。非為聖證。不作聖心。名善境界。若作
聖解。卽受羣邪。

又以此心精研妙明。觀察不停。抑按降伏。制止

觀察過越精明過
徹故十方虛空重
重現色

究心澄徹精光不
亂故暗能見物不
除滅者皆實境也

超越於時忽然十方虛空成七寶色或百寶色
同時徧滿不相留礙青黃赤白各各純現此名
抑按功力逾分暫得如是非爲聖證不作聖心
名善境界若作聖解卽受羣邪

又以此心研究澄徹精光不亂忽於夜半在暗
室內見種種物不殊白晝而暗室物亦不除滅
此名心細密澄其見所視洞幽暫得如是非爲
聖證不作聖心名善境界若作聖解卽受羣邪

由排擯力故四休
虛融故刀火無損
所謂入火不焦入
水不溺者

畧想日深淨心功
極故見十方皆成
佛土

又以此心圓入虛融。四體忽然同於草木。火燒
刀斫。曾無所覺。又則火光不能燒。縱割其肉。
猶如削木。此名塵併排四大性。一向入純。暫得
如是。非爲聖證。不作聖心。名善境界。若作聖解。
則受羣邪。

又以此心成就清淨。淨心功極。忽見大地十方
山河。皆成佛國。具足七寶。光明徧滿。又見恒沙
諸佛如來。徧滿空界。樓殿華麗。下見地獄。上觀

上皆未離色陰徒
因定力而能出碍
若色陰盡則十方
洞開無復出碍六
道任無為山壁
矣

由觀照力功用深
遠洵心飛出故多
聞耳

前九但明定力獨
此言魔事者定力
未成不能動魔

天宮得無障礙。此名欣厭。凝想日深。想久化成。
非為聖證。不作聖心。名善境界。若作聖解。即受
羣邪。

又以此心研究深遠。忽於中夜。遙見遠方市井
街巷。親族眷屬。或聞其語。此名迫心逼極。飛出
故多。隔見非為聖證。不作聖心。名善境界。若作

聖解。即受羣邪。

又以此心研究精極。見善知識。形體變移。少選

捨色陰十魔當辨

五陰各為十魔
種子所依皆觀行
心所發

無端種種遷改。此名邪心。含受魑魅。或遭天魔。入其心腹。無端說法。通達妙義。非為聖證。不作聖心。魔事銷歇。若作聖解。即受羣邪。

阿難。如是十種禪那現境。皆是色陰用心交互。故現斯事。衆生頑迷。不自忖量。逢此因緣。迷不自識。謂言登聖。大妄語成。墮無間獄。汝等當依如來滅後。於末法中。宣示斯義。無令天魔得其方便。保持覆護。成無上道。

此處陰相

受有邪正正受屬
此邪受屬魔故以
其正受則當淪墜

阿難。彼善男子。修三摩提。奢摩他中。色陰盡者。見諸佛心。如明鏡中。顯現其像。若有所得而未能用。猶如魔人。手足宛然。見聞不惑。心觸客邪。而不能動。此則名爲受陰區宇。若魔咎歇。其心離身。返觀其面。去住自由。無復留礙。名受陰盡。是人則能超越。見濁觀其所由。虛明妄想以爲其本。

阿難。彼善男子。當在此中。得大光耀。其心發明。

此亦魔事之內
大光耀者即正受

之心明白之境也

由前色陰皆依境

起此獨依心故心

悲含愛

勇猛精勤生于功
用陵率

內抑過分忽於其處發無窮悲如是乃至觀見
蚊蟲猶如赤子心生憐愍不覺流淚此名功用
抑摧過越悟則無咎非爲聖證覺了不迷久自
銷歇若作聖解則有悲魔入其心腑見人則悲
啼泣無恨失於正受當從淪墜

阿難又彼定中諸善男子見色陰銷受陰明白
勝相現前感激過分忽於其中生無限勇其心
猛利志齊諸佛謂三僧祇一念能越此名功用

習力衰微。生于惡。
慧自失。

陵率。過越。悟則無咎。非爲聖證。覺了不迷。久自
銷歇。若作聖解。則有狂魔。入其心腑。見人則誇
我慢無比。其心乃至上不見佛。下不見人。失於
正受。當從淪墜。

又彼定中。諸善男子。見色陰銷。受陰明白。前無
新證。歸失故居。智力衰微。入中墮地。迴無所見。
心中忽然生大枯渴。於一切時。沈憶不散。將此
以爲勤精進相。此名修心無慧自失。悟則無咎。

徒慮之心生于七
失恒審

非爲聖證。若作聖解。則有憶魔。入其心腑。旦夕撮心。懸在一處。失於正受。當從淪墜。

又彼定中。諸善男子。見色陰銷。受陰明白。慧力過定。失於猛利。以諸勝性。懷於心中。自心已疑。是盧舍那。得少爲足。此名用心。忘失恒審。溺於知見。悟則無咎。非爲聖證。若作聖解。則有下劣。易知足。魔入其心腑。見人自言。我得無上第一義諦。失於正受。當從淪墜。

憂懸之心生于失
其方便

又彼定中。諸善男子。見色陰銷。受陰明白。新證
未獲。故心已亡。歷覽二際。自生艱險。於心忽然
生無盡憂。如坐鐵牀。如飲毒藥。心不欲活。常求
於人。令害其命。早取解脫。此名修行。失於方便。
悟則無咎。非爲聖證。若作聖解。則有一分常憂。
愁魔入其心腑。手執刀劍。自割其肉。欣其捨壽。
或常憂愁。走入山林。不耐見人。夫於正受。當從
淪墜。

無慧自持生輕良
喜

又彼定中。諸善男子。見色陰銷。受陰明白。處清
淨中。心安隱後。忽然自有無限喜生。心中歡悅。
不能自止。此名輕安。無慧自禁。悟則無咎。非爲
聖證。若作聖解。則有一分好喜樂。魔入其心。臍
見人則笑。於衢路傍。自歌自舞。自謂已得無礙
解脫。失於正受。當從淪墜。

又彼定中。諸善男子。見色陰銷。受陰明白。自謂
已足。忽有無端大我慢起。如是乃至慢與過慢。

以見勝無慧生大
我慢

及慢過慢。或增上慢。或卑劣慢。一時俱發。心中
尚輕。十方如來。何況下位。聲聞緣覺。此名見勝。
無慧自救。悟則無咎。非爲聖證。若作聖解。則有
一分大我慢。魔入其心。腑不禮塔廟。摧毀經像。
謂檀越言。此是金銅。或是土木。經是樹葉。或是
氎華。肉身真常。不自恭敬。却崇土木。實爲顛倒。
其深信者。從其毀碎。埋棄地中。疑誤衆生。入無
間獄。失於正受。當從淪墜。

以因慧輕清生于
輕安

以空此現前機趣
因果

又彼定中諸善男子見色陰銷受陰明白於精
明中玄悟精理得大隨順其心忽生無量輕安
已言成聖得大自在此名因慧獲諸輕清悟則
無咎非爲聖證若作聖解則有一分好輕清魔
入其心腑自謂滿足更不求進此等多作無聞
比丘疑悞衆生墮阿鼻獄失於正受當從淪墜
又彼定中諸善男子見色陰銷受陰明白於明
悟中得虛明性其中忽然歸向未滅撥無因果

一向入空空心現前乃至心生長斷滅解悟則
無咎。非爲聖證。若作聖解。則有空魔入其心腑。
乃謗持戒。名爲小乘。菩薩悟空。有何持犯。其人
常於信心檀越。飲酒噉肉。廣行姪穢。因魔力故。
攝其前人。不生疑謗。鬼心久入。或食屎尿。與酒
肉等。一種俱空。破佛律儀。誤入人罪。失於正受。
當從淪墜。

又彼定中。諸善男子。見色陰銷。受陰明白。味其

以愛善想現故有貪欲之事

受相有三諸境中
幾為悲哀衰微愛
懸者即苦違境也
發為勇猛大喜我
慢貪欲者順樂境
也幾為輕安空心
疑慮者中容境也

虛明。深入心骨。其心忽有無限愛生。愛極發狂。
便為貪欲。此名定境。安順入心。無慧自持。誤入。
諸欲。悟則無咎。非為聖證。若作聖解。則有欲魔。
入其心腑。一向說欲為菩提道。化諸白衣平等。
行欲。其行姪者。名持法子。神鬼力故。於末世中。
攝其凡愚。其數至百。如是乃至一百二百。或五。
六百。多滿千萬。魔心生厭離。其身體威德既無。
陷於王難。疑誤衆生。入無間獄。失於正受。當從。

淪墜。

阿難。如是十種禪。那現境。皆是受陰。用心交互。故現斯事。衆生頑迷。不自忖量。逢此因緣。迷不自識。謂言登聖。大妄語成。墮無間獄。汝等亦當將如來語。於我滅後。傳示末法。徧令衆生開悟。斯義無令天魔得其方便。保持覆護。成無上道。阿難。彼善男子。修三摩提。受陰盡者。雖未漏盡。心離其形。如鳥出籠。已能成就。後是凡身上歷。

如想酥酪能通有
碍故名融通妄想

菩○薩○六○十○聖○位○得○意○生○身○隨○往○無○礙○譬○如○有○人
熟○寐○寤○言○是○人○雖○則○無○別○所○知○其○言○已○成○音○韻
倫○次○令○不○寐○者○咸○悟○其○語○此○則○名○爲○想○陰○區○宇
若○動○念○盡○浮○想○銷○除○於○覺○明○心○如○去○塵○垢○一○倫
生○死○首○尾○圓○照○名○想○陰○盡○是○人○則○能○超○煩○惱○濁
觀○其○所○由○融○通○妄○想○以○爲○其○本
阿○難○彼○善○男○子○受○陰○虛○妙○不○遭○邪○慮○圓○定○發○明
三○摩○地○中○心○愛○圓○明○銳○其○精○思○貪○求○善○巧○爾○時

附人必附其可附
之人不修定習慧
者耳

天魔候得其便。飛精附人。口說經法。其人不覺。是其魔著。自言謂得無上涅槃。來彼求巧。善男子處。敷座說法。其形斯須。或作比丘。令彼人見。或爲帝釋。或爲婦女。或比丘尼。或寢暗室。身有光明。是人愚迷惑。爲菩薩。信其教化。搖蕩其心。破佛律儀。潛行食欲。口中好言。災祥變異。或言如來某處出世。或言劫火。或說刀兵。恐怖於人。令其家資無故耗散。此名怪鬼。年老成魔。惱亂

弟子即求巧之身
師即說法之師

愛遊即經歷之事
無礙指著魔之人

是人厭足心生。去彼人體。弟子與師俱陷王難。
汝當先覺。不入輪迴。迷惑不知。墮無間獄。
阿難。又善男子。受陰虛妙。不遭邪慮。圓定發明。
三摩地中。心愛遊蕩。飛其精思。貪求經歷。爾時
天魔候得其便。飛精附人口。說經法。其人亦不
覺知魔著。亦言自得無上涅槃。來彼求遊善男
子處。敷座說法。自形無變。其聽法者。忽自見身
坐寶蓮華。全體化成紫金光聚。一眾聽人各各

此十魔即前貪物
為罪性等十鬼也

如是得未曾有。是人愚迷惑為菩薩。姪逸其心。
破佛律儀。潛行貪欲。口中好言諸佛應世。某處
某人當是某佛化身來此。某人即是某菩薩等。
來化人間。其人見故心生傾渴。邪見密與種智
銷滅。此名魑鬼。年老成魔。惱亂是人。厭足心生。
去彼人體。弟子與師俱陷。王難汝當先覺。不入
輪迴。迷惑不知墮無間獄。

又善男子。受陰虛妙。不遭邪慮。圓定發明。三摩

縛清即冥合之事
潛冥契合皆妄想
而成

地中心愛綿溜澄其精思貪求契合爾時天魔
候得其便飛精附人口說經法其人實不覺知
魔著亦言自得無上涅槃來彼求合善男子處
敷座說法其形及彼聽法之人外無遷變令其
聽者未聞法前心自開悟念念移易或得宿命
或有他心或見地獄或知人間好惡諸事或口
說揭或自誦經各各歡娛得未曾有是人愚迷
或爲菩薩綿愛其心破佛律儀潛行貪欲口中

好言佛有大小。某佛先佛。某佛後佛。其中亦有
真佛假佛。男佛女佛。菩薩亦然。其人見故洗滌
本心。易入邪悟。此名魅鬼。年老成魔。惱亂是人。
厭足心生。去彼人體。弟子與師。俱陷王難。汝當
先覺。不入輪迴。迷惑不知。墮無間獄。

又善男子。受陰虛妙。不遭邪慮。圓定發明。三摩
地中。心愛根本。窮覽物化性之終始。精爽其心。
貪求辨析。爾時天魔。候得其便。飛精附人。口說

經法其人先不覺知魔著亦言自得無上涅槃
來彼求元善男子處敷座說法身有威神摧伏
求者令其座下雖未聞法自然心伏是諸人等
將佛涅槃菩提法身卽是現前我肉身上父父
子子。逝代相生卽是法身常住不絕都指現在
卽爲佛國無別淨居及金色相其人信受忘失
先心身命歸依得未曾有是等愚迷惑爲菩薩
推究其心破佛律儀潛行貪欲口中好言眼耳

物有本末事有終
始但入禪法非今
境界徒為魔擾圓
覺謂非彼所聞終
不可取此也

懸應即遠知之事
稱善知識此即懸
應也

鼻舌皆為淨土。男女二根。即是菩提涅槃真處。
彼無知者。信是穢言。此名蠱毒。魔勝惡鬼。年老
成魔。惱亂是人。厭足心生。去彼人體。弟子與師。
俱陷王難。汝當先覺。不入輪迴。迷惑不知。墮無
間獄。

又善男子。受陰虛妙。不遭邪慮。圓定發明。三摩
地中。心愛懸應。周流精研。貪求冥感。爾時天魔。
候得其便。飛精附人口。說經法。其人元不覺知。

魔著。亦言自得無上涅槃。來彼求應。善男子處。
敷座說法。能令聽衆暫見其身。如百千歲。心生
愛染。不能捨離。身爲奴僕。四事供養。不覺疲勞。
各各令其座下人心。知是先師本善知識。別生
法愛。黏如膠漆。得未曾有。是人愚迷惑爲菩薩。
親近其心。破佛律儀。潛行貪欲。口中好言我於
前世。於某生中。先度某人。當時是我妻妾兄弟。
今來相度。與汝相隨。歸某世界。供養某佛。或言

陰寧靜謐而深入
之功下者知本業
即深入之驗

別有大光明天。佛於中住。一切如來所休居地。
彼無知者。信是虛誑。遺失本心。此名厲鬼。年老
成魔。惱亂是人。厭足心生。去彼人體。弟子與師。
俱陷王難。汝當先覺。不入輪迴。迷惑不知。墮無
間獄。

又善男子。受陰虛妙。不遭邪慮。圓定發明。三摩
地中。心深愛入。尅已辛勤。樂處陰寂。貪求靜謐。
爾時天魔候得其便。飛精附人。口說經法。其人

本不覺知魔著。亦言自得無上涅槃。來彼求陰。善男子處敷座說法。令其聽人各知本業。或於其處語一人言。汝今未死。已作畜生。勅使一人於後蹋尾。頓令其人起。不能得。於是一衆傾心欽伏。有人起心。已知其肇。佛律儀外。重加精苦。誹謗比丘。罵詈徒衆。訐露人事。不避譏嫌。口中好言。未然禍福。及至其時。毫髮無失。此大力鬼年老成魔。惱亂是人。厭足心生。去彼人體。弟子

知見即明見之事

與師俱陷王難。汝當先覺。不入輪迴。迷惑不知。墮無間獄。

又善男子。受陰虛妙。不遭邪慮。圓定發明。三摩地中。心愛知見。勤苦研尋。貪求宿命。爾時天魔候得其便。飛精附人口。說經法。其人殊不覺知。魔著亦言自得。無上涅槃。來彼求知。善男子。處敷坐設法。是人無端於說法處。得大寶珠。其魔或時化爲畜生。口銜其珠。及雜珍寶簡冊符牘。

諸竒異物。先授彼人。後著其體。或誘聽人藏於
地下。有明月珠。照耀其處。是諸聽者。得未曾有。
多食藥草。不餐嘉饌。或時日餐一麻一麥。其形
肥充。魔力持故。誹謗比丘。罵詈徒衆。不避饑嫌。
口中好言他方寶藏。十方聖賢潛匿之處。隨其
後者。往往見有竒異之人。此名山林土地城隍
川嶽鬼神。年老成魔。或有宣姪。破佛戒律。與承
事者潛行五欲。或有精進。純食草木。無定行事。

神通即變化之事
化元即變化所由
也

惱亂是人。厭足心生。去彼人體。弟子與師。多陷
王難。汝當先覺。不入輪迴。迷惑不知。墮無間獄。
又善男子。受陰虛妙。不遭邪慮。圓定發明。三摩
地中。心愛神通。種種變化。研究化元。貪取神力。
爾時天魔。候得其便。飛精附人口。說經法。其人
誠不覺知。魔著亦言自得。無上涅槃。來彼求通
善男子。處敷座說法。是人或復。手執火光。手撮
其光。分於所聽。四眾頭上。是諸聽人。頂上火光。

皆長數尺。亦無熱性。曾不焚燒。或水上行如履平地。或於空中安坐不動。或入瓶內。或處囊中。越牖透垣。曾無障礙。唯於刀兵。不得自在。自言是佛。身著白衣。受比丘禮。誹謗禪律。罵詈徒衆。訐露人事。不避譏嫌。口中常說神通自在。或復令人傍見佛土。鬼力惑人。非有真實。讚歎行姪。不毀麤行。將諸猥媠。以爲傳法。此名天地大力。山精。海精。風精。河精。土精。一切草木。積劫精魅。

入滅即存淺之事
深空致存之理也

或復龍魅。或壽終仙。再活爲魅。或仙期終。計年
應死。其形不化。他怪所附。年老成魔。惱亂是人。
厭足心生。去彼人體。弟子與師。多陷王難。汝當
先覺。不入輪迴。迷惑不知。墮無間獄。

又善男子。受陰虛妙。不遭邪慮。圓定發明。三摩
地中。心愛入滅。研究化性。貪求深空。爾時天魔
候得其便。飛精附人口。說經法。其人終不覺知。
魔著。亦言自得。無上涅槃。來彼求空善男子處。

敷座說法於大衆內其形忽空衆無所見還從
虛空突然而出存沒自在或現其身洞如瑠璃
或垂手足作栴檀氣或大小便如厚石蜜誹毀
戒律輕賤出家口中常說無因無果一死未滅
無復後身及諸凡聖雖得空寂潛行貪欲受其
欲者亦得空心撥無因果此名日月薄蝕精氣
金玉芝草麟鳳龜鶴經千萬年不死爲靈出生
國土年老成魔惱亂是人厭足心生去彼人體

以想空入行為恒
審細相齊分段之
應求常住之細妙
破陰已深故顯理
益微

弟子與師多陷王難。汝當先覺。不入輪迴。迷惑
不知。墮無間獄。

又善男子。受陰虛妙。不遭邪慮。圓定發明。三摩
地中。心愛長壽。辛苦研幾。貪求未歲。棄分段生。
頓希變易。細相常住。爾時天魔。候得其便。飛精
附人口。說經法。其人竟不覺知。魔著亦言自得。
無上涅槃。來彼求生善男子處。敷座說法。好言
他方。往還無滯。或經萬里。瞬息再來。皆於彼方。

取得其物。或於一處。在一宅中。數步之間。令其
從東詣至西壁。是人急行。累年不到。因此心信。
疑佛現前。口中常說。十方衆生。皆是吾子。我生
諸佛。我出世界。我是元佛出世。自然不因修得。
此名住世自在天魔。使其眷屬。如遮文荼。及四
天王。毘舍童子。未發心者。利其虛明。食彼精氣。
或不因師。其修行人。親自觀見。稱執金剛。與汝
長命。現美女身。盛行貪欲。未逾年歲。肝腦枯竭。

口兼獨言。聽若妖魅。前人未詳。多陷王難。未及
遇刑。先已乾死。惱亂彼人。以至殞殞。汝當先覺。
不入輪迴。迷惑不知。墮無間獄。

阿難。當知是十種魔。於末世時。在我法中。出家
修道。或附人體。或自現形。皆言已成。正徧知覺。
讚歎。姪欲破佛律儀。先惡魔師。與魔弟子。姪姪
相傳。如是邪精魅。其心腑。近則九生。多踰百世。
令真修行。總爲魔眷。命終之後。必爲魔民。失正。

末世魔現比丘等
像混壞正法非毀
戒律故于篇終戒
最修證

徧知墮無間獄。汝今未須先取寂滅。縱得無學。
留願入彼末法之中。起大慈悲。救度正心深信
衆生。令不著魔。得正知見。我今度汝。已出生死。
汝遵佛語。名報佛恩。阿難。如是十種禪那現境。
皆是想陰。用心交互。故現斯事。衆生頑迷不自
忖量。逢此因緣。迷不自識。謂言登聖。大妄語成。
墮無間獄。汝等必須將如來語。於我滅後。傳示
末法。徧令衆生開悟斯義。無令天魔得其方便。

保持覆護成無上道。

大佛頂如來密因修證了義諸菩薩萬行首楞嚴經卷第九

第九卷音義

岐音奇

貶音圖

勗音旭

凭音憑

脂音泥

坼音册

眇音藐

螭音僂

蝮音蝮

踞音據

窳音藝

謐音密

訐音結

媠音洩

蝕音食

木
是
系



國立中央圖書館, NATIONAL CENTRAL LIBRARY, TAIWAN, R.O.C.

謂行陰所自起

夜之夢寐盡之想
像想陰盡則覺寐
一塵影映於山河
如鏡無兩分別即
虛應而已

大佛頂如來密因修證了義諸菩薩萬行首楞嚴經卷第十



阿難彼善男子修三摩提想陰盡者是人平常
夢想銷滅寤寐恒一覺明虛靜猶如晴空無復
麤重前塵影事觀諸世間大地山河如鏡鑒明
來無所黏過無蹤迹虛受照應了罔陳習唯一
精真生滅根元從此披露見諸十方十二衆生
畢殫其類雖未通其各命由緒見同生基猶如

想滅則此心為澄
空行現則遊塵清
擾識為主命由緒
其性元澄行破還
元則流習頓滅故
為澄水

野馬。熠熠。清擾。為浮根塵。究竟樞穴。此則名為
行陰區宇。若此清擾。熠熠元性。性入元澄。一澄
元習。如波瀾滅。化為澄水。名行陰盡。是人則能
超衆生濁。觀其所由。幽隱妄想。以為其本。
阿難。當知是時。正知奢摩他中。諸善男子。凝明
正心。十類天魔。不得其便。方得精研。窮生類本。
於本類中。生元露者。觀彼幽清。圓擾動元。於圓
元中。起計度者。是人墜入。二無因論。一者是人。

本無因者謂周
計度本元之因係未
見本劫起計也初
喻擾動即行陰也
不為想陰所覆故
云全破

未無因者現未來
自休依未劫未見
起計生人生鳥即
業流灣環也

見本無因何以故是人既得生機全破乘於眼
根八百功德見八萬劫所有衆生業流灣環死
此生彼祇見衆生輪迴其處八萬劫外冥無所
觀便作是解此等世間十方衆生八萬劫來無
因自有由此計度亡正徧知墮落外道惑菩提
性二者是人見末無因何以故是人於生既見
其根知人生人悟鳥生鳥鳥從來黑鷓從來白
人天本豎畜生本橫白非洗成黑非染造從八

一無因有。漫無想
中來自借前事。本
無。再有二無。因以
世智。觀察。作如是
計。謂諸見。皆有定
心。出智。二相。以依
根本。後。得二境。故

編常曰。四者一現
心境。二現。四大三
現。八識。四現。想。痴
總計為常。名四。修
常

萬劫無復改移。今盡此形。亦復如是。而我本來
不見菩提。云何更有成菩提事。當知今日一切
物象。皆本無因。由此計度。亡正徧知。墮落外道。
惑菩提性。是則名為第一外道。立無因論。
阿難。是三摩中。諸善男子。凝明正心。魔不得便。
窮生類本。觀彼幽清。常擾動元。於圓常中。起計
度者。是人墜入四徧常論。一者是人窮心境性。
二處無因。修習能知。二萬劫中。十方衆生。所有

能億二十成敗劫

能億四十成敗劫

能億八十成敗劫

以自智現察世間
並計彼我皆常

生滅咸皆循環。不曾散失。計以爲常。二者是人
窮四大元。四性常住。修習能知四萬劫中。十方
衆生所有生滅。咸皆體恒。不曾散失。計以爲常。
三者是人窮盡六根。末那執受。心意識中。本元
由處。性常恒故。修習能知八萬劫中。一切衆生
循環不失。本來常住。窮不失性。計以爲常。四者
是人既盡想元。生理更無流止。運轉生滅。想心
今已永滅。理中自然成不生滅。因心所度。計以

爲常。由此計常。亡正徧知。墮落外道。惑菩提性。是則名爲第二外道。立圓常論。

又三摩中。諸善男子。堅凝正心。魔不得便。窮生類本。觀彼幽清。常擾動元。於自他中起計度者。

是人墜入四顛倒見。一分無常。一分常論。一者。

是人觀妙明心。徧十方界。湛然以爲究竟。神我。

從是則計我徧十方。凝明不動。一切衆生。於我。心中。自生。自死。則我心性。名之爲常。彼生滅者。

四顛倒者一由自
及他二離心現上
三別觀心精四謬
于四陰各起分計
故也

此以湛寂之理爲
常止滅之性無常

此別觀恒沙國土
諸三禪以下為三
災所壞名無常性
四禪以上三災不
及名究竟常

此觀心精細流轉
即細相生滅

此以陰行流性為
常色受想為無常

此分位計度一三
際二見聞三彼我
四生滅是名四邊

真無常性。二者是人。不觀其心。徧觀十方恒沙
國土。見劫壞處。名為究竟無常種性。劫不壞處。
名究竟常。三者是人。別觀我心。精細微密。猶如
微塵流轉十方。性無移改。能令此身。卽生卽滅。
其不壞性。名我性常。一切死生。從我流出。名無
常性。四者是人。知想陰盡。見行陰流。行陰常流。
計為常性。色受想等。今已滅盡。名為無常。由此
計度。一分無常。一分常故。墮落外道。惑菩提性。

此以現過未有分
位為有邊相續無
分位為無邊

無見聞處其境已
測有見聞處其境
可了故名有邊
現承編知之性其
如無邊故名無邊

是則名為第三外道一分常論

又三摩中諸善男子。堅凝正心。魔不得便。窮生
類本。觀彼幽清。常擾動元。於分位中。生計度者。
是人墜入四有邊論。一者是人。心計生元。流用
不息。計過未者。名為有邊。計相續心。名為無邊。
二者是人。觀八萬劫。則見衆生。八萬劫前。寂無
聞見。無聞見處。名為無邊。有衆生處。名為有邊。
三者是人。計我徧知。得無邊性。彼一切人。現我

此于密移中觀造
化性故計一身半
生半滅以生為有
邊以滅為無邊

四種矯論由分別
境相立知見名字

知申。我曾不知彼之知性。名彼不得無邊之心。
但有邊性。四者是人。窮行陰空。以其所見心路。
籌度。一切衆生。一身之中。計其成皆半生半滅。
明其世界。一切所有。一半有邊。一半無邊。由是
計度。有邊無邊。墮落外道。惑菩提性。是則名為
第四外道。立有邊論。

又三摩中。諸善男子。堅凝正心。魔不得便。窮生
類本。觀彼幽清。常擾動元。於知見中生計度者。

德觀八境知見多
端報答不定此觀
化迷理矯亂

是人墜入四種顛倒不死矯亂徧計虛論一者
是人觀變化元見遷流處名之爲變見相續處
名之爲恒見所見處名之爲生不見見處名之
爲滅相續之因性不斷處名之爲增正相續中
中所離處名之爲滅各各生處名之爲有互互
亡處名之爲無以理都觀用心別見有求法人
來問其義答言我今亦生亦滅亦有亦無亦增
亦減於一切時皆亂其語令彼前人遺失章句

此二節觀心執無
執有矯亂偏觀一
境故唯見一象

此觀境亂心矯亂
蓋有無兩觀者

行相續計度

二者是人諦觀其心互互無處因無得證有人
來問唯答一字但言其無除無之餘無所言說
三者是人諦觀其心各各有處因有得證有人
來問唯答一字但言其是除是之餘無所言說
四者是人無俱見其境枝故其心亦亂有人
來問答言亦有卽是亦無亦無之中不是亦有
一切矯亂無容窮詰由此計度矯亂虛無墮落
外道惑菩提性是則名爲第五外道四顛倒性

十六相者一謂終後生有色有想二者生無色有想三者生亦有色亦無色有想四者生非有色非無色有想五者生有邊有想六者生無邊有想七者生亦有邊亦無邊有想八者生非無邊非有邊有想九者生有樂有想十者生有苦有想十一者生亦有樂亦有苦有想十二者生亦有樂亦有苦有想十三者生

不死矯亂徧計虛論

又三摩中諸善男子堅凝正心魔不得便窮生類本觀彼幽清常擾動元於無盡流生計度者是人墜入死後有相發心顛倒或自固身云色是我或見我圓含徧國土云我有色或彼前緣隨我迴復云色屬我或復我依行中相續云我在色皆計度言死後有相如是循環有十六相從此或計畢竟煩惱畢竟菩提兩性並驅各不

有一想十四者生
若干想十五者生
有少想十六者生
無量想

此諸陰滅計度

相觸。由此計度。死後有故。墮落外道。惑菩提性。
是則名爲第六外道。立五陰中。死後有相心顛
倒論。

又三摩中。諸善男子。堅凝正心。魔不得便。窮生
類本。觀彼幽清。常擾動元。於先除滅。色受想中。
生計度者。是人墜入死後無相。發心顛倒。見其
色滅。形無所因。觀其想滅。心無所繫。知其受滅。
無復連綴。陰性銷散。縱有生理。而無受想。與草

於未劫末見生無
想論是為八見

此存滅計度

本同此質。現前猶不可得。死後云何更有諸相。
因之勘校。死後相無。如是循環。有八無相。從此
或計。涅槃因果。一切皆空。徒有名字。究竟斷滅。
由此計度。死後無故。墮落外道。惑菩提性。是則
名為第七外道。立五陰中。死後無相。心顛倒論。
又三摩中。諸善男子。堅凝正心。魔不得便。窮生
類本觀。彼幽清。常擾動元。於行存中。兼受想滅。
雙計有無。自體相破。是人墜入。死後俱非。起顛

八相即非有色受
想行非無色受想
行也

倒論色受想中見有非有行遷流內觀無不無
如是循環窮盡陰界八俱非相隨得一緣皆言
死後有相無相又計諸行性遷訛故心發通悟
有無俱非虛實失措由此計度死後俱非後際
昏瞢無可道故墮落外道惑菩提性是則名爲
第八外道立五陰中死後俱非心顛倒論
又三摩中諸善男子堅凝正心魔不得便窮生
類本觀彼幽清常擾動元於後後無生計度者

此後無計度為七
斷滅論

此後有計度為五
涅槃論

婆羅門於未劫末
見入四十四見中
或於本劫本見盡
入十六見中或于
本劫本見未劫末
見盡入六十二見
中此六十二見而

是人墜入七斷滅論。或計身滅。或欲盡滅。或苦
盡滅。或極樂滅。或極捨滅。如是循環窮盡七際。
現前銷滅。滅已無復。由此計度。死後斷滅。墮落
外道。惑菩提性。是則名為第九外道。立五陰中
死後斷滅。心顛倒論。

又三摩中。諸善男子。堅凝正心。魔不得便。窮生
類本。觀彼幽清。常擾動元。於後後有生計度者。
是人墜入五涅槃論。或以欲界為正轉。依觀見

世尊志如是知如
是見但不執著耳
蓋外道以知見立
知故成見經如來
以知見無見故成
菩提

總行陰十魔當辨
六十二見以身見
為本故說種種異
見皆依有無又曰
若有若無等依以
此諸見

四。明。生。愛。慕。故。或。以。初。禪。性。無。憂。故。或。以。二。禪。
心。無。苦。故。或。以。三。禪。極。悅。隨。故。或。以。四。禪。苦。樂。
二。亡。不。受。輪。迴。生。滅。性。故。迷。有。漏。天。作。無。為。解。
五。處。安。隱。為。勝。淨。衣。如。是。循。環。五。處。究。竟。由。此。
計。度。五。現。涅。槃。墮。落。外。道。惑。菩。提。性。是。則。名。為。
第。十。外。道。立。五。陰。中。五。現。涅。槃。心。顛。倒。論。
阿。難。如。是。十。種。禪。那。狂。解。皆。是。行。陰。用。心。交。互。
故。現。斯。悟。眾。生。頑。迷。不。自。忖。量。逢。此。現。前。以。迷。

明識陰海自起

此識陰十廣為度
存之元行窳識現
故深達存元行陰
遷流不出根境之

為解。自言登聖。大妄語成。墮無間獄。汝等必須
將如來語。於我滅後。傳示末法。徧令衆生。覺了
斯義。無令心魔自起。深孽保持。覆護銷息。邪見
教其身心。開覺真義。於無上道。不遭枝岐。勿令
心所得少。為足。作大覺王清淨標指。

阿難。彼善男子。修三摩提。行陰盡者。諸世間性
幽清擾動。同分生機。倏然隳裂。沈細綱紐。補特
伽羅。酬業深脉。感應懸絕。於涅槃天。將大明悟。

法由感應懸絕故
內外湛明諸類不
召故入無所入

識為還元之地故
諸乘於此並立因
依而取果記總成
十魔

如雞後鳴。瞻顧東方。已有精色。六根虛靜。無復
馳逸。內外湛明。入無所入。深達十方十二種類。
受命元由。觀由執元。諸類不召。於十方界。已獲
其同。精色不沈。發現幽秘。此則名為識陰區宇。
若於羣召。已獲同中。銷磨六門。合開成就。見聞
通隣。互用清淨。十方世界。及與身心。如吠瑠璃。
內外明徹。名識陰盡。是人別能超越。命濁。觀其
所由。罔象虛無。顛倒妄想。以為其本。

此因衆因執

阿賴耶識是諸理
又現法樂住三昧
之境人天等趣諸
佛国土悉以為因
常與諸乘而作種
姓即此義也

阿難當知是善男子窮諸行空於識還元已滅
生滅而於寂滅精妙未圓能令已身根隔合開
亦與十方諸類通覺覺知通溜能入圓元若於
所歸立真常因生勝解者是人則墮因所因執
娑毗迦羅所歸冥諦成其伴侶迷佛菩提亡失
知見是名第一立所得心成所歸果違遠圓通
背涅槃城生外道種

阿難又善男子窮諸行空已滅生滅而於寂滅

班藤非燥乾高我
生彼成偏圓種

精妙未圓。若於所歸。覽爲自體。盡虛空界十二
類內。所有衆生。皆我身中。一類流出。生勝解者。
是人則墮。能非能執。摩醯首羅。現無邊身。成其
伴侶。迷佛菩提。亡失知見。是名第二。立能爲心。
成能事果。違遠圓通。背涅槃城。生大慢天。我徧
圓種。

又善男子。窮諸行空。已滅生滅。而於寂滅。精妙
未圓。若於所歸。有所歸依。自疑身心。從彼流出。

此常非常執計彼
生滅成例圓種

十方虛空咸其生起。卽於都起所宜流地作真
常身。無生滅解。在生滅中。早計常住。旣惑不生
亦迷生滅。安住沈迷。生勝解者。是人則墮常非
常。執計自在。天成其伴侶。迷佛菩提。亡失知見。
是名第三立因。依心成妄計果。違遠圓通。背涅槃
城。生倒圓種。

又善男子。窮諸行空。已滅生滅。而於寂滅精妙
未圓。若於所知。知徧圓故。因知立解。十方草木。

此知無知快胡計
獨有情成則知種

皆稱有情與人無異。草木爲人人死還成。十方
草樹無擇徧知。生勝解者是人則墮。知無知執
婆吒霰尼。執一切覺成其伴侶。迷佛菩提亡失
知見。是名第四計圓知心。成虛謬果。違遠圓通。
背涅槃城。生倒知種。

又善男子。窮諸行空。已滅生滅。而於寂滅精妙
未圓。若於圓融根互用中。已得隨順便於圓化
一切發生。求火光明。樂水清淨。愛風周流。觀塵

生無生執由根互
用所圓融性於是
計一切法皆能生
化故崇火事水爰
現觀塵為圓化之
因異生勝果

歸無歸執計永滅
緣成斷滅種

成就各各崇事。以此羣塵發作本因。立常住解。
是人則墮生無生執。諸迦葉波。并婆羅門。勤心
役身。事火崇水。求出生死。成其伴侶。迷佛菩提。
亡失知見。是名第五計著崇事。迷心從佛。立妄
求因。求妄冀果。違遠圓通。背涅槃城。生顛化種。
又善男子。窮諸行空。已滅生滅。而於寂滅精妙
未圓。若於圓明。計明中虛。非滅羣化。以未滅依
為所歸依。生勝解者。是人則墮歸無歸執。無想

種貪非貪執成妄見

天中諸舜若多。成其伴侶。迷佛菩提。亡失知見。
是名第六圓虛無心。成空亡果。違遠圓通。背涅槃城。生斷滅種。

又善男子。窮諸行空。已滅生滅。而於寂滅精妙。未圓。若於圓常。固身常住。同於精圓。長不傾逝。生勝解者。是人則墮貪非貪執。諸阿斯陀。求長命者。成其伴侶。迷佛菩提。亡失知見。是名第七執著命元。立固妄因。趣長勞果。違遠圓通。背涅槃

槃城生妄延種。

又善男子。窮諸行空。已滅生滅。而於寂滅精妙。未圓觀命互通。却留塵勞。恐其銷盡。便於此際。坐蓮華宮。廣化七珍。多增寶媛。縱恣其心。生勝解者。是人則墮真無真執。吒枳迦羅。成其伴侶。迷佛菩提。亡失知見。是名第八發邪思。因立熾塵果。違遠圓通。背涅槃城。生天魔種。又善男子。窮諸行空。已滅生滅。而於寂滅精妙。

真珠真執謂留欲
固合成天魔種

定姓聲聞日明經
謂畏若獄身志存
泥洹墮阿羅漢者

圓妙真融惑習俱
盡名清淨覺明于
冥妙中極其本真
發研深妙以此為

未圓於命明中。分別精麤。疏決真偽。因果相酬。
唯求感應。背清淨道。所謂見苦斷集。證滅修道。
若滅已休。更不前進。生勝解者。是人則墮定性。
聲聞諸無開僧。增上慢者。成其伴侶。迷佛菩提。
亡失知見。是名第九圓精應心。成趣寂果。違遠
圓通。背涅槃城。生纏空種。
又善男子。窮諸行空。已滅生滅。而於寂滅精妙。
未圓。若於圓融清淨覺明。發研深妙。卽立涅槃。

果名定性辟支

識陰惣統八識而
八識者是諸乘根
本故通叙聲聞辟
支諸修証法

總識陰十魔當辨

而不前進。生勝解者。是人則墮定性辟支。諸緣
獨倫。不迴心者。成其伴侶。迷佛菩提。亡失知見。
是名第十圓覺。溜心。成湛明果。違遠圓通。背涅槃
城。生覺圓明。不化圓種。

阿難。如是十種禪那。中塗成狂。因依迷惑。於未
足中。生滿足證。皆是識陰。用心交互。故生斯位。
衆生頑迷。不自忖量。逢此現前。各以所愛。先習
迷心。而自休息。將爲畢竟所歸。寧地。自言滿足。

前妨心魔外妨見
應

此群那所修不應
諸位故疑信等直
入妙莊嚴海成就
普賢行也

無上菩提。大妄語成。外道邪魔。所感業終。墮無
間獄。聲聞緣覺。不成增進。汝等存心。秉如來道。
將此法門。於我滅後。傳示末世。普令衆生。覺了
斯義。無令見魔。自作沈孽。保綏哀救。銷息邪緣。
令其身心。入佛知見。從始成就。不遭歧路。如是
法門。先過去世。恒沙劫中。微塵如來。乘此心開。
得無上道。識陰若盡。則汝現前。諸根互用。從互
用中。能入菩薩。金剛乾慧。圓明精心。於中發化。

如淨琉璃內含寶月如是乃超十信十住十行
十迴向四加行心菩薩所行金剛十地等覺圓
明入於如來妙莊嚴海圓滿菩提歸無所得此
是過去先佛世尊奢摩他中毗婆舍那覺明分
析微細魔事魔境現前汝能諳識心垢洗除不
落邪見陰魔銷滅天魔摧碎大力鬼神褫魄逃
逝魑魅魍魎無復出生直至菩提無諸少乏下
劣增進於大涅槃心不迷悶若諸末世愚鈍衆

此又提起神呪可
究神呪之力最極
究竟皆得

此同有二觀心以
上問生起因緣又
此以下問還滅因
緣

生未識禪那不知說法樂修三昧汝恐同邪一
心勸令持我佛頂陀羅尼呪若未能誦寫於禪
堂或帶身上一切諸魔所不能動汝當恭欽十
方如來究竟修進最後垂範

阿難卽從座起聞佛示誨頂禮欽奉憶持無失
於大衆中重復白佛如佛所言五陰相中五種
虛妄爲本想心我等平常未蒙如來微細開示
又此五陰爲併銷除爲次第盡如是五重詣何

破因緣作狀之情
因謂能生緣能長
養因由相助因事
緣生已相續緣
力長養或因惟一
緣乃報多又自然
者或各自性或各
有相自性或名自
法自覺也

爲界唯願如來發宣大慈爲此大衆清淨心目
以爲末世一切衆生作將來眼

佛告阿難精真妙明本覺圓淨非留死生及諸
塵垢乃至虛空皆因妄想之所生起斯元本覺
妙明真精妄以發生諸器世間如演若多迷頭
認影妄元無因於妄想中立因緣性迷因緣者
稱爲自然彼虛空性猶實幻生因緣自然皆是
衆生妄心計度阿難知妄所起說妄因緣若妄

聖因長想為愛身
因緣

元無說妄因緣。元無所有何況不知推自然者。是故如來與汝發明五陰本因同是妄想。

汝體先因父母想生。汝心非想則不能來想中。傳命如我先言。心想醋味口中涎生。心想登高足心酸起。懸崖不有醋物未來。汝體必非虛妄。通倫口水如何因談醋出。是故當知汝現色身名爲堅固第一妄想。

卽此所說臨高想心能令汝形真受酸澀由因。

虛明妄想為違順
因緣

融通妄想為形取
因緣

虛隱妄想為躡遷
因緣密移非汝云

受生能動色體汝今現前順益違損二現驅馳
名為虛明第二妄想

由汝念慮使汝色身身非念倫汝身何因隨念
所使種種取像心生形取與念相應寤即想心
寐為諸夢則汝想念搖動妄情名為融通第三
妄想

化理不住運運密移甲長髮生氣銷容皺日夜
相代曾無覺悟阿難此若非汝云何體遷如必

何體遷若而汝休
自應有覺

精明者識性澄湛
之休住精明則
空帶寐廢迷化之
門故佛說非真今
破陰顯智免纏實
之見入起行之門

是○真○汝○何○無○覺○則○汝○諸○行○念○念○不○停○名○為○幽○隱○
第○四○妄○想○

又○汝○精○明○湛○不○搖○處○名○恒○常○者○於○身○不○出○見○聞○
覺○知○若○實○精○真○不○容○習○妄○何○因○汝○等○曾○於○昔○年○
覩○一○奇○物○經○歷○年○歲○憶○忘○俱○無○於○後○忽○然○覆○覩○
前○異○記○憶○宛○然○曾○不○遺○失○則○此○精○了○湛○不○搖○中○
念○念○受○熏○有○何○籌○筭○阿○難○當○知○此○湛○非○真○如○急○
流○水○望○如○恬○靜○流○急○不○見○非○是○無○流○若○非○想○元○

精微妄想為串習
因緣

受陰之名取陰排
眾業身有為無漏
以非惑業所生故
此以惑業為凡陰
遂取生故名取陰

寧受想習非汝六根互用開合此之妄想無時
得滅故汝現在見聞覺知中串習幾則湛了內
罔象虛無第五顛倒微細精想

阿難是五受陰五妄想成汝今欲知因界淺深
唯色與空是色邊際唯觸及離是受邊際唯記
與忘是想邊際唯滅與生是行邊際湛入合湛
歸識邊際

此五陰元重疊生起生因識有滅從色除理則

頓悟乘悟併銷。事非頓除。因次第盡。我已示汝。劫波巾結。何所不明。再此詢問。汝應將此妄想。根元。心得開通。傳示將來末法之中。諸修行者。令識虛妄。深厭自生。知有涅槃。不戀三界。

阿難。若復有人。徧滿十方。所有虛空。盈滿七寶。持以奉上。微塵諸佛。承事供養。心無虛度。於意云何。是人以此施佛。因緣得福。多不。阿難答言。虛空無盡。珍寶無邊。昔有衆生。施佛七錢。捨身

十波羅夷即十重
罪也。

猶獲轉輪王位。况復現前。虛空既窮。佛土充徧。皆施珍寶。窮劫思議。尚不能及。是福云何。更有邊際。

佛告阿難。諸佛如來。語無虛妄。若復有人。身具四重。十波羅夷。瞬息卽經。此方他方。阿鼻地獄。乃至窮盡十方。無間靡不經歷。能以一念。將此法門。於末劫中。開示未學。是人罪障。應念銷滅。變其所受地獄苦因。成安樂國。得福超越前之。

以誦此經呪
即得
正覺故也

蓮結一部

施人百倍千倍。千萬億倍。如是乃至算數譬喻
所不能及。阿難。若有衆生。能誦此經。能持此呪。
如我廣說。窮劫不盡。依我教言。如教行道。直成
菩提。無復魔業。佛說此經已。比丘比丘尼。優婆
塞。優婆夷。一切世間天人。阿修羅。及諸他方菩
薩。二乘聖仙童子。并初發心大力鬼神。皆大歡
喜。作禮而去。

大佛頂如來密因修證了義諸菩薩萬行首楞

嚴經卷第十終



NATIONAL CENTRAL LIBRARY, TAIWAN, R.O.C.

覺于居士凌毓相謹校



第十卷音義

殫

音丹

緒

音序

熠

音亦

孽

音業

綴

音墜

霰

音線

秉

音丙

褫

音思

溜

音泚

媛

音怨

國立國史館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C